

大
中
華
京
兆
地
理
志

大興孫壯署

奎心經纂京兆志成

布教京畿

大興 敷負 隆秀 寬敬 書
宛平 受業 劉潤 元謹 刻

大中華民國八年十月十日十學宣言

閩侯林傳甲報告

傳甲問學淺陋。海內同志。推舉爲大中華地理志總纂。天爵尊榮。深自祇懼。匹夫責任。義不可辭。受事三年。罔敢或懈。躬逢盛會。敬告國民。凡十大端。

甲 中國地理學會十年紀念

中國地理學會。爲十年前中秋後。蒞始。時傳甲于役龍江。謹以黑龍江地圖。鄉土志。由提學司咨復本會。是爲傳甲入會之始。張蔚西長者。及同志八百員。於傳甲近三年。總纂地理志。實行監督。扶助進行。日日無閒。傳甲謹以周游教育日記。就正有道。

乙 全國教育會聯合會

上年在上海舉行。傳甲忝列賓席。時江浙兩省地理志。皆每三月成一編。各省教育家。皆盼傳甲速往。別來一年。編印江西。湖北。京師。京兆。四冊。若安徽志。福建志。雖係今年出版。實係上年舊著。前此兩年。每年四冊。周游各省。尤感各教育家。共贊成之。

丙 京兆地理志出版

教育部傳次長。爲茲志發起時。第一贊成人。傳甲爲教育部記名僉事。深懼本部所



頒調查鄉土訓令。未盡實行。此次對於傳次長。王京兆。均明定國慶日爲出版期。勉求踐言。傳甲對於國家中央政府。對於地方官紳。惟此耿耿。赤誠昭示大信也。

丁 湖北省地理志出版

湖北志本於今年三月纂成。因本會同志促歸。謂京師京兆兩志。必須先成。以爲十年紀念。中央爲各方所具瞻也。寄孥汝漢。守祖父墓。老妻祝宗梁。亦謂非湖北志出版不離鄂。繼經阮養格修正。又派舍弟傳濤赴鄂校刊。濤既刊闈志。至鄂則鄂志成。

戊 京師街巷記內左一區出版

京師街巷記二十冊。係二十區半日學生實地調查。吳總監命傳甲領五十五校。教五千餘人。課學生作記事文。就本區本街實地調查。教員身任巡官長警。覆閱尤多。修正每區彙成一冊。陸續出版。內左一區成績較優。外人偏處。雖童穉亦知戒懼也。

己 京師地理志即於本年訂正再版

京師志出版後。門人盡力推行傳習。在京有專門以上校長陸是元等。在外有安徽教育廳長董嘉會。發皇師說。弘我國學。中小學生亦用爲教科。既經呈明內務部。享

庚 江蘇、浙江、江西、安徽、福建志，由各省修正再版。

傳甲受各省教育，乃成各省地理志，不敢私爲一家著述。江蘇託黃任之修正，浙江託經子淵修正，江西託龍荃蓀修正，安徽託董亨衢修正，福建託林西園修正，並以再版之權。公之各省省議會，省教育會，草創粗材，願修飾潤色者，成人之美焉。

辛 直隸、山東、山西、河南、湖南各志刻日編印。

直隸蘇莘，山西李泰葵，力任分纂，均約定年內出版。河南教育廳長吳鼎昌，盡心調查，濤弟將往校印。山東師範生四百，調查尙詳。昔擬先成各縣志，在魯半載無功，僅刊青島游記。國慶後盡心齊晉，當必告成。湖南志已交門人龍承燧調查地質。

壬 大興宛平兩縣地理志，已徵集材料，限年內出版。

大中華地理志，原訂全國一千八百四十四縣，每縣一冊，傳甲悲歌易水，先成大中華直隸省易縣志，即印於地學雜誌。江、浙、皖、贛、鄂次第分縣編纂。今大興縣知事崔麟臺，勸學所長安則泰，宛平縣知事湯銘鼐，勸學所長崔畏三，約訂教育界同輯之。

癸 十年十月十日各省區地理志觀成。

國會議員光雲錦等。孔教會主任陳煥章等。深知傅甲勤慎有恒。又見全國同志如響斯應。謂十年十月十日。各省區地理志可成。蓋八年八月八日。青海玉樹亦附入本會。一誠感格。無遠弗届。果南北不再鬪牆。傅甲將重經漳嶺。再涉龍漠。成此志也。傅甲遇山中老友。不及門學生。問我近狀。所答者八大端。

或問編大中華地理志。需費繁多。安得許多資。本。答用中國錢。辦中國事。不借外款。或問大中華地理志。受政府補助乎。答地學雜誌。受教育農商補助。此志未受補助。或問龍江拓墾久安。何以舍而去之。答母在遊必有方。葬母後則東西南北之人也。或問或問足下得顧亭林秘籍否。答有歷代宅京記。已謀刊印。公之國人。或問周游各省。何以得官紳歡迎。果操何術。答至聖溫良恭儉讓。子貢氏之儒。由之。或問一千八百四十四縣地理志。何時可成。答每縣得一同志。則三月成。事在人耳。或問總纂用何法。答慈訓到處。可舉。逢人可問。又教以勤慎有恒。是以有志則竟成。或問江浙以後何省所得最多。答在江西。年逾四十始生長。男名曰家華。字曰大中。

大中華京兆地理志序

清季英割江洪。當局茫不識何處。日人得東沙羣島。竟罔知隸我版圖。茫茫大地。羌無詳冊學校。所講授強半。襲自譯。聞外人潛行測步。時肇交涉。路礦林產。經外人指索。而始恍然。談政治者。以各省區之地勢民物。瞭然莫辨。勸致乖方。奮時志書。類鋪張聲華文物。不實求之地利民生。宗旨既違。更奚論體例。販鈔故籍。陳陳相因。確從切實調查。得來者百不一覩。以言地志。殊可痛已。夫各國重視地理。爲專科學術。得以爲謀國治民之根本也。而我尙在顛倒茫昧中。自有家珍。人代指教。肢體罔覽。而大刀者將負之而走矣。識者憂之。泗陽張君蔚西。南通白君雅雨。自宣統初載。倡組中國地學會。莘亦勉從諸君之後。海內同志。感召同聲。地學曙光。從斯一啓。乃一阨於白君灤州之殉義。再阨於洪憲時代之黨疑。賴張君苦力維持。始獲綿緒日昌。越十年而至於今。閩侯林君奎騰。海內碩學。久耳隆譽。夙以未識爲憾。民國五年夏。林君來地學會。發議編纂大中華地理志。各省各縣。廣召同志。分擔編輯。由中華書局購稿刊行。嗣以國內多故。人心靡寧。中華書局亦以虧累。罷購稿之約。事復中輟。蓋成一事。固若是其難也。林君

奮然不爲餒。時主講易水。成易縣志。發憤徧遊寰宇。以作成全國省區志爲己任。遂去
易之魯。之蘇。之湖。之贛。之皖。之鄂。車塵邸兩中。不釋卷。不輟筆。乘官署。歡迎而諮。其政
攬卷。走鄉閭。以察其俗。每蒞一省。凡三四閱月。而成一志。數年來。政潮簸。翻勢熾。聲
喧。厖者。舉角逐。於權位利祿。一塗。林君獨苦心孤詣。矢成鉅舉。願亭林。李益。溪。諸先賢
後。僅見之人。洵斯世之豪傑也。哉。幸義與會晤於京師地學會。把酒從談。於南北各省
利害大勢。滔滔千言。深爲傾服。囑莘爲分纂直隸志。自慚謏陋。遜謝再三。不獲已。前月
大著京師志。又告成。京兆志亦將付梓。更殷殷責勉直隸。林君之勤奮。令人歎莫及也。
莘以省會事繁。兼從事河北日報編輯。日碌碌無暇晷。吾直省地廣民稠。民六。大水後。
河渠已變。於古。年來開礦造林。籌自治政教。又繁於今。望洋興歎。爲之躊躇。顧素嗜地
學。積久成癖。承林君殷拳。若。是。自當竭蹶。勉。赴。一俟粗成概畧。丐正於林君。暨地學會
同友。第每讀林君諸志。驚爲崑極海源。班門弄斧。深爲兢兢。茲述顛末。以志景仰之微
忱。云爾。交河蘇莘謹序。

大中華京兆地理志序

京兆環拱國都。自昔稱爲畿輔重地。有清時設順天府尹統治之。民國成立後。改爲京兆特別區域。經 王志襄大京兆數載經營。盡心規畫。文化日進。大異舊觀。雖前有畿輔通志。然與直省相混合。未有專書記載。甚畧。殊爲憾事。本年秋。閩侯林奎雲先生。修江浙皖贛閩鄂各省志及京師志告成之後。復纂大中華京兆地理志。才高志遠。學識宏通。博採周諮。考證詳確。於山川之位。置物產之豐饒。及人民程度。政教狀況。無不詳載。凡我京兆實業之設施。教育之採擇。應有盡有。關係極大。手此一篇。不出戶庭。便可洞悉一切。較之昔日稽考。莫由問津。無自者。其愉快爲如何乎。不禁爲京兆前途賀矣。文光才疏識淺。何足知是書萬一。因欽佩之深。歡迎之至。用敢略呈數語。貢獻蕪詞。與及門諸生共研鄉土地理焉。益津馮文光謹序於黃村京兆第二中校。

大中華京兆地理志序

余讀顧亭林先生歷代宅京記。言京師爲天下本。右擁太行。左注滄海。據中原正南面。統居庸冀朔方。念京兆今日之河山。亦猶是也。元有大明殿。以爲明太祖應運之先聲。元人著書。述元之德政。曰卑宮室而靈力乎溝洫。蓋郭守敬之測量。爲中華嗜人之最精者。是以運河成於元。代爲吾國南北。統一河。流京兆人有乘舟。由運河逾河。逾淮。派江。湘而下。灑水。即可由西江至南海。吾中華建京兆於此。蓋挈通憲之要領。以遠及西南也。余所感者。中華學術。元代最盛。而大都氈局。繡局。織染局。簾局。及蠟布等局。金銀器盒局。諸色名匠。皆隸於總管府。造船亦設提舉司。隸於工部。綾錦局。文綺局。瑪瑙玉局。隸於徽政院。鐵局。木局。隸於中尙監。大都軟皮局。熟皮局。隸於利用監。銅局。車局。畫局。隸於少府監。玉局。石局。珠子局。顏料庫。隸於將作院。箭局。絃局。隸於武備院。此外塑局。鑄局。極多。知元人鞭撻歐洲。而臣服之。宅京於此。物質文明。在金革美術者。不止武力也。林子著京兆志。將爲各省範。或可爲各國範。光復元大都聲教。則俄土德奧匈皆曾以此爲中央政府矣。雖十族共利。不亦可乎。亭林之道。林子已任之矣。蒙古文元序。

大中華系地理志序

余與奎騰同年。同事於順天中學。奎騰時在京師大學。教授地理兼課中學。每至校。必抱持一統輿圖。凡歷史、兵爭、朝會、與地理有關係者。皆以蠅頭小字羅列圖中。余始知奎騰致力於歷史輿地之久。不但壬寅闢作一鳴驚人。湘學使署所刊圖史通義。至今藏於大學者。尤奎騰少時所致力也。今年奎騰編印大中華福建省地理志。本省公署議會。一致推重。垂爲鄉土教科。然奎騰夙以四海爲家。近年歷江浙皖贛鄂。亦有志實成。京師京兆志。爲奎騰教授京師大學順天中學所創議。彼時日本教員即有北京志出版。奎騰益覺外人謀我之急。就揀發知縣赴粵。便道赴東洋考察政教。歸國後。服官黑龍江者十年。講學蒙荒者一年。乃入京而發起大中華地理志。蓋奎騰此志。意在警覺今之政治家。教育家。留心本省本縣之事。曾推北京大學教員纂京師志。高等師範教員纂京兆志。謂教員勤則學生無不動。然今之爲教員者。或一年而再易。歷數任而終於無成。然則奎騰每三月成一省。如急就章。蓋一則見外患之亟。如汽機、電流、速力、驟增。是以不敢遲。二則見政局變幻。朝令夕改。昨日之新。即今日之舊。是以不敢久。盡

騰性孝。秉賢母之教。勤慎有恒。海內共知。一日不學。即爲不孝。是以不敢懈。今京兆志出。所以教誨京兆子弟者。比昔日教授順天中學時。奚啻十倍乎。余與奎騰同鄉。夙聞其曾祖鄉賢杏圃孝廉。七上公車。三謁明陵。西山名剎。多有題詠。時優伶萃於櫻桃觀街。士大夫沈溺於此。孝廉著論非之。舊日觴集之地。惟廣和居獨存。祖劍秋太年伯實引見入京。於琉璃河長辛店。亦有題詠。又北出居庸。覘形覽勝。蓋太守以諸生從戎。佐駱文忠平蜀。叩焚劍門。夔府卓著循聲。嘗取一統輿圖。授奎騰曰。余作官四十年。無所餘。惟此篋中一帙爲吾子孫第一宗財產也。奎騰幼時。劍秋先生已病。然圖中朱筆所標。由京師至雲南驛路。手澤猶存。即林文忠公滇輶紀程之道也。父麗生年伯。自鄂解京餉入都。卽携一統輿圖。自隨。所經陸路。卽今京漢鐵路也。林氏本吾閩鉅族。奎騰之學。爲近三代所積者尤厚。久背鄉井。論故鄉文獻。爲老於閩者所不及。家學有本而不自私。至今見順天學生。必詢其所學。及地方民生之狀。師嚴道尊。聞學之之正誼。自沈敬裕公貽之於京兆者。今日學子猶瞻遺像。而不忘遺愛也。余與奎騰皆受知於敬裕者。是以序奎騰之書。敬述先正爲後學範焉。民國八年國慶日。同里丁震。

大中華京兆地理志自序

閻侯林傳甲撰

大中華民國八年八月八日早八點鐘。大中華京師地理志出版於中國地學會。面呈教育部代理部務傳治勳次長。并呈閱大中華京兆地理志初稿次長閱定目錄。比各省精密。襄勉備至。詢京兆志出版期。傳甲以本年國慶日爲對。因論及湖北志編成未印。亦當於國慶日出。版。今乃踐言。憶三年前此志發起。或疑傳甲徒託空言。傳次長決其必成。上年十月十日。江蘇省地理志出版。與全國教育會聯合會。集於上海。各省教育家。深信傳甲。每三月編印一省志。如庖丁作家。常便飯。絕不費力。並非難事。春夏秋冬。四季游歷。皖、浙、蘇、贛四省。皆未逾三月。皖鄂出版稍遲。因去皖去鄂時未及出版也。每至各省。省長虛前席以問。藉陳閭閻疾苦。此志目錄初成。曾晉謁王大京兆。即面陳各省辦法簡妙。實由不設機關。不挂招牌。不定豫算。惟藉督軍省長教育廳之提倡。教育會學校之聯合。分銷豫約。補助游歷。調查編纂。印刷諸費。綽有餘裕。各國著作家有著作權。法律上許爲終身之恆產。顧亭林以匹夫之責。求天下利病。不過日知日新。不肯放棄。天與之歲月。有志者事竟成也。京兆爲各省模範。今繼京師而編纂。敢不慎歎。

昔在中國地理學會。推高等師範章厥生主任。編京兆志未成。王主任桐齡又督高等師範牛籍隸京兆者。調查本縣鄉土。略得數縣。傅甲係順天中學十七年前老教習。當年學生。今已任職教員。暑假前以拙著徧獎京兆公立第一中學校諸生。勗以調查。劉生文賢最勤。京兆人當知京兆。先自知。乃能自治。蓋吾國教育衰頹。任教育者日事放弛。教育部通令。暑假調查鄉土地理。各省學校。或埤前放假。或毫無片紙。皆不明共和國體集大成聖教也。傅甲就學生所調查整齊之。遂哀然成冊。有裨教科。通志局。縣志局。虛糜廩粟。曠日無成者。聞余至。亦稍除惰氣矣。傅甲在故鄉不過三月。編福建志。由舍弟傅濤分纂印成。復從事湖北志。亦同日出版。昔南竄煙瘴。北投冰霜。亦無異鄉土。况京師京兆之首善乎。京兆教育會李會長。第一師範劉校長。第一中學王校長。第二中學馮煥如贊助良多。京兆二十縣分圖。出於張君鑒濤。余見王太京兆。又催飭二十縣。各以最新圖表具復。仍賴張君彙齊。是傅甲所得於京兆。二十縣者無異。京師。二十區也。受京兆父老兄弟之教育。以教育京兆之子弟。觀京兆學生人數倍於昔年。則以此志弁諸江浙皖閩鄂諸志之前。亦無愧也。

大中華京兆地理志凡例

- 一地理志原定每編一百六十章，以便中、學、師、範，每星期教授，一章四年亦可畢業。
- 一京師、江、浙、皖、贛、閩、鄂、各省，章數皆同，本編章數亦與各省一律。
- 一京師志每章前六行，必提挈大綱，總括全體，以便節取。教授高、等、小、學，及乙種實業學生，比各省體裁尤密。本編亦仿照編纂，以便京兆各縣、小、學、加、課、研、究。
- 一京兆只二十縣，不過江皖三分之一，是以於各縣之後，列鉅鎮、模範村。各章因各鎮重要者，或無異於大縣，模範村雖以村名，設備有近於縣治者。
- 一各省志之各縣，經緯、沿革、山脈、水系，均分列於各縣。京兆各縣，經緯、沿革、山脈，包彙記於前者，各縣遂不復列，但詳列地勢一節，注重水利水患。
- 一物產爲民生之本，是以每縣必列，各鎮亦必列之，但力避重複。多方訪問，比官書詳數倍，皆得之於京兆地方之父老兄弟，務求詳實。
- 一舊志莫重於順天府志，但二十縣志，尙未完全。新聞莫重於京兆公報，尤詳於教育實業。此外參考書報繁多，仍折中於最近之調查。

一京兆之特色。有他省所無者。如高線鐵路。僻在深山。言交通者罕有記載。因沈君延眉在事久。能言其詳。地層岩石。煤田。爲章演羣實勘所得。亦前古所未有。

一京兆重要各地。交通便利者。著者曾躬往調查。即至艱至險之地。如梯子鱗無異棧道。化山頂爲西山極巔。皆由本會張會長。宛平湯知事。履勘而詳記之。

一京兆固有之樂土。如涿縣三坡地方。爲共和先進。亦經張會長調查嘉許。居庸十三陵。古北口。各章。皆採用本會地學雜誌。其他各章引用本雜誌亦多。

一京兆與直隸河道。關係至鉅。順直省議會議員蘇莘。潛心輿地廿年。尤注意於畿輔水利。於近年改道。將來計畫。考論精詳。本篇關係水利者。則蘇氏匡益爲多。

一京兆各鎮教育實業並發達者。當推新集鎮。全章由第一中學王校長主稿。諸生調查者。以劉文賢爲最。逐日批答。存之母校。永爲成績。黃村章亦由第二中學馮教員參訂。其他各縣各鎮。多由本縣本鎮人。或遊歷本縣人修正。合衆長而集成。地理志材料豐富。博觀約取。刪繁就簡。務求文省事增。成一家之言。不敢如今之成編輯。剪而不裁。竭盡精力。猶不免疏誤抵牾。則俟之修正再版焉。

大中華京兆地理志目錄

閩侯
林傳甲
初纂

第一篇 總論

第一章 名義

第二章 沿革

第二篇 天象

第三章 經度

第四章 緯度

第五章 曆象

第六章 節令

第三篇 疆界

第七章 東界

第八章 西界

大中華京兆地理志 目錄

第九章 南界

第十章 北界

第四篇 山脈

第十一章 大房山

第十二章 西山

第十三章 居庸關

第十四章 十三陵

第十五章 湯山

第十六章 古北口

第十七章 盤山

第五篇 水道

第十八章 拒馬河

第十九章 琉璃河

第二十章

永定河

第二十一章

清水河

第二十二章

潮白河

第二十三章

通惠河

第二十四章

北運河

第二十五章

孫河

第二十六章

香河即箭桿河

第二十七章

三河即洳河

第二十八章

薊運河

第六篇

水利

第二十九章

溝渠

第三十章

湖泊

第三十一章

隄閘

第七篇 地質

第三十二章 地層水成者

第三十三章 巖石火成者

第三十四章 煤田

第八篇 地勢

第三十五章 原野

第三十六章 險要

第三十七章 風景

第九篇 建置

第三十八章 城垣

第三十九章 道路

第四十章 橋梁

第四十一章 園亭

第四十二章 古蹟

第十篇 氣候

第四十三章 風向

第四十四章 雨雪量

第四十五章 溫度

第十一篇 物產

第四十六章 礦物

第四十七章 植物

第四十八章 動物

第十二篇 政治

第四十九章 公署

第五十章 各署

第五十一章 縣署

第十三篇 軍事

第五十二章 警備

第五十三章 分汛

第五十四章 駐軍

第五十五章 旗營

第十四篇 經濟

第五十六章 國稅

第五十七章 地方稅

第五十八章 財政京兆地方豫算

第五十九章 縣款各縣豫算

第六十章 田賦

第十五篇 自治

第六十一章 議會

第六十二章 匾董

第六十三章 戶口

第六十四章 鄉團

第十六篇 人民

第六十五章 種族

第六十六章 言語

第六十七章 衣服

第六十八章 飲食

第六十九章 居處

第七十章 器用

第七十一章 婚喪

第七十二章 衛生

第十七篇 宗教

第七十三章 孔教

第七十四章 佛教

第七十五章 道教

第七十六章 回教

第七十七章 耶教

第七十八章 雜教

第十八篇 教育

第七十九章 蒙養

第八十章 女學

第八十一章 小學

第八十二章 中學

第八十三章 職業

第八十四章 師範

第八十五章 社會

第八十六章 學款

第八十七章 勸學

第八十八章 視學

第十九篇 實業

第八十九章 農場

第九十章 林場

第九十一章 蔬圃

第九十二章 花園

第九十三章 工廠

第九十四章 發明

第九十五章 仿造

第九十六章 商會

第九十七章 商品

第九十八章 商場

第九十九章 銀行

第一百章 貨幣

第一百零一章 公司

第一百零二章 組合

第一百零三章 洋商

第二十篇 交通

第一百零四章 環城鐵路

第一百零五章 京奉鐵路

第一百零六章 京漢鐵路

第一百零七章 京綏鐵路

第一百零八章 京苑鐵路

第二百零九章 高線鐵路

第一百十章 疏周支路

第一百十一章 郵政

第一百十二章 電報及電話

第一百十三章 通運

第二十一篇 縣治

第一百十四章 大興

第一百十五章 宛平

第一百十六章 涿縣

第一百十七章 良鄉

第一百十八章 房山

第一百十九章 通縣

第一百十章 三河

第二百十一章 寶坻

第二百十二章 薊縣

第二百十三章 香河

第二百十四章 武清

第二百十五章 安次

第二百十六章 永清

第二百十七章 固安

第二百十八章 霸縣

第二百十九章 平谷

第二百十章 順義

第二百十一章 密雲

第二百十二章 懷柔

第二百十三章 昌平

第二十二篇 鉅鎮

第三百二十四章 黃村鎮南路司令

第三百三十五章 蘆溝橋西路司令

第三百三十六章 沙河鎮北路司令

第三百三十七章 豐台

第三百三十八章 清河

第三百三十九章 新集鎮

第三百四十章 長辛店

第三百四十一章 廊坊

第三百四十二章 海甸

第三百四十三章 藍靛廠

第三百四十四章 采育營

第三百四十五章 龐各莊

第四百四十六第 門頭溝

第四百四十七章 齋堂

第四百四十八章 牛欄山

第四百四十九章 張家灣

第四百五十章 牛牧屯

第四百五十一章 楊村鎮

第四百五十二章 王慶坨

第四百五十三章 金門開

第四百五十四章 清華園

第四百五十五章 高麗營

第二十三篇 模範村

第四百五十六章 新宮村

第四百五十七章 梅廠村

第一百五十八章 北塢村

第二十四篇 結論

第一百五十九章 首善

第一百十六章 比較

大中華京兆二十縣地理志徵集材料通告

敬啟者傳甲回京半載。昔年編纂未成之京師志。京兆志。均計日程。功付之鉛槧。王大京兆。許其有神教育。以序目樣本三千。通飭各屬學校。以示提倡。豫約之始。大興崔雲卿知事。勸學所安履祥所長。豫訂百冊。附送十冊。分發各校調查志料。宛平湯嘯秋知事。勸學所崔敬卿所長。豫訂百五十冊。附送十五冊。商榷宛平地志。亦徵集各校教員。實地調查。由勸學所交傳甲總纂。簡而易行。業經印發通告。第二中學馮煥如寄稿。尤翔實周密。擬推爲南五縣分纂。如二十縣小學教員調查。各師範中學分纂。則京兆鄉土教育。實用主義。洵全國模範也。 國侯林傳甲謹啓

大中華地理志出版部

中國地學會出版圖書均由琉璃廠武學書館批發

大中華浙江省地理志 民國七年七月七日出版

浙江印刷公司初版 杭州商務印書館代售

大中華江蘇省地理志 七年十月十日出版

上海商務印書館出版 南京商務印書館代售

大中華江西省地理志 七年冬至日出版

江西裕成印刷公司出版 南昌商務印書館代售

大中華安徽省地理志 八年六月二十日出版

京師中華印刷局出版 安徽教育廳發行

大中華福建省地理志 八年七月十五日出版

福建印刷所出版 上海商務印書館寄售

大中華京師地理志 八年八月八日出版

京師中華印刷局出版 琉璃廠武學書館發行

大中華湖北省地理志 八年十月十日出版

武昌永盛印刷局初版 琉璃廠武學書館發行

大中華地理志編纂部

中國地學會編輯主任黃昌壽正分纂陝西省地理志初稿

大中華直隸省地理志 分纂蘇華年內出版

東三省 分纂林傳堯先編黑龍江省

大中華山東省地理志 大成聖節大會公議出版

湖南省 分纂龍承燾先調查地質

大中華山西省地理志 全國教育大會紀念編印

察哈爾 分纂錢杭時師範復查鄉土

大中華河南省地理志 教育廳長吳鼎昌通飭調查

綏遠 分纂劉仲仁行次綏遠調查

大中華京兆地理志

閩侯林傳甲初纂

第一篇 總論

第一章 名義

大中華以大京兆爲各省區之領袖。立行政區域之模範。地居中央則羣才所萃。近接政府則教令易施。所屬不過二十縣。則考察易周。昔有清科舉之世。順天鄉試全國皆可應試。順天府尹秩不及布政司。而列銜於各督撫之上。早已稱之曰大京兆。蓋京兆尹之名。仿於前漢。歷代名稱不同。職權特重。然京師大城以內。地方權責。在京師警廳。大城以外。四郊各汛。又屬步軍統領。順直省議會。設於天津。分省地圖。郵區地圖。皆以京兆全區。繪入直隸。舉人政客。尙誤認順天爲直隸之一府。則名義之不可不正也。古官名古地名之標幟。明清二代風氣。文人喜用古官名。古地名。順天府尹既稱。稱大京兆。而大興宛平等縣人。服官各省者。必榜門曰京兆某公館。京兆某處。罕有自署順天者。今名爲京兆。而鄉下人猶自稱順天府管。皆不求實徒驚名也。

京兆尹爲國家中央官吏乎。前清在京各衙門皆爲京官。惟順天府尹。其奏議。輒於順天府範圍以外。與九卿等。其由京秩內轉。亦與九卿等。大輿宛平兩知縣。秩爲六品。其出印結保同鄉官。亦與各部主事等。况府丞治中。皆各府所未有。亦自居於京官之列。民國成立。京兆尹亦近於中央官吏。因直接於內務部。元二年。所擬改州分道。三年五月。實定二十縣爲獨立區。從此如華盛頓不列於聯邦。京兆尹爲地方模範官吏乎。京兆無自立之議會。似省非省。似道非道。特別行區域六字。文太長。未有用者。民國三年明定。京兆地方。有模範省之說。京兆各縣。天產地質既富。十億曰兆。十兆曰京。生聚既盛。人才衆多。惟民風淳樸。久在蒙蔽之下。倚賴政府之心盛。城鎮鄉自治。悉待官治之指揮耳。

京兆尹與直隸督軍省長頡頏乎。前清尊京師。尙有直隸某藩司。誤壞通飭札。又右仰順天府准此。某京兆退還原文。改填若仰順天府難些。相傳爲笑柄。今天津政客。恃租界爲護符。把持政幕。偉人眼光。視天津比京師重。直隸省長所擁出。數倍於京兆。凡天津督軍省長會議。屏京兆若無人。外重內輕。藩鎮之禍烈矣。

第二章 沿革

京兆爲明清兩代之順天府。已改定新制。而民間或沿用舊名。今京兆尹公署。即昔之順天府衙門。實肇自元之大都路總管府。蓋元明清三代。都此最久。開民國京兆引基。若遼之南京。僅爲陪都。金之中京。遷移未定。京兆全區。在堯以前爲幽州。禹貢併於冀州。殷爲幽州。周封堯之後於薊。封召公於燕。秦曰上谷郡。漢曰燕國。曰廣陽。魏晉曰燕郡。至北齊周。隋曰幽州涿郡。唐曰幽州范陽。宋曰廣陽。遼曰幽都府。析津府。金改析津曰大興。明初謂之北平。永樂元年。北京行在。十九年。始正名。京師順天府。今改京兆尹。

大興宛平。周初燕都薊。秦置薊縣。漢析陰鄉。旋省。唐析廣平幽都。劉仁恭析玉河。遼改薊名薊北。又改析津。金改大興。沿至今。遼省廣平。旋改宛平。宋省玉河。

涿。黃帝時涿鹿之野。極廣。薊涿邑。屬燕。漢涿郡。沿涿縣。後漢省西鄉國入之。三國及晉後趙前燕前秦後燕北魏北齊北周沿之。唐改范陽縣爲薊州治。明清爲散州。

良鄉。屬爲燕之中都。漢廣陽縣。屬廣陽國。後漢爲廣陽郡。北齊省入薊縣。唐置置饒義來縣。宋來遼等縣。旋廢。五代時爲良鄉縣。東境。五代時移良鄉縣治。今城。遼以後沿之。

房山。漢良鄉縣。三國至隋皆沿之。唐改固節縣。尋復故名。又僑置陽神威化營縣。五代周時。良鄉移治閭溝。遼宋爲良鄉西境。金因陵寢置高寧。改奉先。元改房山。

固安。周韓國地。秦漢後爲方城縣。漢析臨鄉陽鄉。晉析長鄉北齊省方城。入涿縣。隋置固安縣。涿州沿至元末。明初因涿州降直轄於順天府。

永清。漢益昌縣。後漢省三區爲方城東境。安次西境。隋置通澤縣。尋廢。唐析安次。置武陸縣。旋改會昌。尋改永清。宋省入文安。元復改。明清沿之。

安次 漢安次縣。屬渤海郡。後漢屬廣陽郡。北魏改名安城。經復舊。唐析龍山儒縣。

霸 漢霸縣。霸州治。元因之。明省益津縣入州。清因之。民國改州為縣。

通 漢路縣。安樂縣。後漢縣。沿至金。元為通州治。遼末郡廢。元之瀋州。明之瀋縣。

三河 唐以前為潞縣地。唐析臨胙縣旋省入潞。又析三河縣屬薊州。五代梁省。後唐

寶坻 漢泉州縣北境。北朝省雍奴縣西境。唐為武清縣東北境。遼為香河縣東境。

薊 周初燕國。春秋時燕終國。秦為無終縣。秦楚之際。遼東王郢此。隋改漁陽縣為薊。

武清 漢雍奴泉州兩縣地。北魏省泉州入雍奴。唐改名武清。後沿之。

香河 唐以前為武清東境。遼析武清。并割三河縣。潞縣地益之。直香河縣。宋賜名

昌平 漢軍都縣及昌平縣。并屬上谷郡。北魏析置萬年廣武沃野。北齊省周設平昌

順義 漢孤奴縣。屬漁陽。北魏省孤奴入薊縣。北齊為歸德縣。唐宋為懷柔順州治。金

懷柔 周之漁陽屬。漢漁陽縣屬漁陽郡治。又有屏象漢平。要陽白檀等縣。魏晉書入

平谷 漢平谷縣。滑鹽縣。屬漁陽郡。北魏省平谷。入潞縣。金析平谷縣。元改略為谷。

懷柔 漢漁陽西境。元以前為昌平東境。明析昌平密雲地置懷柔縣屬昌平州。清

平谷 漢平谷縣。滑鹽縣。屬漁陽郡。北魏省平谷。入潞縣。金析平谷縣。元改略為谷。

第二篇 天象

第三章 經度

大中華民國以京師爲中線。卽京兆尹治。中央觀象臺。卽欽天監。昔年頒曆曰時憲書。必首列都城順天府節歲時刻。次及各省各城各旗各藩屬節氣時刻。民間翻刻小本。往往刪去各省。獨留順天府節氣時刻。愚民不知經度既異。節氣必異。然尊崇中央。重視中線。則各國人民所不及也。今曆書亦首列京兆節氣時刻。大興宛平。原在京兆尹治。其經度無殊。節氣無殊。霸縣在中線上。是爲初度。亦曰起點。大興以東。偏東各縣。宛平以西。偏西各縣。經度有微差。則節氣時刻。亦有微差。特所差既微。人或不覺耳。

偏東各縣治 永濟 六分

懷柔 十二分

順義 十三分

通縣 十四分

安次 十九分

密雲 二十六分

武清 二十八分

香河 三十二分

三河 三十四分

平谷 五十二分

寶坻 五十三分

薊縣 五十九分

偏西各縣治 固安 三分

昌平 九分

良鄉 十一分

房山 二十二分

涿縣 二十三分

舊界寧河偏東一度十分。今劃入直隸界。

第四章 緯度

全球之緯度。起於赤道。京兆各縣。自北緯之最南計算。自大城、文安。劃入直隸。當以霸縣爲最南。稍北爲永清、固安、安次。又北爲涿縣、武清。又北爲良鄉、房山、寶坻、香河。又北爲大興、宛平、及通縣。又北爲三河、薊縣、順義。又北爲平谷、昌平、懷柔。最北至密雲。而限以古北口。凡緯度不同。則晝夜永短之差迥異。在京南者差數較小。在北京者。差數較大。但距京頗近。大小之差無多。不比遼北、江南。差數懸絕。測北極之高度。以定北緯之確數。京師爲中央。固全國寒暑適中之地也。順天舊志。誤以經爲緯。彼此互易。并糾正。

京師

大興
宛平

三十九度五十五分

京南各縣

通縣

三十九度五十四分

香河

三十九度四十六分

寶坻

三十九度四十五分

良鄉
房山

三十九度四十四分

武清

三十九度三十二分

涿縣 三十九度三十一分

安次 三十九度二十五分

固安 三十九度二十四分

永清 三十九度二十一分

霸縣 三十九度八分

京北各縣 三河 四十度五分

薊縣 四十度五分

順義 四十度九分

平谷 四十度十三分

昌平 四十度十四分

懷柔 四十度十九分

密雲 四十度二十三分

舊界大城北緯二十八度四十四分。已劃入直隸。東北各縣。又以西門名拱辰者。誤矣。

第五章 曆象

京兆爲治曆明時首要之地。但正朔所頒。惟公文一。致通行。民間所立契約帳簿。往往仍用舊曆。殆數千年之習慣。未能遽改。最足以表見者。爲各縣鄉鎮之期。如三八或單雙日期。皆仍用舊曆。既無礙於治安。地方官惟有勉順民情。蓋因南京政曆之始。孫文以命令代法律。不用正式國會通過。且議員皆不由人民真意所選。不足以代表人民之真意。而鄉曲良民。無世界知識。無國家思想。亦缺乏公民常識。教育部以總持曆象爲職責。教育界能了然於曆象所以然者。極少。政府亦從各國多數。不從人民多數也。曆書。教育部頒布。京兆各機關。各學校無不遵行。曆字爲前清廟諱。久已避用。鄉曲之士。仍書陽歷舊曆。不知當作陽曆舊曆。前清時憲曆。因避諱改稱時憲書。今有奸商射利之書。妄編民國八年時憲書者。當嚴爲查禁。民間習慣稱皇曆者。不知皇室遜政以後。官統年號。但行於神武門以內。不能行於京兆區域也。宜忌。舊曆於每日之下。附載建除叢神之說。以吉凶惑人。京兆明達之士。多不擇日。即下愚之人。識字甚少。如附火車出行。日日滿載。決非術士不宜出行四字所

能阻也。民習日開。前明學士解縉在京上封事請廢除曆中宜忌事雖未行。今日曆書居然實行也。惟結婚送葬。尚有選擇時日者。今城市多於星期日舉行慶弔事。且宜忌必漸次廢除矣。

通書 昔日葬師所爲。年年出版。墨守前清之萬年曆。不知前清康熙雍正之時。兩次改憲。小輪橢圓。推步益密。今遠鏡日精。考測日密。中央觀象臺。采用最新日躔月離表。上合天行。前清所謂萬年曆者。乃當年諛詞之詞。代代稱天子萬年。而皇帝無滿百年者。世代無滿千年者。則墨守萬年曆者。當知革故鼎新矣。

國民快覽 即昔年宿商快覽。應時需要。且曲投俗好。銷路甚佳。今爲上海書業公所壟斷。不如昔年。材料多不完備。京兆市民。頗以爲日用之書。

月份牌 各商家藉分送。其色月份牌。爲招徠生意之用。各機關亦多印之。日曆 每日揭一張。京兆各機關多懸此。以記陰陽曆對照之表。

日記 國民日記。學生日記。由商務印書館印成。京兆續學之儒。勤學之生。能日記不闕。若袖珍日記。尤便於攜帶。

第六章 節令

京兆各縣鄉民。節令悉從舊俗。內務部頒定春夏秋冬四節。以順輿情。然冬至爲曆元。歷代郊天。視各節爲最重。世界各國。無不以冬至爲曆元。即治曆起算之端也。鄉民市民。仍以三節爲算賬之期。元旦最重。端午中秋。亦號大節。每日朔望。商人或一小結束。然農人耕田播種收穫。皆以節氣計算。實已暗行陽曆。惜百姓日用而不知也。惟迎神賽會。各有定期。均用舊曆。迷信遷難破除。至於國慶紀念各日。官署升國旗。放假。而人民若不知者。則由民國政府。未有實政。以惠吾民與國。隔閡則中華根本之憂也。

陽曆慶祝紀念日期

- 一月一日 南京政府改元。適合各國歲首。豫算自七月始。學年自八月始。
- 二月十二日 南京統一。宣布共和。自京師始。國會不良。成立日無足紀念也。
- 十月十日 民國起義。始於武昌。正式大總統。亦以是日就職。
- 十二月二十八日 雲南起義。再造共和。適合耶穌生日。或申甫重生。救國救世。
- 至於馬廠警師爲七月三日。三造共和。爲七月十二日。法令宜定於一也。

舊曆十二月之節令如左

- 正月 固安人於元旦黎明驗大豆十二枚以下十二月雨水又牽驢迎喜神方。
- 二月 二月二日龍拾頭固安食煎餅十九日通縣北壩菩薩廟有廟場香會。
- 三月 三月三日涿縣病創者多以長流水洗之即古人修禊遺意。
- 四月 上半月通縣宏仁橋娘娘廟張灣廣福寺俱有廟場香會。
- 五月 五日安次小兒皆佩五色絲曰長命縷夏至涿縣戴長命菜即馬齒莧也。
- 六月 六日三河汲水浸物經久不壞固安曝書浦縣曝衣。
- 七月 七日良鄉乞巧穿針固安陳瓜果祭牛女十五日放河燈安次放旱道燈。
- 八月 二十八日薊縣城隍誕賽會。
- 九月 九日鄉農散工三河人并開六畜欄放於田野。
- 十月 一日永清以晚穀祀其先。
- 十一月 冬至塾師釋菜於先師師生以次肅拜謂之拜冬。
- 十二月 臘八粥固安必於五更前食之。

第三篇 疆界

第七章 東界

京兆疆界最東之點。在薊縣馬伸橋東南二百戶。舊圖以灤河河爲界。與直隸玉田縣分界。馬伸橋爲赴東陵大路。有清之奉安東陵。實在京兆東界。遵化西界。自置守護大臣。戍以旗兵。附近民田。疊經圈入。地方官不得而問焉。晚清之季。已由旗人私墾。民國成立。有改放民墾者。是以東陵私產。往往拓爲薊縣東界。天然腴壤。宜以養民。帝后遺骸所在。不致如漢唐之發掘。已爲吾民之優待。比古人爲進化。亦有清保護。昌平明陵。宅心較厚。而民國之保護清陵益厚也。

東路各縣之疆界

- 通縣 東至三河界燕郊二十五里。西至大興界雙橋十八里。南至武清界回回營七十里。北至順義界葛渠二十五里。東南至香河界安平六五十里。西南至安次界馬駒橋六十五里。西北至大興界井五里。東北至三河界四十五里。
- 三河 東至薊縣界廿里。西至通縣界五十五里。南至香河界卅里。北至懷柔界

六十里。東南至寶坻界三十里。西北至順義界七十里。東北至平谷界五十里。寶坻東至玉田界口頭六十里。西至香河界邱各莊二十里。南至直隸天津縣界陳家台一百二十里。北至薊縣界三岔口十五里。東南至直隸豐潤縣界牛津頭七十里。寧河界胡智莊九十里。西北至三河界新集鎮四十里。

薊縣 東至直隸遵化界馬家崖四十五里。南至寶坻界何各莊六十里。西至三河界段家嶺五十里。北至黃崖關六十里。東南至玉田界大曹莊六十五里。西南至寶坻界秦家莊七十里。西北至平谷界峨帽六十重。

武清 東至寶坻界苦鹽坨七十里。西至安次界桑園二十五里。南至直隸天津界永定河九十里。北至通縣界馬各店二十五里。東至寶坻天津界筐兒港一百二十里。東北至香河界連河四十里。西北至通縣界城廠二十五里。

香河 東至寶坻界葦子房三十里。西至通縣界連河橋兒上十八里。南至武清界趕庄五十里。北至三河界鳥兒窪二十五里。東北至寶坻界楊回回莊二十五里。西北至通縣界灤灤河俗名窩頭河十八里。

第八章 西界

京兆疆界最西之點爲涿縣之上中下三坡。涿縣經度爲各縣之最西。而三坡則在房山極西北。宛平極西南。突入直隸。介乎保定、口北兩道之間。西北界涿鹿縣。西南界涿水縣。山則有黃安嶺、柏陳峪、金華山、抓髻山、黑坨嶺。水則有白崖水、大澤水、清泉寺村居中。東有北邊雀。南至鎮廠村。北至嶺南台。西至龍門村。盤坡蛾峪。皆關農林。果樹暢茂。柏林城亦可稱山中扼塞地。此地爲京兆之桃源。地方舉三老以自治。卓然爲一國小。共和國而附庸於涿縣也。

西路各縣之疆界

大興。東除城屬八里外。至通縣界十二里。西無管轄。新圖附四郊於大興。兼有西郊地。南除城屬二十四里。至安次界七十一里。北除城屬十三里外。至昌平界三十三里。東南除城屬三十七里。外至安次界五十里。西南除城屬十里外。至順義界三十五里。西北城屬十二里外。至昌平界十三里。

宛平。西除城屬十五里。外至直隸涿鹿界一百七十五里。南除城屬二十里。又

除城屬二十七里。至固安界五十五里。北除城屬十八里外。至昌平五里。正東無管轄。西南除城屬十五里外。至良鄉三十里。東北無管轄。係大興屬。西北除城屬十五里外。至直隸懷來二百一十五里。

良鄉 東至宛平界廣陽城十二里。西至房山界庄集村二十二里。南至涿縣界五十里。北至房山界黃官屯十五里。東南至宛平界南章各莊二十五里。西南至房山界琉璃河鎮五十里。西北至房山界二十里。東北至宛平界十二里。

涿縣 東至固安界茨村三十里。西至直隸涿水界高村三十五里。南至直隸新城縣界高村二十五里。北至房山界北務村二十五里。東南至新城界三十里。西南至新城界三十里。西北至房山界二十里。又至三坡界一百八十里。

房山 東至良鄉界大董村十七里。西至直隸涿水界二百里。南至涿縣界長溝鎮三十五里。北至宛平縣潭子港五十里。東南至良鄉界白草窪二十里。西南至涿縣界正子營六十六里。西北至宛平界百花里一百八十里。又與涿縣之上中下三坡連界。東北至宛平界孫高各庄五十五里。盧溝橋四十里。

第九章 南界

京兆疆界最南之點，以霸縣屬之胡家屯、宣花屯爲最南之點，已插入直隸之新鎮縣界。華離之壤，俗稱插花地，稍北有三地相近而不相連。一曰豐盈屯，二曰蘇家頭，薛宏壇，三曰李家頭。又西北有一地曰高家頭，又東有一地，四面插入直隸文安縣者曰畢家坊，共有插花地六處。如湖海之島嶼，所異者接近大陸也。至於霸縣版圖大段之最南，則爲雄縣界之關口，順天府志舊圖，但有縣南突出一綫之地，如半島狀，不如今日實測實勘之精細也。經界不正，清丈不能實行，亦政治不脩之一端也。

南路各縣之疆界

固安 東至永清界二十里。其地曰辛務。西至涿縣界州縣庄三十里。南至霸縣界牯牛河。又名東減河。五十五里。今淤。北至宛平縣界石家堡十八里。東南至永清界王家寺三十里。西南至新城縣界辛家村六十里。西北至良鄉金門關減河。今淤。東北至安次界北化各莊三十里。

永清 東至安次界東趙劉莊三十里。西至固安界蘇家務十八里。南至霸縣界

李家口三十里。北至安次界王居村三十里。東南至霸縣界信安鎮五十里。南至霸縣界北孟村二十五里。西北至固安界孫家務二十里。東北至安次界姜志營三十里。

安次。東至武瀋界十二里。即落堡車站。西至永清界西儲十二里。南至霸縣界稽河港六十五里。又接直隸靜海縣界。北至大興界回營五十里。東南至武清界艾萬庄五十里。西南至永清界永定河濱之哈喇港四十里。西北至大興界之舊州鎮五十里。東北至武瀋界之白馬房三十里。

霸縣。東至安次界朱家港七十五里。并與直隸靜海縣連界。西至新城界坐河集二十二里。正南至文安界李家頭三十五里。正北至固安界沈義家營二十六里。東南至直隸大城縣界石家鋪八十里。西南至雄縣界欄口三十里。西北至固安界東西務營二十六里。東北至永清界信安鎮五十里。

舊界。霸縣之南有保定縣。又南爲文安縣。又南爲大城縣。南境跨子牙河之南。東界青縣。南界河間。今之南界。比昔之南界。約短少一百五十里。

第十章 北界

京兆疆界最北之點。以古北口爲極北。卽密雲之北境。與熱河特別行政區域以邊牆爲界。俗名萬里長城。上海編教科書。蓋盲從焉。城外熱河區域。遼平縣地。邊牆至此三面突出。形如凸字。潮白二河皆自鑿北流出。知蒙古高原。北京兆地方更高。近口處因山爲塹。自古設險。以隔閩內外。致塞外不能早日開墾。興學勸業。是則不知以文化薰遠人。徒深閉固拒也。今熱河所屬兩盟。多已放荒設治。行見通商修路。同符內地。則邊牆僅表示區域之界畫。爲歷史之紀念而已。

北路各縣之疆界

昌平 東至順義界高麗營五十里。西至直隸懷來界水頭嶺一百十五里。南至宛平界辛店三十五里。北至直隸延慶界九渡河百二十里。東南至大興界沙河五十里。西北居庸交延慶界二十里。東北至懷柔界前後茶場七十里。

順義 東至三河界楊各莊三十里。西至昌平界小粉莊二十里。南至大興界吳各莊二十里。北至懷柔界太平莊三十里。東南至通縣朱堡四十里。西南至

昌平界三十里。東北至懷柔界別家莊三十里。

密雲 東至牆子嶺關九十里。西至懷柔界梨園莊二十里。南至懷柔界夾山莊

二十五里。北至熱河懷平縣界白馬關一百里。東南至平谷界漁子山一百里。

西北至邊牆河防口四十里。東北至古北口百里。黑峪關一百六十里。

懷柔 東二十里梨園莊。接密雲界。東南百里東山下。皆與密雲爲界。西至昌平

界潘各庄五里。南至順義界焦家村十里。東南至三河里唐洞百里。西北至昌

平界开連口四十里。東北至密雲界大水峪城五十里。

平谷 東至薊縣界紅石頭三十里。西至三河界周村庄十五里。南至薊縣界大

旺務庄十五里。北至密雲界山東庄二十里。西北至懷柔界井兒峪二十五里。

東南以盤山爲薊平分界。通騎不通車。

按京兆地方。爲模範省之基。而經界迄今未正。蓋經界局之設。在清丈增賦。以致人民反抗。觀揀花輪零之地。如房山柴廠屬宛平。香河寶盧庄屬寶坻。或因歷史習慣。舍近而就遠。知吾民富於獨立自治之性。有非官治所能強者也。

第四篇 山脈

第十一章 大房山

大房山正脈由恒山來。自西徂東。古之燕山。橫亘拒馬河之北。自山西界之花山。驛馬嶺。出靈邱之東。經直隸涿源縣北。其南支爲紫荆關。北幹入京兆界。爲百花山。峙於齋堂之南。又東爲東靈山。西靈山。突起爲大漢嶺。東南爲大房山主峯。距房山縣治西門六十里。金代陵寢在焉。房山縣即由此得名。金太祖太宗皆卜葬於此。與大房山並峙者。曰揚家大嶺。其中名山有上方山。小西天。即石經山。自百花山以東北。若大安山。若穀積山。皆與潭柘山相連。而衍爲西山山脈。

防山 隋圖經防山上有仙人玉堂。或即水經注所稱石穴也。

大房嶺 五代後唐李存勗遣李嗣源敗契丹於大房嶺。

以上爲房山見於古籍之異名。

瓦井 天光 孤山口 爲縣西赴房山要地。皆與山勢升降。

石梯 高數百磴。爲登山最險處。左右縵長百尺。陟者緣之。

上房寺兩壩。聞泉聲而不見水。昆盧頂上。有七十二剎。

十三洞 一洞可隱隱見影。二洞即黯黑無光。三洞是一小竇。入三洞後。倏然而高。列炬不見頂。旁有一潭。抵九洞無路。有穴如井。霧氣霧塞。履滑衣濕。不易前進。至十三洞路尙不窮。十三洞約六七里。洞中之石。瑩白如玉。有天然石鐘石鼓。叩之作鐘鼓聲。又有長眉祖師。十八羅漢。及龍虎等像。大抵因天然之形狀。經良工之雕刻。年久而益覺奇古。曹學佺遊記。書之最詳。

水簾洞 在大房山之東北。又名曰孔水洞。唐胡詹作記。云有人篝火深入探之。五日莫究其源。

火燄山 舊志距城二十里。今觀城西北有墳山。墳起爲火山遺跡。不知何年燒紅煤廠。遍地皆煤。今有高線鐵路。由它里前山達此。

黑龍關 山中險隘。爲宛平插花地。

雪花嶺 山中最髙處。先見雪花。

六聘山 晉霍原六聘不出。因以得石。訛爲綠屏。徒點綴風景而已。

第十二章 西山

西山橫當京兆區域之西。自京師望之。蒼莽鬱蔥。虎臥龍蹲。煙開霧合。水泉流衍。物產滋豐。有廟宇五百處之多。宛平縣西諸山。近者卑者。便於登眺。一泉一石。皆爲名勝。遠者深者。亦易瞻仰。西山大利。全在煤田。以供京師煙火百萬之炊爨。森林果樹之饒。猶未盡興也。方輿紀要謂京西三十里。太行別阜。拱峙畿石。稱爲名勝。傅雲龍則以爲恒山別阜。今西人馳汽車於西郊者。大抵盤桓西山之麓者也。西山爽氣。避暑尤宜。讓。員。逃。席。達官。避位。亦借山林以爲高焉。不懼西山移文之騰笑乎。

聚寶山 俗呼荷葉山。在城西三十里。或曰昔人年言西山。即專指此山。

香山 一名小清涼。乾隆時詔改靜宜園。玉泉山 金章宗避暑處。天下第一泉。

普陀山 西王府東北一里許。山上有天仙菴。

翠微山 又名平坡山。高出衆嶺。望盧溝車馬。歷歷可見。

盧師山 盧師神祠。是桑乾出水之口。

秘魔崖 八大處之幽勝處。薛家山 北京大學造林處。

覺山 有五華、雙泉、翠峯、仰山、環之如屏。仰山又名十八盤山。

壽安山 即五華山。元至治時御史觀音保諫五華山事棄市。

半天雲嶺 即臥佛寺。圓如髻。

畫眉山 黑龍潭西八里許。有溫泉。溫度低於湯山。周圍土壤皆出白礫。

天寶山 一曰金山。又曰襲山。乾隆賜名萬壽山。今爲頤和園。西五里有臥龍岡。

化山 爲西山絕頂。俗名老山。一名大山。周百餘里。舊志舊圖未載。最高處峭拔一

峯。俯視二百里。昆明湖、湯泉、黍谷、白檀諸山皆在眼底。有梯子罅。結荆葛爲樵徑。

紅石山 青龍橋迤北。五峯。居民占雲氣知雨候。

石景山 又名石經山。或作石徑山。

妙高峯 金北口二十里。一石山。屏筍簪如簇。拔海三千尺。與賜臺山頂相埒。

戒壇山 距城五十里。山中可望渾河。

羅喉嶺 距城六十里。道極險要。百花山距城百里。亦百花陀。

潭柘山 距城八十里。西有西湖山。與萬壽山之西湖無涉。菩薩山距城二百里。

第十三章 居庸關

居庸關爲京北之重險。古之幽都在昌平之西北。淮南子言天下九塞之一。又爲京師八景之一。曰居庸疊翠。兩山夾峙。下有巨澗。懸崖峭壁。向稱天險。唐高適夫人關詩。有絕坂水連下。羣峯雲共高之句。明初大將徐達。壘石爲城。以壯京師門戶。南口距昌平西北三十四里。有城。南北二門。其上十五里。爲關口。跨水築之。亦南北二門。又有水門。又八里爲上關。有小城。又七里曰彈琴峽。水流石罅。聲若彈琴。又七里爲青雲橋。東有小堡。又三里即八達嶺。南口東六里有龍虎臺。與積粟山相峙。如龍蟠虎踞焉。

居庸關四大山洞

居庸關山洞 長約二里。車行經二分鐘之久。穿居庸關右旁山腰而過。

五桂頭山洞 此諸洞爲最短。而石質特堅。

石佛嶺山洞 石佛在嶺上。洞上有長城。巨山頂。

八達嶺山洞 長約四里許。車行歷四分鐘。左壁有電燈三十六座。爲他洞所無。

此各山洞爲最長。自居庸南口。至嶺北。不過四十里。萬山複列。互有犄角焉。

居庸城之雄壯

城距南口十五里。巍然當道。築於明景泰時。兩面皆踞山城。居民寥寥。亦無舖戶。城中有石造方台。高約六丈。頂平無樓。四圍繞以廻欄。行人皆穿中而過。有類城門。上作堅緻。純用白石砌成。頂上刻佛像。兩壁則鏤數種文字。有與羅馬字相類者。有與梵字相類者。有閩架類漢字。而結構迥然不同者。第就漢字諦視之。知所刻爲佛經。後署至正元年乙酉。蓋元代建築物。蹂躪歐亞之雄風。猶有存者。

居庸上關城

空無居人。彈琴峽過最狹。峽上佛像。俗指爲楊五郎。

入達嶺

居庸北口。當口門盡頭。關城環抱兩角。與長城相連。然已傾圮過半。僅存少廓而已。城上殘碑。係明景泰年號。于謙所以却虜先也。登瞭望樓。遠望氣勢磅礴。萬山皆若培塿。澗水之循峽下駛者。至此而絕。從古南北相爭。皆倚爲重鎮。北口以東。地勢散漫。道路四通。無險可扼矣。

第十四章 十三陵

昌平北十八里天壽山。山脈自西山蜿蜒而來。羣峰連亘。流泉環帶。明代陵寢皆奠於此。自東西兩峯而外。或各名一山。皆以天壽統之。一永樂長陵。在中峯筆架山下。二洪熙獻陵。在西峯下。三宣德景陵。在東峰下。四正統裕陵。在石門山東。五成化茂陵。在聚寶山東。六弘治泰陵。在史家山東南。七正德康陵。在金嶺山東北。八嘉靖永陵。在十八道嶺。九隆慶昭陵。在大峪山東北。十萬曆定陵。在小峪山東。十一泰昌慶陵。在天壽寺西峯之右。十二天啓德陵。在雙鎖山檀子峪西南。十三崇禎思陵。在錦屏山昭陵西。

謁思陵道里

自南口傍山東行。過澗河數道。河中石子如拳如卵。南望龍虎台。明成祖嘗駐蹕。昌平延慶分界處。東過太平莊。至採林園。彌望皆柿林。桃梨棗杏亦多有之。每柿一株。結實駢連蒙地。歲售錢二千。園東北爲小紅門。明思陵所在也。稍遠外繞。占地不過數畝。中有享殿三進。殿扉柴立。不蔽風雨。殿坏土孤露。以磚甃之。周僅四五丈。殉難太監王承恩亦塋葬其西南隅。國亡君死。千古餘痛。思陵東北十五里。

紅牆黃屋。掩映松楸間。即十三陵。

諸陵之近況

成祖長陵。最爲彌麗。垣墻以內。古樹成圍。棧恩殿享殿。皆完好如故。登享台四望。諸陵旋繞。宛如朝拱狀。延恩侯朱氏。歲以春秋兩季來致祭。日祭一陵。十數日而舉。陵西有公館。侯祭時所寓也。前清時侯出京回京。皆須具奏。

長陵距昌平五里。西距南口三十五里。當年御路。僅餘亂石殘磚。左右禁園。漸爲民墾。陵外有大明長陵神功聖德碑。洪熙元年立。碑陰有乾隆御製哀明陵三十韻。華表分立四隅。周各三抱。高約四丈。雲龍蟠繞。石像對列。林接數里。計獅象虎豹諸石獸十二對。亦古蹟所宜保存者也。

長陵之東爲景永德三陵。松柏蔚然。西則獻陵定陵。規制亦備。

悼陵村

悼陵村在思陵之南。父老言顧亭林先生。每謁陵必齋宿於此。先生撰昌平山水記。非記山水風景。存明陵掌故也。

第十五章 湯山

湯山爲京北名山。地屬昌平縣東綿山起於南邵村綿延於小辛村而盡。東南爲大小湯山。大湯山高可十餘丈。挺然立於野田中。與西來諸山如斷如續。小湯山又在其東。相去約一里。石色蒼黑。高僅數丈。村民數十家皆倚山南聚居。村東即湯山行宮。建於康熙時。翠華久已不來。輦路就荒。垣周數十。傾圮殆盡。垣內亭閣半已頽壞。惟荒榛斷莽之中。池水清澄。荷花點綴。尙不減華清風景。後面山石叢起。天然渾成。亦湯山東行餘脈也。殿前二池。東爲溫泉。西爲熱泉。環山天氣和煦。繡壤相錯。九州之上。厭也。

熱泉 熱泉池中。蒸氣逢逢。有如釜上。池底沸泡時時上騰。雖當嚴冬。其熱度之高。過於灑點。現有地皮公司。來此收買民地。建築旅館。時有汽車客來。

溫泉 東廂作小池。引溫泉注之。溫度畧低。宜於夏浴。西廂小池。引熱泉注之。冬日亦可浴。池兩面作穴。東入西出。餘垢亦隨流去。每一入浴。則竟體淋漓。汗流浹背。愉快疎暢。不啻醍醐灌頂。昔爲帝王享受者。今爲偉人壟斷矣。

渠塘 泉既出垣。餘熱不散。多溢爲渠。塘村民利用以洗濯灌漑焉。

京兆地方泉之著者附錄於此。大抵泉在山中平原中極少。且易涇塞也。

玉泉 宛平西北三十里有二石洞。崖刻玉泉。又有天下第一泉御碑。

迸珠泉 湧玉泉 寶珠泉 試墨泉 四泉皆在靜明園。注玉河。

一畝泉 馬眼泉 並出西山。注高水湖。

玉龍泉 雙眼泉 青龍泉 並出西山。注西湖。

清冷泉 清旨泉 溶至泉 在覺山西 潭柘泉 在羅喉巖潭柘寺。

龍泉 良鄉舊志龍泉山。即房山龍泉谷。天槽 地槽 香河東。名曰義井。

醴泉 固安城西南二里。相傳平地泉湧。高尺餘。甘愈痼疾。今涇。

靈山泉 三河靈山之麓。三面有泉。極清冽。聖水泉 出三河聖水山。

龍眼泉 虎眼泉 煖泉 百泉 天壽山泉 翠屏山泉 白浮泉 皆昌平。

曲水泉 入於白河 靈蹟泉 出靈蹟山皆順義境。

蟠泉 龍泉 皆密雲 杖引泉 靈泉 一斗泉 皆房山境。

清泉 注入拒馬河 樂堆泉 注入涿水 皆懷柔境。靈泉 平谷縣東北。

第十六章 古北口

古北口爲長城最要之關隘。古之黍谷直隸地質欄。列古北口附近諸山。於甘布連紀。口南小新開嶺。大新開嶺。石以玄武岩爲最富。東坡則多石莢。夾道峨峨。斧鑿之痕宛然。過嶺由山澗東行。則巨嶺巍然迎面而起。所謂南天門也。山高而險。祇通步行車騎往來。則紆道嶺麓。渡潮河即古北口。口南山嶺糾紛。然皆散而不合。至口則山勢連亘。東西無際。長城與關城相接。曲折灣環。勢若長蛇。關門鑿山而過。僅容軍車。遼金要塞。宋韓琦謂之虎北口。清設同知駐提督。潮河繞關城而南。亦逝而不返也。

密雲山逕大勢

小別大宮。紛揉千里。大抵以黍谷山中其類。冷山柱其類。大圖山掣其嶺。燕樂山巖其脊。青草頂山振其尻。五峯白蓮伸其股。平頂訕其右臂。緣邊諸山。聯其衛絡。內繞諸山。實其囊背。

黍谷回溫之案由

嶺回則綠。燕有黍谷。種粟而寒。不生五穀。郁子居之。軟律而溫氣至。今黍谷山又

名寒谷。一名燕谷。按燕北之地。近於貉。孟子所言夫貉五穀不生。惟黍生之。蓋黍性最耐寒。塞外黑龍江。即以黍爲當食。所謂小米是也。黑龍江未開荒以前。天氣極寒。招墾設治興學以後。天氣漸暖。人多則煙火多。故也。

火燄山

密雲東北二十五里。一名火炎山。岩谷峭削。色如火燄。見中古火成岩之遺跡。又名火突山。連於牆子嶺。

盤龍臥虎之形勢

盤龍山在古北口東。臥虎山在古北口西。左右夾據之天險也。金史所謂留幹嶺。夾道諸山。又東有鞞韃峪。歸兒嶺。白蓮山。樺門山。並峻而聯於齊頭崖。倒馬嶺。古北口附近諸山。

白槽山 桃花菴山 酸棗嶺 黑松山 以植物著名

鳳凰山 鸚鵡峴 駝骨口 龍潭山 以動物著名

鐵鑛山 青銅山 銀冶山 金洞山 石煤嶺 以礦物著名

第十七章 盤山

盤山距薊縣城西北三十里。自西門經西關。五里橋。花園。賈各莊。官莊。營坊。至山根。北有行宮。雖寥落尙未荒廢。望海樓尙完全。清初多由平谷登大嶺。緣仄徑。至李靖菴。觀舞劍臺。壓青陽峪。援攀蟻附。凌高降深。二十餘里。過雙峯寺。至峰頂。登黃龍祖師殿。及舍利塔。俯視盧龍古塞。三千里外。烽台濠塹。如視諸掌。雲罩寺有淨業。上方。白援洞。天門。開諸勝。蓋遠望之。渾然一峯。入山則奇峯疊出。而九華。雙鳳。紫蓋。掛月。自來。諸峯尤著。盤桓起伏。百有餘里。古松萬株。鬱鬱蒼蒼。土人言除夕聖燈。爲山中靈蹟云。

盤山之遠勢

自薊縣西北望。如虎牙。如竹筍。皆山之絕險處。餘皆杳靄迴複。擁螺墮髻。濃翠欲滴。忽而流丹漾赭。采色交宣。而一縷白雲。從石罅中出。飄搖淡宕。蒼茫滿目矣。

法感寺之下盤

距薊二十五里。法感寺房山麓。是爲下盤。地勢陂陀。松根與石角相倚。清流激湍。作琮琤聲。

妙祥寺之石洞

山路崎嶇，語曲，往往中斷，尋微徑，輒逢怪石。

千像寺之播磨石

屹立千尋，一人撼之即動，亦異境也。

中盤寺塔

古塔屹立，西有淨室，石根樹杪，時見行人相距咫尺，而遠隔數里，山逕紆迴，可見。

雲罩寺之繩頂

月上空明，人多齋宿，以自來峯爲上盤，是爲三大盤，上盤以橋勝。

黃花白狼諸塞

薊門形勢，自古重之，自李愿以後，高臥之士，日少矣。北出平谷曰盤陰。

盤山附近諸山 十峯，九巖，八大嶺，詳見風景章。

鐘靈山 如盤山左翼，有東井峪、西井峪、葫蘆峪、小嶺。

壽福山 如盤山右翼，大栲栳山、小栲栳山、田家峪、馬家峪。

第五篇 水道

第十八章 拒馬河

京兆地方水道自西自東觀之。當以拒馬河爲之首。出自直隸涑源縣。行山峽中。經灤縣北。又東經涑水縣北。涑水縣以此得名。東至於涿縣。合琉璃河而爲白溝焉。拒馬河自西徂東。界畫南北。形如一字。晉劉琨因此以拒胡馬。足見我民族奮鬪禦侮之精神。宜爲京兆第一川流。周禮言其浸涑易。今觀涑縣西南地勢平坦。實中古巨浸遺跡。涑縣之名原於涑鹿。涑本永名。今河濱豢豨。豨者衆。始古人制字具有精意。可見黃帝以來。吾民皆有嗜豬肉特牲。考古涑鹿。近代直隸之保安。涑水入永定。實則古涑水極廣也。

拒馬河發源處

源出直隸涑源縣。即舊日山西代郡廣昌之涑山。北崖古塔。當縣城之東。東北流至長城浮圖峪。北有一水。自城南北流來會。又東經長城北。至塔崖驛。又南有一水。南自山中北流。出城來會。又東流至紫荆關。北入長城。又東北經易縣北。繞山中。折而東南流。經涑水北境。交京兆界。始漸出山也。又爲古之桃水。又名渠水。

拒馬河經三坡所受支流

涑水縣與涿縣之上中下三坡地方。以拒馬河爲界。所受某流。有直隸涿鹿縣之白崖水。及境內庄窠澗。桑園澗。又受大澤村之大澤水。自宛平之鐵絕嶺流出。盤坡峨嵋。彷彿桃花源。山中農民。頗受灌溉之益。而下達鐵鎖巖。冬日不凍。

拒馬河經房山所受支流

涑水與房山亦以拒馬爲界。所受支流。一曰蘆子水。自黃崖角山中。西流入拒馬。二曰狐友潭。三曰東港。四曰聖水峪。皆細流。五曰十渡河。有二源。東出駟馬台。西出東村。合龍莊湖南注。五曰六渡河。六曰乾河。至此而下。拒馬分流爲二焉。

拒馬河經涿縣之之支流

拒馬河南支。入涿縣境。三分三合。一在高村之東南。二在孫家莊之東。三在義利庄之西。合縣西南諸小水。經縣治之西。與北支合。北支入涿縣境。至宋家營分合。開積成沙漠。長十餘里。闊五六里。又東北流至張村。合房山縣流來之胡良河。即古涇水。合挾水以東。會於琉璃河。

第十九章

琉璃河

京兆地方發源之水。以古聖水爲最。卽琉璃河之上源。水道提綱。譚源出房山縣。山中有今日實地勘測。則琉璃河上流。名曰龍泉河。自宛平境發源。光緒順天府志。已知宛平之源。視古爲確。今宛平圖。龍泉河之源。曰青草灘。發於金雞谷山下。兩源并發。合而西南流。經史家營。蓮花港。折而東南流。鹹子水。柳林水入焉。入房山界。經北峰及西班東班各莊。至河東村。宛平之雅河。南流來會。水勢壅盛。乃名龍泉河。經羅家壩會它里水。南至馬各莊。會東流水。乃名琉璃河。東南經良鄉。至涿縣。會於拒馬河。

琉璃河之支流

孔水 源出房山西北。孔水洞之西南。卽宛平插花地之沙峪水。蓋京兆鄉俗。無村亦有孔廟崇祀。至聖。是以名曰孔水。曰聖水。出羊耳嶺。至歇息岡。又經前朱各莊。北莊。至縣之西北。關東南流。繞縣城東北。至地頭村。會響水。響水牛河。入於琉璃河。

響水 源出房山西北。响口關。經塔窪。大紅寺。小紅寺。留台尖。至房山縣城西南。

又東南經辛莊雙孝莊會於牯牛河。至蘆村入於琉璃河。

壩兒河 源出房山縣西長溝峪。經茶棚、涼水泉、老山莊、堅水窪。有宛平插花地。柴廠水南流來會。至西山口。始入平地。即周口店。又經周口村、下坡、陀頭、東兩流至同程村。入於琉璃河。此節河身約與周口店鐵路平行。

琉璃河經良鄉

琉璃河鎮 爲琉璃河之中心。最重要者曰橋頭。昔年南北驛路所必經。而京漢鐵路之鐵橋。則在其下游。車站在路東。舊鎮在路西。有民船下達天津。

琉璃河套 挾活河自房山發源。東西三池。由地湧出。左右相連。合而成河。經兒上中院、下中院、孤山口、龍門口、納韓村河。東南經白村入涿縣界。分流爲二。一自琉璃河鎮入琉璃河。一自下游之興禮入琉璃河。圍成河套。

琉璃河經涿縣

琉璃河下游 入涿縣爲劉家莊。經北港。至馬頭鎮。爲民船所泊。爾至小呂村。會拒馬河。以入於大清河。蓋清水河在前。清尊曰大清也。支流牯牛河久淤。

第二十章

永定河

京兆地方設永定河防局。屢經減政。歲支猶近二十萬元。有清盛時。嘗以國幣數百萬。擲之河工矣。永定河上游曰桑乾河。古之灑水。亦曰濕水。源山西馬邑洪濤山。西源出寧武管涔山者尤遠。經山陰應縣。至大同之南。東經直隸陽高之南。懷來之西。至長城天津關之西。始入京兆宛平界。仍盤迴西山之中。不足以爲患。自石景山以下。陡落平原。全恃堤工。河北河南分段設局。如警察之防盜也。當其衝者曰固安曰永清。長堤綿亘。又經安次縣馬頭鎮。南下武清縣皇后店。南下達天津。合大河入海。水患愈烈。

永定河經宛平西境

入長城處曰幽州山。俗名豬窩口。東近昌平之鎮邊城。至白鐵嶺。受梨園嶺一水。至富家台。受東西齋堂煤窩之水。又東經下馬嶺。受葦子水。至三家店車站。折東南。經石景山。西老頭。張儀村。至蘆溝橋。入良鄉界。湍猛異常。上激下淤。故易爲患。永定河經良鄉西南境。

入界東岸爲錢官營。有章各庄。寶安庄。丁庄。北二工。西岸爲公議庄。經趙莊。任家

場、窯上村、金門關入涿縣界。水漲時開閘，放入白溝。年久淤塞，及兩河壅塞，

永定河經涿縣東北

入界西界爲陶家營。有堤延長至南蔡村。復入宛平界。西界長安城。入固安境。

永定河經固安縣北境

永定河入界。昔有太平河、減河。今淤。直至城北五里舖北之南四工。河北即北十里舖。經大孫郭、小孫郭。至東亞隄、西亞隄之間。有減河東北流入安次境。正流由梁各庄下達永清。以上不通航路。以下則立夏後、秋分前。可通天津貨船。

永定河經永清東北

入界爲孫家務、經買家務、雙渡營、柳坨。至安瀾城北憲家務。入安次界。可行船。

永定經安次南境

入界爲始喇港、舊道。經齊家坨南。今北偏調頭鎮。馬頭鎮之南。東入武清界。

永定經武清南境

舊道在王慶坨北。今北偏教子嘴北。東合大宛通縣之鳳河。入直隸天津縣界。

第二十一章 清水河

京兆地方。河運之最有益者。莫若清水河。習慣稱大清河。上游承拒馬琉璃兩大來源。河流較緩。原有引河一道。引永定入清水河。未幾引河自淤。而清水自清。不至與渾河相混也。今俗名中亭河。又名玉帶河。即古之會同河。會金門閘之水。經東西茨村。及望海庄。皆涿縣東泊船要地。河東畧有沙漠。入固安縣西境。經北相中相白馬莊。亦通航路。西南出境。至直隸新城縣平景鎮。下游入白溝。納易水。經雄縣城西。新鎮縣城北。復入京兆界。又東北經霸縣之南。東入直隸文安縣境。經天津而達於海。

清水河在涿縣東境者

拒馬琉璃兩河合流後。舊圖。或但稱巨馬河。或因行舟之便。舟子但稱琉璃河。是以馬頭鎮。茨村。望海莊。遂併稱三口岸。民間既資灌溉之利。亦無決口之虞。

清水河在固安西境者

自涿縣入界爲北相村。中相村。東岸爲曹家莊。又南東爲柳斌屯。西爲白馬莊。又南東爲陳固城。荆堡營。西爲李洪庄。又南入直隸新城縣界。

清水河在霸縣南境者

清水河出界經直隸境。受清苑諸縣之水。蓋天津保定兩道通舟最要之航也。自新鎮縣東十五里入霸縣界。爲營口村。東流經苑口村至蘇家橋。此鎮係霸縣文安所共轄。往來船隻多泊於此。下游四十里。則文安之石溝村也。

中亭河在霸縣南境者

中亭河起自縣南老堤村。東流十餘里。經東西栲栳圈。再東流即文安之勝芳鎮。附近產米。精白細膩。冠於亞洲。南洋之仰光西貢所不及也。大清河居南無北隄。中亭河居北無南隄。中間成爲溢流。一等汎濫。兩河間數十村。悉成澤國。

清水河與永定河

霸縣治在中亭河北。東南各村。均恃中亭北隄爲保障。西南村莊則恃六郎隄爲保障。官督民修。力薄工簡。前年大清北溢。永定南決。兩堤內外。一片汪洋矣。

栲栳河支流

自固安入霸縣西北境。東南流至西栲栳圈與中亭合。夏間通小舟。

第二十二章 潮白河

京兆地方。河流自塞外流入者。爲潮白河。上源有二。在古北口外。熱河區域發源者。曰潮河發源地。舊爲御焉廠南大山。今爲豐寧縣西北境。名老虎溝。經大閣鎮。至古北口。入境經潮河關。桑園。石匣鎮。望都嶺。曲折西南行。至密雲縣城之西南。會於白河。白河源出獨石口外。察哈爾區域。沽源縣之馬尼崗嶺。西人以大沽口之水爲白河。總括京畿諸水。沽源縣因此得名。然以潮白河二河論。潮河尙遠於白河。大於白河。白河入塞經赤城復出塞。至鹿皮關口。入密雲縣境。北合白馬關水。南至密雲。會於潮河。

潮河上游水患

明季清初。擬鑿通漕運。至今仍不通舟楫。水患陡急。不能蓄爲水利。夏秋氾濫。土堤易決。蓋每逢暴雨。諸山童禿。奔流直下。其勢洶洶。古北口之小營莊。及河南塞魯各莊。當其要衝。受害尤烈。宜於山腰河旁。廣種樹株。以殺水勢。

白河合流水患

白河白密雲縣屬河槽莊。與潮河相會。直趨西南。經懷柔縣之羅山南下。密雲境

內走馬莊、沙河莊、十里舖等處。每當暴雨時行，下游不暢，則沿河悉成澤國。膏腴田畝，變爲沙漠。蓋沙從塞外，小沙陀挾至，與水患俱來，不與水患俱去。尤農家之疾苦，而無可赴愬者。蓋向無堤岸防禦，人力不修而聽之天，天豈肯優待惰民乎？

懷河之水患

白河自密雲入界，大新莊西南流，經南坊莊，與雁溪河相匯，稱爲懷河。水淺灘高，航路遏絕。沿河引水灌溉，河漲時馬家李家兩河，及南坊莊張之口，皆被沖淹，亦無堤岸防禦，雁濼源出塞外，亦挾細沙，名曰九渡河，亦名水吟河，入順義界。

順義河決及改道

潮白河自懷柔入界，九渡河會之，而水益盛。經牛欄山鎮，舊爲灤河上流，即北運河所資以濟運者。民國元年，河決於李遂鎮，改由此鎮東南，經香河入寶坻界，瀦於低地。因寧河沿海地高，不能宣洩，決口以後，順義尙見豐收。以寶坻爲壑，四百餘村，五六年不得播種，不得已而導入鮑邱河，與箭桿河合，注於薊運，入直隸寧河縣境，經蘆台入海。舊道已涸，尙有議疏通故道，以復原狀者。

第二十三章

通惠河

通惠河一名閘河。因昔日漕運全恃各閘以蓄水。每一閘。閘上之水或比閘下之水。差至丈餘。元郭守敬所測定。元明清三代利用之。特設閘官以司啟閉。又名玉河。因近源多出自玉泉山。或名御河。因導十剎海入禁苑。爲南北中二海。由御河橋流出。而後會護城河而東也。其實各城皆有閘。兩閘之間可行船。漕運全盛之時。船隻衆多。沿河盤閘之民。皆食其利。京兆地方。人工所造之河。以此爲最。京師各溝澮。汙濁所歸。秋冬水尤臭。不能生存魚鱉。不如上源西山泉水也。源出昌平白浮。下達通縣。會於潞水。

通惠河別稱

文明河 順天通志舊稱。今以文明爲口頭禪。而河流文明。無復修治者。

泡子河 又名護城河。今京城東南之泡子河。已枯竭。教育部中央觀象臺。罕有教員率學生仰觀俯察。郭守敬之學。成泡影矣。

通惠河閘交通

西便門至二閘一帶。畧具文明之象。如左。

臨河花園 富商張姓設張園。多仿西式。同仁堂樂家老鋪亦建別業於此。與之對列。其他臨河民居亦整齊。京師增郭膏腴。謀生較易也。

河中畫舫 亦以富商畫舫爲最。民間亦有游艇。中西人士携眷清遊。風景不減於秦淮。惟嚴禁花舫。風紀比南京更肅。

通惠河閘之實利

水磨之利 二閘慶豐水磨公司。利用水力。激動機輪。以製麪粉。三閘亦設有分廠。而售麪處。則設於西便門。

養魚之利 三閘蘆葦中多魚坑。夏日蓄澄水。以養厚魚。供京師食用。其利數倍於種田。亦有附種菱藕者。

通惠河之航運

三閘 以上屬京師東郊。下達通縣境。尙有普濟閘。八里橋。今四五兩閘。船隻不行。因京通鐵路極便。無人肯行水路。惟三閘二閘附近各鄉村人民入京者。乘民船。每船載五十餘人。每人收銅元二枚。可謂廉矣。

第二十四章 北運河

京兆地方。昔年通道於東南各省。逾河、逾淮、逾江、逾浙。莫若運河之縱貫南北。而北運遂爲南漕北來之通道。且運鹽則近自長蘆。運銅則遠及雲南。鐵路未通以前。洋廣雜貨。由海船運天津者。莫不由北運河至通州。自通州而下達天津。亦爲京貨南行所取道。今鐵路交通。形勢一變。白河改流。形勢再變。西人世界圖以直隸爲白河流域。或以北運河爲綱。稱北河流域。然通縣之人。則喜用潞河之別稱。然潞河非至遠之源也。今京兆地方。設北運河防局。以總河防。鐵路雖通。運河亦終古不廢也。

潞河之源

密雲縣霧靈山發源之水。俗以爲潞河之源。不如潮白二河。出自塞外之長。實北運河數源之一也。

沙河之支流

沙河出昌平居庸關。即溫餘水。亦曰榆河。東南流經南口。東又東南有一水。自西來會。又東南至縣南之沙河城。有京綏車站。一水自西來會。合昌平境內之水。約

四分之三至宛平北境。海沱水自西南來會。又東南經順義至通縣。入於北運河。

北運河在通縣狀況

京師通惠河。通縣城西北。分爲二支。一支至縣城西水關。南流至張家灣。與凉水河會合。凉水河受通惠河之水。原有河岔。與運河通。今已淤塞。一支自縣城北門外。葫蘆頭。經滾河壩。與溫榆河匯合。凉水河俗名鹽河。由北京廣安門外。流經南苑。至半截橋。入本縣境。西北流至張家灣。折南經灤縣。沈莊。南元化村。入武清。

北運河經武清境

上自河西務迤北。下至馬家船口。長約一百二十里。河西務及南北蔡村。東西楊村。爲停泊之所。通航之路。上達通縣。下達天津。每遇淫雨。沿河各村。受害尤烈。下游合永定河。清水河等。共五大河。由天津向大沽口入海。

北運河之王家井河

自通縣南香河境。安平莊。有引河。經新立屯。大白莊。青龍灣。草壩。入直隸寧河境。治河者。擬於筐兒港。七里海。添闢尾閘。以資宣洩。

第二十五章 孫河

京兆地方。河流之關係飲料者。莫重於孫河。京師自來水公司。所資以爲全城百萬之衆所共吸也。千支萬派。密布於地底之伏流機關。一啟汨汨其來。飛珠走雪。如天然之泉脈。鉅室既引之。廚房浴室亦聯於銅管。取之不竭。足食足用。各大街之口。亦有龍頭。由附近鋪戶代售水籌。飲水思源。必求澄潔。以合於衛生。又須源遠流長。大旱時不至於枯竭。乃可濟衆。蓋京師苦水井甚多。孫河之水。遂如甘醴。昔日孫河屯。今名孫河鎮。上源其遠。舊曰孫侯河。即北運流域之沙河。因飲料所資。特加注意焉。

水經灑餘水之妙用

水經灑餘水出上谷居庸關。又言逕龍虎臺而伏。酈注言潛伏十餘里。又逕昌平西南舊縣。復出月兒灣。明季上流已涸。然重源所發之灑餘潭。東南逕奮沓汎。四合雙塔。卽水。卽龍眼泉。又納虎峪山東南瀑布。卽幢幢水。至鵝鶴嶺而隱。溢爲虎眼泉。左合暖泉。又合百泉水。原泉。黃泉。響泉。又名灑河。經鞏華城。卽沙河店。俗名北沙河。蓋伏流之之泉水。在上游。已經幾重沙瀝也。

南沙河所合諸泉

源出西山熬魚溝即王斗潭。合滿井水。沙澗水。皆有天然之沙。瀝水味特甘。

湯山泉之合流

大小湯山雙泉皆溫。又里許新湯池。海子水益溫。逕蘭溝入沙河。

清河爲玉泉之別出

清河出玉泉山西。雙泉山下。東逕萬壽山圓明園。又東逕清河營。入於沙河。蓋水質不愧爲天下第一泉也。

孫河屯之村鎮

居民二百家。爲一村鎮。京師赴順義、密雲、熱河要道。舊稱五十里。實止三十里。村有望京館。有橋。古之孫侯村也。今京師孫河之間。有村名望京。相沿亦久。

溫榆河

在孫河屯東里餘。京師食水之澄水塔在焉。水清而淺。牽車輻涉。僅及馬腹。又東數里。即交順義界。下游入通縣界。俗名富河。

第二十六章 香河

京兆地方。縣以河名者有香河。非巨川也。縣北五里。爲蕭后運糧河。舊志謂之蒼頭河。上通牛欄山窩頭莊。因名曰窩頭河。通縣人或以爲窩坨河。俗呼灑灑河。今圖作箭桿河。象其急流也。又曰牛家務河。又曰絳河。又曰渠河。隨地異名也。昔過絳橋入潞河。久已改道東南入薊運。蓋此河上游。當李遂鎮之東。自白河決入。由香河以下寶坻。細流改爲巨川。蓋百家灣之全村爲沼。早受水害。經辦子淀滌淀。逕寶坻城南。與鮑邱河支流合。逕林亭鎮。八面城。有褒鏡河注之。南逕盛家莊。入薊運河。

香河之正源

順義縣東北之呼奴山。南魏家村。平地湧泉溢而西南流。有東埝頭西埝頭。殆所謂窩頭者。沿河東府西府仇家店。魯各莊。橋頭。道山莊。霍里村。南小營。西彩。薛各莊。前後營。等數十村。頗受灌溉之利。至李遂鎮東南。太平辛莊以下。或爲白河所奪。正流經壩溝村。入通縣境。河身狹小。不通舟楫。水漲時有小舟行。非運貨正道。香河上游之通縣

香河自順義屬之漢水橋經俱溝村入通縣境。經牛家甫、諸葛店、及興各莊等村入三河界。

香河縣境之窩頭河

香河正流自通縣譚台入界。經半壁店至焦莊決口。分勢南下。水患最巨。蓋因全境皆旱田。無庸灌溉。一決明口。則田禾皆被淹沒矣。至固辛莊與鮑邱河相合。入寶坻境。

香河與三河關係

鮑邱起於三河。縣境神靈莊、太薄莊、及前後葛莊、十餘村。居鮑邱箭桿兩河下游。玉橋游塞、箭桿河倒灌入鮑邱。匯兩河爲一。急如奔馬。兩河交點。沙壅如邱者五里。水勢迴漩。於大薄各莊。竟成澤國矣。

寶坻之水災

箭桿河自香河來。鮑邱河自三河來。至王補莊而合。河淤橋矮。阻礙舟行。建鐵而下。灌注者四百餘村。李家口與蘆運河決口相連。爲害尤鉅。

第二十七章 三河

京兆地方。河流以數目著。爲縣名者。莫名三河。殆上合洵河。獨樂河。洳河三源。而下達薊運也。源之遠者。東出黃崖關口外。貫穿平谷。西源則出自懷柔。薈洵水卽古之廣漢。川宋廣川郡卽因此得名。然洵水見於竹書紀年。得名尤古。獨樂水或伏或見。斷續無常。見於水經。蓋伏流非淤塞也。洳水出懷柔。擊警山。又名石河。巒疊澗通。石峨峙焉。西曰大石門。水源伏脈其中。又名錯河。合月池。古溝。馬房溝之水。從三河縣以入於薊運。各河流皆總於三河焉。

洵水之航路

洵水自黃崖關迤西入平谷境。爲通行之航路。輸出棉花菓品雜糧。環流至鹿角莊。分爲兩道。駛行船隻。西通三河。又東南通寶坻。直抵天津。以泗渠莊爲停泊之處。所附近各村。多引水以灌園圃。若山水驟發。則楊各莊。太務莊。捻頭。東高莊等村。皆當其衝。低窪者不免積潦。此河皆天然泥壩。水道曲折。祇有漫溢之患。并無決口之虞。此河極曲。而支河逆流河。則號九十九曲。出自泉水山也。

錯河之航路

俗呼洳水爲錯河。或名錯橋河。或名七渡河。又名黃頌水。自平谷縣與洳河相會。入三河縣境之青羊屯。環城之北。又東南流。入寶坻境。源遠流長。寬深無滯。可通行舟楫。傍河田畝。無須灌溉。

三河之下游航路

自三河之行人莊。至辛莊東南。行至三岔口。更南行至嘴頭莊。與薊運河相合。而航運益便。

獨樂河之支流

洵洳兩大源而外。以獨樂河爲鼎列。昔日之獨樂莊。今則升爲獨樂鎮。可見河流文明之發達。

泉州渠故道

三河東北。有呼洵水爲渠水者。蓋漢建安時。鑿渠從洵口鑿入潞河。名泉州渠。石鎚築城曰臨渠。即以鑿洵得名。

第二十八章 薊運河

京兆地方。運河亞於北運河者。爲薊運河。源之最遠者爲梨河。卽漢地理志無終縣之水。酈道元謂之庚水。發源直隸遷安縣界。鹿兒嶺。經遼化境。合於沙河。俗呼十河。其源衆多。有溫泉伏流。石門鎮有水門口峽。懸崖露穴。古之漂水也。今訛爲梨矣。明時歲運三百六十餘艘。明季淤廢。清初濬之。運漕以供陵糴。入薊縣東北珠兒峪。合淋河。黑泉。黃泉。大馱泉。桃源泉。隅頭泉。定福泉。龍王泉。老廣泉。下莊泉。桃花山泉。神仙泉。陽泉。白馬泉。花園泉。綠泉。陽泉。東巡紫金洪。卽遼運河故道。下合三河香河。以達寧河入海。

薊運河之航路

自遵化平安城西經馬家涯。水勢漸盛。至薊縣城南蔡莊子。南行。經上倉鎮。下倉鎮。皆河運盛時倉儲所在。而鎮市以成。今鎮市雖存。倉儲久塌矣。蓋紫金洪昔爲謁陵時打水圍之地。經科科店。韓家壩。孟家樓。至上倉鎮。又經蔡家莊。塔兒莊。白廟莊。響水處。石家莊。至後屯。卽下倉鎮也。又西南經抬頭莊。西焦莊。寄甸莊。吳家套。又西南逕嘴頭莊。與三河之洵水會。

薊縣西南之航路

薊運河既合三河。洵水各支而益盛。經薊縣西南境東南流。逕桑梓莊而。又逕侯家營。西有橋。又折東逕秦家莊南。其水南直抵寶坻。燕各莊。其北岸仍爲薊縣境。又東逕孟家莊。限渠北來注之。一入大汎。拍岸盈堤。橫流幾不可遏矣。

白龍港下運糧河航路

洵河相會處。有白龍港橋。俗名運糧河。今通稱薊運河。以天津糧船泝流至薊也。又南經薊屬趙各莊。龐家場。王家樓。又南至閘口樓莊。水南直齊抵縣口頭。又曲曲南流其東岸。由薊縣入玉田界。小河。口有螺山水。藍泉水。小泉河水。合流注之。其西岸仍寶坻東界也。又南經岳家橋。魯沽。至長亭鎮。鮑邱河。香河諸水注入之。薊運河合鮑邱河以下航路

薊運既合鮑邱。又逕盛家莊。還鄉河自遷安來注。又南邊直隸之寧河縣。下游受金鐘河。又南經北塘鎮。北河注之。受鹽溝。南至于家舖。東又七里入於海。而舟楫所萃。則在蘆台也。薊運河逼窄多灣。本河之水。尙難暢流。益以潮白。易致漫溢也。

第六篇 水利

第二十九章 溝渠

京兆地方水利。莫急於溝渠。城市賴以宣洩。隴畝賴以灌溉。明邱濬言。京畿地勢平衍。莫若少仿遂人之制。以河爲主。爲大溝廣一丈以上者。達河。開小溝廣四尺以上者。達大溝。又細溝廣二三尺以上者。達小溝。有清營田治水。始於康熙。成於雍正。順天府屬稻田。凡十三萬三千畝。中熟之歲。每畝出穀五石。爲米二石五斗。凡三十萬二千五百石。若逐年進行。曷可限量。惜乎道光以後。溝洫廢弛。林文忠公畿輔水利義。徒以著述傳於世。繼文忠而起者。責在我輩也。

康熙所開河渠

三河 直抵薊州。北方水田。不比江南與甘肅寧夏山西澤潞。約略相似。

護城河 爲城內各河溝之綱維。

清河 開濬後於右翼人衆甚有利益。

雍正所開河渠

井田 雍正二年於固安城南七十里鋪頭小營子邨。試行井田。遺址溝渠尚在。

營田 雍正三年怡賢親王釋薊縣霸縣教民以濬流。鑿水。節水。引水。戽水之法。

開河 雍正四年怡賢親王於高各莊開凉水河入鳳河故道。於大河頭建閘。

擴充 胡良河所經地皆膏腴。擴支渠而廣之。房涿之閒皆稻鄉也。

分渠 涿之高邨王家莊茂林莊分渠引流。改旱田爲水田。凡百餘頃。

引水 薊之馬伸橋莊鄭各莊營田引大小海子泉水。洩於淋河。

會納 薊北山泉至白龍港會洵河爲澗流河可資灌溉。

潮水 寶坻八面城尹家圈等處引薊運河潮水。仍洩於本河。潮水性溫。發苗最

沃。一日再至。不失晷刻。雖少雨之歲。灌溉自饒。比於浙閩潮田。

順流 苑囿以南。淀河以北。行潦順流。秫稻葱郁。

永定 宛平盧溝橋西北修家莊三里店引永定洩之邨南沙溝不糞而沃。

督亢 涿南海龍寺有督亢舊跡。土人於挾活河引水栽稻。溝渠圩岸。具有條理。

泉流 房山縣西南玉塘泉。涓流無多。亦引水栽稻。

第三十章 湖泊

京兆南路廣衍多隰。衆水所鍾。翁之淳之淵然而深。以卑下爲壑。名之曰淀。淀之名始見於左思魏都賦。字亦爲澱。水經注。新唐書。皆云九十九澱。酈道元又稱爲清河。後世約其數爲七十有三。其名皆不可臆舉。其散見宋遼金史者。漸致淤廢。乾隆時猶存四十餘。其他或曰泊。曰窪。曰窩。曰港。隨方俗所稱。統言之由東西兩淀。東淀周四百里。西淀周三百里。幾內沽淪濡滲。滲易涑。鉅流及山泉。溯流之細者皆歸焉。蓋寶坻七里海香油淀。鯽魚淀。皆涸。以涸時之澤爲田。必以溢時之田爲澤。此水患所以無已時也。

水佔 清初李光地巡撫直隸。請興水田。言涿州水佔之地。每畝售錢二百。尙無欲者。一成水田。每畝易銀十兩。當時水佔之地。同於湖泊。今京東寶坻武清被水佔者。亦形如湖泊。有大力者。興水利以祛水災。必自經營水田始。

葦塘 凡湖泊之處必有葦塘。亦納蘆課。其間可養魚鼈。種藕菱。放鷓鴣。經營得法。其利爲亦不遜於水田。非以原田沃野。棄爲瀦水之區也。

窪地 如霸縣煎茶舖等數村。原係湖泊。涸出。是以卑濕宜稻。然年久水歎。亦改而

種黍。凡水田之改旱田者類此。

白玉塘 涿縣濬舊溝。起花園村。至青岡村。長八里。引白玉塘泉。水南流。灌溉二十餘村。稻田賴之。

西湖 在玉泉山下。一名昆明湖。自明季興水田。隄膝蓄畚。宛似江南。今日西郊水。稻環湖澤之旁。恍如洞庭秋熟也。乾隆諭淀泊利在寬深。淤地偶涸。當讓之水也。沮洳。京東列縣。自民國以來。未覩水利。惟苦水害。桑麻之區。半爲沮洳。誠宜守明史徐貞明水利議。上游疏渠濬溝。引之灌田。以殺水勢。下流多開支河。以洩橫流。七里海。積水舊地。東入薊運。南穿曲里海。由北塘入海。寧河堵其口。遂日形淤墊。陰流淀。薊縣之西陰流淀。及陰流河。方輿紀要主張。疏渠爲田。以重屯政。當時未行。後世食其利。然愚民貪淤地肥潤。占墾所占地日多。蓄水之地日減。而患日烈。造湖。京兆最低下之田。當下流之衝者。應蠲其常稅。濬爲陂澤。治水即以治田。湖濱田畝。必受其利。仍須加濬使深者益深。而後築隄設閘。以防漫溢。不然水無所歸。而徒與水爭地。則以隣爲壑。不如廢已淹之地造湖。移急賑以殖其民於塞外。

第三十一章 隄閘

京兆之水多源遠流長。棄之則爲患，用之則爲利。防水患莫重於隄坊，蓄水利莫重於閘壩。有清怡賢親王濬薊運河之白龍港，先築隄於下倉以南，建石橋，橋空下閘，壅水而升之。注於兩岸，以資灌溉。多開溝澮，自近而遠，從橫貫注，用之不乏矣。近代河工盡力於堤坊，然堤高淤亦高，淤南則決北，淤北則決南。畿於牆上築壘，然疏爲治本之策，一時難以圖功。掃也，椿也，皆以護堤。壩也，埝也，閘也，涵洞也，亦利在蓄洩。昔清室設河督河道，下至閘官，并置河營，分汎而治。土車、埽船、叔夫防險，亦各盡其職焉。

永定河防局

前清永定河道之職務，經宛涿良固永安霸八縣，其重要之地如左。

石景山 原駐同知外委，南北金溝皆有石堤。

蘆溝橋 原駐巡檢，北雁翅大石堤最重，石雞嘴壩片石堤，月牙壩亦要。

北頭工 分上汎、中汎、下汎，宛平、武清會設管隄縣丞，下游爲北二工。

南岸頭工 分上汎、下汎，下游南二工、三工、四工，霸州同涿州判固安縣丞等。

三角淀 原設通判管兩岸五六七八等工。永清安次皆其汎地。

金口厰 金大定二十七年於金口厰置掃兵室爲盧溝河置兵之始。

狼堡 石堡 黃堡 白堡 沿河築隄以堡爲重土車千輛歲時修葺。

賀堯營 永清決口康熙末之鉅工也。

康熙隄 自蘆溝橋至永清長二百里桃新河百四十五里動帑數十萬兩。

修隄之利害 孫文定公嘉塗言永定河前散流於固安霸州之野泥留田間而

清水歸淀間有漫淹不爲大害自築隄以來始有潰淤之患是永定仍無定也。

北運河防局

前清通永道職務經大通香武四縣其重要之地如左。

楊村 昔設通判主簿要兒渡曾設縣丞舊河建有減水石壩。

通惠河 大通橋平下閘慶豐閘昔歸漕運通判管理今久廢設有閘官。

灤縣馬頭 原駐州判。

河西務 城東舊河形對新河開有直河一道。

第七篇 地質

第三十二章 地層由水成者

京兆地質，罕見太古界之片麻巖。惟元古界之南口系，實續起於五台系之後。其岩石分爲三層。下爲石英岩。由砂岩變質而成。質堅色白。間以粘板岩。染鐵質而呈紅色。南西北。龍關有鱗狀赤鐵礦。蕪縣亦於此系岩石。宛平齋堂以北。柏峪有黑色頁岩。在含砂質石灰岩之上。而居寒武系地層之下。劉家峪亦然。皆元古界煤層代表。寒武紀總厚五百至七百米。奧陶紀總厚六百至八百米。突至石炭紀層岩則西山楊屯戒台潭柘房山周口北均直覆於奧陶紀石灰巖上。屬二疊紀。齋堂則侏羅紀也。

南口系之盡處

山西大同以北則寒武紀地層直覆於片麻巖之上。南口系不可復覩。

南口系之名稱

威烈氏之滹沱系，昔希霍芬氏橫越南口。實先見之。故應定名曰南口。

南口系之實驗

南口至八達嶺之間最完備。西人注意考察。國人不可忽也。

南口以前之五台系

威烈士發見直隸山西。元古界地層。以五台與滹沱兩大系並列。今有片麻岩。含石棉之大理石。以及含綠泥。石滑石或陽起石之各種結晶片。大抵威氏在五台所見最多。故取以爲名。

南口系最遠處

威氏於山西東部所見。分爲寶村板岩。及東峪石灰岩二層。尙與南口相去不遠。居庸前後之岩石

自南口鎮起。先見石英岩。板岩。片麻岩。次爲砂質灰岩。大段正當居庸關。雜以長英岩。次爲安山岩。上覆以花崗斑岩。烟長英岩。又次爲大理岩。最北爲花崗斑岩。直達八達嶺。有雲母岩。輝綠岩。點綴其間。不專爲水成岩。而層向亦錯亂也。

盤山附近地質

含砂石灰岩之上。亦有黑色頁岩。及劣質煤層。

第三十三章 巖石由火成者

京兆盤山及居庸關以北火成岩中花岡岩鐵鎂礦物以黑雲母爲主，惟時多時少，頗不平均。居庸關一帶長石結晶往往甚大，故成斑狀花岡岩。又有長英岩，亦爲花岡岩變態之一。以石英正長石爲主要礦物，而石英每多於長石，亦往往成脈，南口薊縣屢見之。其結晶甚細者，成一種淡色青龍橋一帶，黑雲母呈薄片狀，大小不一，顯微鏡下惟見棕綠色針狀或片狀雲母，縱橫交錯於正長石石基中，蓋當花岡岩次第結晶，其剩餘岩汁中基性物質與酸性物質漸分離，雲母岩質岩汁分離之確證也。

房山東房口之花岡岩

鐵鎂礦物角閃石較黑雲母爲多，然全體仍黑雲母爲勝。

齋堂北龍把溝閃長岩

純爲斜長石及角閃石所成，河南盧氏冷水村山西垣曲松樹河與此同。

盤山盧家峪之安山岩

安山岩以角閃石爲主要，盧家峪有此岩脈侵入花岡岩，其斑晶爲角閃石及斜

長石。石基爲細粒斜長石。及少量鐵鎂礦物。

西山中生代岩層輝綠岩

西山中生代岩層。時有黑灰色或灰綠色之火成岩。變質甚深。原生礦物之性質。半已銷滅。隱約變其爲輝綠岩。

盤山居庸關元古界之侵入

花岡岩侵入南口系含砂長灰岩。以接觸變性而成大理岩。其侵入其元古界也。如雲母岩、長英岩、安山岩、輝綠岩。在居庸關一帶。侵入南口系水成岩地層中。或橫截爲脈。或平疊爲層。繁曠不可名狀。

房山楊房中生界之侵入

房山花岡岩。南口楊房花岡岩。侵入中生界。水成岩地層中。偶有一二偉晶花岡岩脈。楊房至溫泉寺間之花岡岩。與侏羅紀相接。變質甚著。其餘類於此者。爲京西虎頭山、香山、門頭溝、南山、王平村諸處。所見皆是。蓋侏羅紀以後。確有火山破裂之象也。

第三十四章 煤田

京兆煤田。宛平爲盛。距京西五十里。爲門頭溝煤田。其地質則有寒武奧陶維亞記之石灰巖。石灰紀之煤系。二疊三疊紀之紅砂岩。侏羅紀之煤系。及上部侏羅紀之紫綠岩。時有輝綠岩。侵入其間。門頭溝煤系。悉屬侏羅紀。齋堂煤層。綜計面積約一百餘方里。煤層與震旦紀地層之關係。因爲斑岩所掩。不能詳察。惟煤層中植物化石。大半屬於侏羅紀。香峪煤田。亦屬於侏羅紀。若周口店。王平村。楊家屯。諸地皆屬於石炭。二疊紀。二紀煤田。皆有標準化石。得以確定。然西山煤田。有石炭紀。無石炭岩也。

京西二疊紀石英砂岩

實二疊紀三疊紀時代之最顯著者。開平磁縣山東嶧縣皆相似。

京西侏羅紀植物化石

古生界地層最重要者。不徒煤量甚豐。分布廣遠。而且植物化石。亦可確定地層時代。香峪王平村所得最多。門頭溝齋堂。處處皆有。與山東濰縣坊子煤田相似。京西侏羅紀煤層上之岩石。

西山煤層之上有紫色頁岩及綠色砂岩。相間成層。厚約在二百至三百米突之間。西山一帶特別變質殊烈。故岩質堅密。自齋堂以西。至蔚縣廣靈。則岩質鬆弱。紫色者變爲紅色。則京兆與直隸天然之界也。

京西石炭紀與奧陶紀

二紀直接整疊如房山、周口店、萬佛堂、潭柘寺。其褶綫原因或以密邇火成岩耳。西山石炭層數量之比較

宛平房山間 煤層不過百米突 過京師以北愈薄。塞北幾不復覩。

直隸磁縣間 一百六十米積 最多如開平。亦不過三百六十米突。

山東博山縣山間 二百數十米突 山西系亦與山東等。

四川巫山間 石灰岩厚千數百米突。江西樂平煤系亦厚四百米突。

周口店附近煤田石

紅柱石 含煤頁岩之近花岡岩者。多受接觸影響而生紅柱石。

植物化石 羊齒類 輪木類 印木類 鱗木類 最異者爲沙穀棕葉化石。

第八篇 地勢

第三十五章 原野

京兆西北多山。京東南皆爲沖積平原。武清寶坻尤爲低地。自京南行不見一山。莽中原。以京兆爲首善。猶振衣而提其領也。永定河。北運河。每決口一次。則地面平原被水者。必加高一次。野老數十年。已見其加高之數。已逾數尺至一丈者。則每次風雨。高山深處。草本之葉。鳥獸之糞。隨飛瀑流泉而下者。必沈澱於河底。及河濱淤地。爲天然之施肥。永定流域八縣。北運流域四縣。皆在原野之中。是京兆地方。原野占大多數。因平原而爲田圃。度地居民之上腴也。

大興平原 在縣南。鳳河流域多膠泥地。孫河流域多沙地。孫河平原。南岸高亢。北岸卑濕。秋漲亦易漫溢。

宛平沙原 在縣南。沙地多。不適於農業。

良鄉平原 北部平坦。南部多沙土。幸黃沙中間有黑土。

涿縣平原 南北皆平坦膏腴地。東西兼有沙土。

通縣平原 運河箭桿河兩旁多沙土。永樂店以下有城地。惟西南粘土宜稼。

三河平原 縣南平坦。沿鮑邱河一帶多沙地。

薊縣平原 縣南有黃土地。黑土地。而黃土較優。

寶坻低原 寶坻被水患五六年。四百餘村。悉成澤國。然近城地方。仍爲高壤。東南

高亢之地。有掘井而不得泉者。

武清低原 全境無邱陵。黃花店爲粘土。性腴而乾燥。崔黃鎮梅廠黑土地。性溫

而多城。西北壤土宜農。其他沙地較爲瘠確。

安次低原 沙泥交錯。北部多沙。中部近河。南部多粘土。

永清低原 沿永定河多沙城。

固安低原 渾河清河交灌。平原中或積沙爲邱。

霸縣低原 沿清永河。及中亭河處。大膏腴。

順義平原 土質鬆。含沙性。東北鷄糞土。畧且粘性。李遂鎮鬆沙無底。河南村折灌

撞糾。旋堵旋決。竟奔入箭桿河。

第三十六章 險要

京兆之險要。在西北皆重岡疊嶺。天造地設。明初徐達築邊牆。俗謂之萬里長城。東自薊縣之馬蘭峪。欄馬牆入境。經黃崖口關。至峨嵋山。岩接密雲界。經黃門口關。牆子嶺關。小黃崖關。大黃崖關。峯臺峪。司馬臺。磚梁子關。至古北口。唐莊宗取幽州。遼太祖取山南。金滅遼。敗宋。元文宗之立屯。明諳達之犯順。皆用兵於此。又西經蠶房峪。白馬關。至大水峪。接懷柔界。經開連口。至慕田峪。接昌平界。經舊縣龍虎臺。至居庸關。南口。上關。彈琴峽。連於八達嶺。元人謂之北口。又西至岔道。接延慶州界。今爲內地。非要害也。黃崖口關。在薊北四十里。北有尋思谷。柞兒谷。俗呼萬塔黃崖山。嶺上一塔黃金色。相傳金爲之。餘塔不可悉數。元避暑故道。

牆子嶺。在密雲東七十五里。城周一里三百一十四尺。三門。明置參將提調各一人守之。有水關。東流至石匣。南入於潮河。崇禎十一年失守。總督侍郎吳阿衡死焉。蓋清兵由此入也。

惡峪。霧靈山距邊四十里。水經注孟廣礪山。其下爲廣礪水。自黑谷關入。其山高

峻。有雲霧。四時不絕。上多奇花。又名萬花臺山。松柏拱列。內地之民。多取材焉。蓋據山以守甚易。循山南守之甚難。

漢兒嶺 一作汗兒嶺。或曰北人輕視南人爲漢兒。殊不然。漢爲吾民。普通稱呼。如好漢。大漢。老漢。男子漢。若蒙古之汗。則與帝號相等。唐太宗爲天可汗。元太祖爲成吉思汗。足見塞外人依漢如天。漢人萬不可失蒙人之心也。

丫髻山 丫讀若鴉。沙嶺。磚礫子關。龍王峪。師坡峪。均爲古北口附近之要隘。與口西第一砦至第六砦。絡繹相連。

鐵門嶺 在潮河川台下。明時伐大樹倒植川中。以限戎馬。門扇不開。總督大臣。撫賞蒞焉。撫夷受賞於關下。軍士列兩山上。伐鼓吹角。以震警之。因山爲城。其銜處建空心敵臺。每一二里一墩。傳烽官過警。則舉烽爲戚繼光之遺畫。

白馬關 正關河口。通運騎極衝要。東有響水峪。但通步行。西有划車嶺。通單騎。東西石城。相距二里。山中伐石築城。極易而耐久。太平日久。邊關久無守兵。惟險隘。則因妨碍交通。次第開鑿矣。

第三十七章 風景

京兆之風景。已見諸名山大川。舊日各縣描摹八景。勉強題詠。無裨實用。風景不殊。舉目有河山之異。文人墨客所感者。或別有懷抱。至於園林點綴。則當別錄。非天然風景也。每當炎暑時。朝貴恒輕車減從。西游潭柘。歐美游歷之員。亦於此携遠鏡。眺覽風景。攝之照相器。至於巖穴之奇。每在縹幽鑿險之中。而仙人洞觀音巖之類。僧道遂神異其說。騷人或形諸歌詠。世變日亟。求泉石耽吟者。亦不易得。大有空山不見人之歎。徒見幽蘭自芳也。

潭柘寺 潭柘連擁三峯。旁有二潭。上有古柘。因名。實則以一培塿當羣峯之中心。所謂老柘。美竹。烏有矣。兩殿鵬工絕。則金元故物也。龍潭已墜爲池。

大寒嶺 即大漢嶺。高松如蓋。垂天際。石澗淙淙有聲。十五折而下。俯視千軍臺。四山空翠欲溫。板橋郵莊。多以石板覆屋。

百花山 高八千尺。所產藥物。不止百種。宛平縣知事親採標本甚多。西人亦往焉。佛崖飛瀑 距齋堂廿里。七八兩區要道。懸流五疊。爲京西第一瀑布。彷彿廬山。

白猿洞 盤山蓮花峰懸空石迤上勢最險壁鑿石坎二容足躡未及踵必布索牽

挽乃可上達刻有天門開三字徑五尺相傳昔在白猿居此今久絕豈猿進化而

爲人類歟又有桃園華嚴朝場文殊石龕石兩諸洞大抵有猿狖遺跡

盤山 魏田疇隱此舊名田盤山一名盤龍山高二千仞

十峯 註月 自來 紫蓋 雙峯 九華
礁燒 翠屏 錐峯 瀨豸 碎玉

九巖 斧鑿 中白 飛翠 龍岩 喘氣
大嶺 砂嶺 長嶺 磨兒

八嶺 歡喜 浮青 盤嶺 金雞

八峪 里塔 青嶺 白峪 松樹
破歸 田家 盧家 怪子

空同山 薊北五里爾雅北載斗極爲空桐空桐之人武明言北方相傳爲黃帝開

道之所黃帝本紀西至嶠峒或者嶠峒與空桐爲二山今山名多重載者如京兆

地有泰山同於山東鞋山同於江西也

石城山 三河縣北四十里原名鬼耳山因山巔有石城通稱今名且鄉俗諺言鬼

也石城爲古人避兵保聚之地今爲後人憑弔也

第九篇 建置

第三十八章 城垣

京兆尹治京師內城之東北隅。而守城之責。昔年在五城御史而不在順天府。今則屬警察廳管理各城門。另詳京師地理志。大興宛平二縣。并爲附郭京縣。各縣惟霸縣城相傳爲燕昭王所築。宋將楊延朗修葺以控遼。密雲新舊城。兩端相連。夾道界之。涿縣通縣。雉堞尙完。其他各縣規制稍遜。灤縣久廢。故城尙在。古北口城。石匣城沙河之翠華城。皆爲邊城之保障。至於蘆溝橋拱極城。張家灣城。皆因神京左右之要衝。保固郊圻。有深意焉。今機關礮飛艇日新。城垣幾不足恃。然稽查宵小。猶有用也。

涿縣 周九里。東北缺。西南突出。土人因名臥牛。門四。水門一。鑄鐵爲柱。以杜出入。良鄉 周六里三分。東迎曦。西寶成。南就日。北拱辰。因磁家務。漢水澗引茨尾爲濠。房山 金大定建。舊是土城。明隆慶始鑿。以石。東朝曦。南迎恩。西仰止。北拱極。通縣 周九里。門四。東通運。西朝天。南迎薰。北凝翠。新城西門曰神京左輔。三河 方四里。門四。東就日。南來薰。西瞻雲。北承恩。舊城在洵南。被水衝廢。

寶坻 城名拱都。東海濱門。觀瀾樓。西望都門拱恩樓。南廣川門。北渠陽門。皆有樓。

薊縣 周九里。北倚山。無門。東威遠。西拱極。南平津。各有樓。

香河 周八百七十六丈。東淑陽。南永明。西迎恩。北拱極。乾隆時改永明爲永清。

武清 舊城在邱家莊。因水患遷帥府鎮。即今治。北無門。建北極臺。只東西南三門。

安次 周七里。有鎮東。安西。平南。拱北。四門。改稱東昇。西爽。南明。北拱。水患屢圯。

永清 周五里。有四門。上建弩臺八座。明萬曆修護城隍。同治重修加高。徧植柳木。

固安 周五里餘。東西三百八十步。南北七百步。東寧遠。西豐樂。南迎薰。北拱極。

霸縣 周六里。城門三。東臨津。南文明。北瞻極。向無西門。避西來之水也。

平谷 永樂遷塞北營州中屯於此。置土城。東挹盤。西拱辰。南迎洵。北威遠。

順義 縱橫四里。南昂。北俯。濱河如龜背。四門。東平秩。西晴嵐。北疊翠。南迎恩。

密雲 舊城周九里。東西南三門。新城周六里餘。亦東西南三門。巍然爲京北雄鎮。

懷柔 周四里。有東南三門。西小門最小。以便汲水。名曰湧泉。康熙地震重修。

昌平 故永安城。由白浮圖城徙治。明設陵衛。有東西南三門。及南小門。

第二十九章 道路

京兆各縣多黃土。屬風成層。故紋理不完。質疏而軟。車馬所經。皆成隧道。今已建築國道。收車捐爲養路之費。東出朝陽門有博愛路。直達通縣。昔日運糧石路。今以石條分列兩旁。爲人行便道。中築馬路。便於汽車。馬車。人力車之馳驟。重載大車則限以旁道。西出阜成門有德惠路。仁慈路。貫八里莊至四平台。爲西山之麓。必改乘轎。或騎驢。以便游山。黃山有馬路。通香山。玉泉山。以與萬壽山。西直門。相聯絡。汽車如織。今延長萬壽山之路至湯山矣。二十縣通京師之國路。所以示各省之模範。當次第進行也。

御路 有清盛時。於遵化東陵。易州西陵。通京師之大道。定爲御路。甬道高於平地。廣於通衢。兩旁開有水溝。發國帑修葺。輦道所經。則以黃土布地。兩旁爲文武官員跪送。跪迎之地。清運衰。不時巡。頹廢失修。兩旁農民侵墾。久則大道無異曲徑。人民但服專制。不講公德。道路既狹。行旅之恃衆者。或踐及田禾也。

大路 各縣交通。大車來往。或數軌並馳。行旅既多。農人不能侵墾。或地方發達。小路變成大路。兩旁地主。亦無力爭執也。大車重載。最易毀路。是以馬路禁其往來。

山路 京兆西北山路崎嶇，但有馱載，無異蜀道。

宛平 門頭溝以西，乘山轎者曰扒山虎。

房山 它里以西，高線鐵路通至後山，而大山深處，惟樵夫識途。

昌平 重開四塞，大山盤紆，明陵有前御路，今蕪塞不平。

密雲 赴熱河大道，乘騾轎，不乘車，因石道不容輪輻，顛播不安。

窪路 京兆西北山水多處，乃京南平原之低處。

順義 牛欄山半壁店等路，平路無阻，但年久成深溝形，雨期便成小河。

香河 赴天津通縣寶坻古北口四路，皆多坑窪，而且狹窄，向無修治之法。

武清 楊村一帶，夏令水阻，雖鐵路亦不免恐懼。

安次 城西南渠溝，禮讓店赴直隸新城之路，地勢低窪，雨後難行。

霸縣 自宛平榆垓經安次、柳泉、牛陀、二鎮，道上的水溝，時經間阻。

軍路 庚子之役，聯軍深入，所修軍用馬路，猶有存者，如霸縣東至煎茶鋪馬路，整

飭道旁種柳成圍，爲赴天津大路，今之由坦途者，或久忘國恥也。

第四十章 橋梁

京兆地方。橋梁之最鉅者。莫若蘆溝。初造浮梁。金大定始易以石。今則另設鐵橋。其次則爲琉璃河橋。今亦通鐵路。建鐵橋。其他各鐵路所造之橋甚多。不當鐵路者。仍爲要道。各縣城之城門。昔年在弔橋。今已多易爲石橋。各橋之大者。多有碑記。若馬駒橋。且有乾隆御製碑。其他當御路之中。近發帑造橋。由工部查驗。是以大道上各石橋。或比各省整齊。至於民間財力棉薄者。或建木橋。或建浮橋。不當大道者。或不免以車爲渡。夏令水漲。欲濟無舟。至於河道改流。有古時大橋。廢而無用。久而無考者。亦錄其要焉。

大通橋

京師東便門外。跨通惠河。亦名大通。因以名橋。

草橋

京師右安門外。衆水所歸。距豐台十里。

五空橋

跨涼水河上。神虎橋。有石虎四。萬曆時一虎夜逸。遂名三虎橋。

十里舖橋

乾嘉時孫嘉淦督建。在固安縣南。

南源橋

永清城南。明弘治中建。久圯。

飛虹橋

漢武帝元狩二年建。劉琨嘗飲於此。東安舊志。未能實指其地。

百家灣橋 安瀾橋 雙惠橋 青龍橋 在香港縣跨窩頭河上。

永通橋 通縣城西八里俗呼八里莊橋南董橋在通縣東關外俗呼哈叭橋。

白河浮橋 通縣城北有船九橋夫二十二。

馬駒橋 一名弘仁橋乾隆重修爲孔七濬河八千餘丈設九牖墾稻田數千頃。

善人橋 張家灣城南明萬曆間張易所修。

錯橋 三河縣東五里跨七渡河。

洵河石橋 三河城南百步長三十步明張明張銳兄弟造之。

桐林橋 武清東北十五里一名扶頭橋水北爲扶橋邨水南爲桐林邨。

梅廠橋 武清梅廠鎮自治有法橋梁修繕最鞏固。

古北口石橋 正當關道白河澗石橋跨黑龍潭水上。

東大橋 懷柔東北凡二十孔跨白河。

永濟橋 涿縣北巨工乾隆時因河流北徙改修涵洞十八長一百丈有奇。

通濟橋 霸縣魚廠村人雍正時疊木乾隆初購石成之。

第四十一章 園亭

京兆各縣有公園者。自通縣灤河公園爲始。就東路同知署。湯知事建禮堂。容八百人。常有名人講演。昔遠人建避暑殿於密雲西南十五里之黍谷山。規模早備。幾經國變。片瓦無存。雖懷柔僻縣。山水殊勝。板橋東南。一望諸煙。邨火。仿佛江鄉。范陽之陂。在涿縣。引水灌田。觀張桓侯洗馬處。令人憑弔英雄。涿縣樓桑村北三里。有酈亭。爲酈道元故居。水經注巨馬水又東。酈亭溝注之。所謂先賢鄉也。今游於涿者。考先賢鄉。酈亭。不可得而見焉。游民重英。雄不重先。賢中國是以治日。常少。亂日。常多也。

靜宜園 宛平城西三十里。西山蒼蒼。上干雲霄。中有道場曰香山。亦名小清涼。有乳峯石。噓雲霧。類匡廬香鑪峰。故名。

清漪園 今名頤和園。在萬壽山下。原名金山。亦呼爲甕山。昔帝京景物。略所謂七赤墳而無草木者。經光緒季年。海軍經費之修繕。遂爲郊坰第一名園。富麗冠於亞洲。

靜明園 玉泉山爲金章宗避暑故址。有二石洞。一在山西南。其深莫測。一在山之

之陽。石刻玉泉。有退谷中藏退翁亭於烟霞窟。

看花臺 金章宗建。在玉泉山。隆教寺西。長嶺之半。又有望湖亭。俯瞰西湖。明如半

月。飛泉亭在五華山西北。有泉自山半湧出。南流丈許而伏。蓋玉泉上源。

雀臺 固安西南十八里。爲李牧將臺。

督亢亭 固安西南。及涿縣界。雍正二年。御史顧如華。試行井田處。

雁月樓 永清縣信安鎮。昔在文丞相館。詞曰。南來無數雁。和明月。宿蘆花。

柳林行宮 通縣南。漵縣西。元人游畋地。建行宮。今廢。附近有棗林莊。

呼鷹臺 亦名晾鷹臺。高數丈。周一頃。元時游獵多駐此。在通縣南。

慕容將臺 通縣入京道上。

桑園 寶坻褚家莊。在縣西十五里。明知縣張元桐。剏之。唐鍊重築垣墻。植桑課蠶。

樓雲嘯臺 金章宗建。在昌平西廿五里。高二丈。北有石梯可上。石釜石牀。今亡。

李陵臺 在昌平境。有孤竹故城。臺下有溫泉。

初月亭 密雲聖水頭村。聖水泉上。明戚繼光建。亦名友月亭。

第四十二章 古蹟

京兆古蹟。可激發燕人之志氣者。如樂毅傳。齊器設於寧臺。大呂設於元英。故鼎反於磨室。今寧臺及元英宮。磨室宮故址。在宛平北。辛安。已上村。永定河東。欲報國恥者。毋忘可也。武清縣西南。有戰國時燕人所築長城。延袤數百里。惟青蛇村西南。小留痕跡。餘皆荒廢無考。寶坻東南十里。有秦城。始皇并燕時。築城置戍。唐太宗征高麗。亦嘗駐蹕。惟有蔓草荒煙。令後人惆悵。舜流共工於幽州。在今密雲北之安樂莊。故老口碑。或足以補經注史傳之闕。漁陽在密雲南。北平在薊縣東。轉失考而就湮滅焉。是可慨已。

漢征北小城。後漢公孫瓚築。晉征北將軍治。此劉琨投四礮屯。此在大興境。今埋隋臨朔宮。煬帝至涿郡臨朔宮。一統志在大興界。

玉河廢縣。五代劉仁恭置。遼因之。在宛平西四十里。今名古城村。或以爲廣平縣隆鄉廢縣。宛平西南二十五里。三岔口東北。俗名籠火城。

廣陽故城。良鄉縣東北八里。漢縣。後漢爲侯邑。耿弇追賊於小廣陽。卽此。

臨鄉故縣。固安縣南五十里。趙孝成王以臨樂與燕。卽此。

方城故縣 固安縣西南十五里。今名方城村。漢廢縣。魏侯國。隋移固安治。此

陽鄉故城 卽長鄉故城。在固安縣北。永定河南岸。後魏曰箕鄉。

信安故城 水清霸縣分轄。唐之淤口關。宋之破虜軍。金之信安縣。鎮安府。

常道鄉城 安次縣西北四十里。舊州鎮。黃帝時安墟卽此。東南灰城。卽石梁城。

狼城 安次南四十里。宋信安軍狼城寨。有裏外二城。今爲裏安瀾城。外安瀾城。

安次舊縣 在今安次縣西北。光武初。追破尤來大槍諸賊於安次。卽此。

路縣故城 通縣東八里。後漢郡國志作潞。漢光武遣吳漢耿弇破銅馬於潞東。

安樂故城 亦順義境內。後漢吳漢拜安樂令。俗傳爲宋邵康節故里。時地已入遼。

臨渠故城 石趙所置。唐薊州有臨渠府。府兵所居。

雍奴故城 東漢縣。光武封寇恂爲侯邑。舊城在今邱家莊。距城八里。

燕平故城 五代唐同光二年改稱。今昌平縣謂之舊縣邨。在縣西八里。

犀奚故縣 密雲東北。漢縣。曾爲密雲郡治。漢志本作廐奚。白槽故城近此。

萬年故城 東魏天平中置。隋廢入昌平。

第九篇 氣候

筆四十三章 風向

京兆氣候爲大陸性。土脈皆含沙性。微風颺之即起。且沙土易散日熱。北方山脈。無大森林。蒙古朔漠之冷空氣。易於吹入。故北風極寒。距海雖近。而海風不能調劑者。因東南之海風。爲遼東山東之間山脈所阻。不易吹入。故寒暑燥濕。多半劇烈。順義懷柔間。北面倚山。望之時。有雲氣往來。居民審知南風起時。往往塵沙蔽天。夏秋之交。每遇西風或西北風。常致陰雨。此殆山氣所醞釀。然與風雨之定。則不合。當爲地文學專門。家增一研究之材料也。

京兆風向之關係

風塵 京兆道路。大風揚塵。撲人眉宇。往往雜以騾馬糞屑。國道汽車。颺塵亦高。
風濤 運河清河。通舟之處。皆視風之順逆爲遲速。永定秋汎。風濤聲尤爲壯激。
風煙 居工廠旁者。在鐵車旁火車之下風者。煙熏口鼻。始知歐美炭氣碍衛生。
風氣 藤陰下。葡萄架下。古樹下。雖農夫力作而後。清風徐來。如天上神仙。

京兆每月之風向

- 一月 正北 昔年臘月北赴京者恒以頂風爲苦。車馬亦緩行。
- 二月 東北 風力微。
- 三月 東北 兒童利用以放風箏。
- 四月 正東 來自海上。含水蒸氣。或與雨俱。
- 五月 東南 方向或不定。即變爲颶風。
- 六月 東南 烈風期內。恒有拔木毀傷棚架者。
- 七月 正南 南風自熱帶。經中原而熱漸減。故可以解愠。
- 八月 西南 天末涼風。入夜輒至。
- 九月 正西 太行阻遏。西山疊嶂爲蔽。金風不厲。
- 十月 西北 木葉漸脫。
- 十一月 西北 風力漸勁。
- 十二月 正北 八達居庸。重關爲几。山阿氣暖。不及塞外朔風之嚴肅。

第四十四章 雨雪量

京兆鄉民俗謂淫雨爲酒色天。蓋西北童山缺乏森林。每屆夏雨時行。則溝澮皆盈。滔滔並下。溢於平地。環京師一帶。元郭守敬所測溝渠。多已填平。雨大雪融。皆無所容。近年京東通縣西集鎮迤北。譚台村八百村一帶。大雨雹。鉅如碗。不但青苗被傷。即房屋人畜亦受損害。且每年夏日多隔轍雨。忽有孤雲遠來。附近數村農田。霑足十里以下。不見片雲者。小民亦怨咨天道不公也。各縣公署。凡得雨得雪。必報重農之政也。惜測雨量之器。及一切測候之器。多未備也。

京兆各地雨雪關係

陰雨 春陰在春暖之後。復寒。雨再至。

暴雨 夏日極多。不終朝而晴霽。山水漲溝渠。城市溝澮皆盈。可灌入院宇。

久雨 夏秋久雨。每致河決。河工人員分段防護。農家土壩尤易傾圮。

寒雨 秋深乍寒。或有碍於農人之收穫。

霜雪 霜遲則歲豐。暖期長也。雪大則歲豐。儲深山之水源也。

京兆各月之雨雪量。

- 一月 雪量漸稀。比全年約百分之二。
- 二月 雨水時。往往仍見飛雪。比全年約百分之一而強。晴日最多。
- 三月 春雨漸多。比全年約二十五分之一。
- 四月 穀雨時多雨。則穀苗勃發。比全年約三十分之一。
- 五月 夏雨初期。比全年約二十分之一。
- 六月 雨澤漸多。一月所得之雨。足抵全年十分之一。恒倍於上月。
- 七月 大雨時行。一月所得之雨。足抵全年三分之一。為最多數。
- 八月 大雨漸少。一月所得之雨。足抵全年六分之一。為次多數。
- 九月 白露重時。濛濛如細雨。比全年不及十分之一。
- 十月 寒露霜降。應候而至。晴日頗多。雨量占全年二十四分之一。
- 十一月 小雪以前。先有小雪。一月雪量。足抵全年二十分之一。
- 十二月 大雪時恒有大雪。一月雪量之水。足抵全年六分之一。

第四十五章 溫度

京兆地方。通用測溫度之器。惟華民穉氏寒暑表。凡西北山高之處。溫度恒比平原爲低。現在各山高度及溫度之差。尙未密測。惟光緒二十六年四月。妙高峰大雪凍斃朝山者數十人。一時迷信之風稍減。京北順義等縣。地勢高寒。冬日必燠炕以取煖。自懷柔以北。密雲之東北。昌平之西北。大抵緯度在京北。所差尙微。而地面拔出海面之高。度有三千尺以上者。古人黍谷回溫。視種黍已不易。然京北之寒。尙減於塞北。京南之熱。亦遠不及江南嶺南。天爲之也。京東和暖。居民多。京西高寒。居民少。地爲之也。

京兆四時之氣候變遷

春暖 運河解凍。多在春分前後。農圃及時力作。一年之計在此。

夏熱 熱度不高。舊日家塾。皆無暑假。今大學專門生。不上課堂。游蕩戲園。可歎。

秋涼 正好讀書。秋季始業。學童負帙入學。大學專門員生。遲一兩月不到。可痛。

冬寒 冰窖藏冰。亦城市居民之利。冬日可愛。志士惜日短。

晝夜 溫度之差。有差之二十度者。日中正午。飲冰揮扇。夜間或用棉被。

京兆各月之平均溫度

- 一月 71 小寒大寒時節。京兆鄉民仍視爲殘冬。紳富著大毛狐裘。
- 二月 67 平民多著不挂面老羊皮袍。立春後猶有著者。
- 三月 64 城市紳富猶著灰鼠裘。
- 四月 65 清明氣候最宜於人郊游者衆。京北桃花谷亦灼爛如錦。
- 五月 71 密雲黍谷。今名荆梨莊。有鄒衍廟。相傳吹律以溫地氣。立夏後始種黍。
- 六月 76 人民造醬趁入霉之氣候。發生有益之菌類。晷刻最長。
- 七月 52 人民多用竹牀露宿。
- 八月 75 早晚必著單衣。
- 九月 71 中年以上多著夾衣。
- 十月 71 早晚或加薄綿衣。百果皆成。以賀國慶。
- 十一月 69 初冬乍寒。或不久而復暖。是以謂之小陽。
- 十二月 72 蒔花蔬菜多用溫室。溫牀培護。室內或設煤爐。獵者入山捕雉兔。

第十篇 物產

第四十六章 鑛物

京兆地方鑛產。惟宛平房山二縣。均設鑛稅分局。均以煤鑛收入爲大宗。而石灰鑛次之。皆鑛物之最粗重者。出自京西。若貴重之金類。京北密雲。昌平。所在多有。或昔人開采。早已枯竭。今昌平以北。片麻岩及變質水成岩之上。亦產金砂。然工作勞。而所獲甚微。是以資本家不敢試辦。勞動者亦因利微不顧。不能如煤鑛出產。車載斗量。俯拾即是也。國人習鍊鑛者少。銀鑛鐵冶。下逮提煉熬硝。多泥守舊法。而不求進步。豈獨京兆鑛業之不振。亦全國學者不求實之罪也。

金 密雲城東北八里冶山。上有塔。有石洞深邃。水四時不竭。東有草洞。昔人淘金

址尚存。見昌平山水記。又有金洞。金溝水。金溝淀。今所采者昌平爲分水嶺。

銀 密雲城南十五里。有銀冶山。舊出銀鑛。至元十一年。王庭璧於奉先洞採之。又

薊縣豐山銀鑛。昔經關世顯開採。

銅 密雲城東五十里。有青銅山。昌平志有自然銅。見藥屬。或謂琉璃河附近有銅

鑛。

鐵 密雲鐵礦山一名錐山。元至正十三年立四冶。後漢書漁陽泉州有鐵。設有鐵官。其來古矣。

煤 宛平煤盤。在石灰石炭狀泥頁岩之下。厚三十五尺。海拔自二千尺至四千尺。房山之琉璃煤層。實一脈相連。

硝 湯山細民。刮土煎煉而成。能消化諸物。地硝可代礬。又有鹽硝朴硝。

石灰 昌平房山皆產之。房山運道尤便。

城 附郭積潦淤地。多舍城性。浮地面如白沙。密雲南苑等處。居民設鍋製城者多。

石墨 宛平齋堂產。一名黛石。金時宮人用以畫眉。其石燒鍋鏃盤。百年不壞。

石綿 昌平第八區禾子澗。性極瑩潔。可用手撚之成線。一名不灰木。可造火浣布。

輪船火車氣筒用之。以隔火氣。用爲燈罩。光倍於電。

燕石 盤山白石似玉。盧家峪一帶多有。昌平諸陵石。取之順義者號漢白玉。

五色土 甘子土出房山。紅土出宛平。白土 包金土出昌平。紫石出房山。

第四十七章 植物

京兆地方之植物。天然種類最蕃者。當在西山盤山之深處。樵夫能入山采藥。捆載於藥材行。而分散於各藥肆。切之剝之。摘之炙之。已非原狀。文人看醫書用古方者。試取山中野生藥物。根莖葉俱全者。或不辨其名焉。此中國舊學之衰也。文人博洽。姑不足言。若博物專科畢業生。對於野生植物。亦往往不知其名及其用。此中國新學之陋也。京兆荒萊久闕。猶有榛蕪。蔽芾甘棠。仍留嘉果。都人評花品菊。譜錄頗詳。長安數米。於穀類之比較。殆有衣紈綺而不辨菽麥者。菽類麥類多種。惟老農知之。

京兆植物之特產

榛 昌平北平黃花鎮諸處最良。詩言山有榛。東三省未開荒處多有。南方極少。

甘棠 南方曰棠梨。固安曰杜梨。懷柔曰倒挂果。通稱沙果。

烟纍 昌平山葡萄。詩言六月食菓。即此。粒小味酸。可作酒。

懸題草 即莎草。可爲簦。其根即香附。房山白帶山最盛。宛平安次亦有之。

長絨花 平谷棉絨特長。今與美棉比較。而美棉又長五倍。宜改良也。

唐棣 薊縣產之名曰郁李詩六月食鬱即此。

羌桃 出昌平。自塞外移植故曰胡桃俗稱核桃。

棗 大興縣屬郎家園最著。柿 產密雲懷柔。澀者可製柿餅。

京兆植物之品題 有古人名種傳於今者亦有塞外海外傳於中國者。

牡丹之名種

魏紫 十樣錦 黃金臺 墨繡毬 萼綠華綠色

姚黃 一品紅 白玉毬 粉八仙 醉楊妃 粉紅色

葡萄之名種

黃金鈴 百顆珠 哈密紅 上谷香 青龍眼

紫玉毬沙 最善長生棗 大連珠 醜醜白 小菩提

米之名種

勝芳 仰光 江南早 上海白 巢湖糙

香稻 西貢 洞庭秋 老倉紅 東洋糲

第四十八章 動物

京兆地方。民居稠密。家畜日蕃。野物日滅。民家藉雞鳴貓眼以定時。役牛馬驢騾以資其力。屠猪羊而以為嘉饌。網魚鼈而以為珍味。雖虎豹之猛。或獵之而寢其皮。人民膏持鳥籠。白翎畫眉。皆為玩物。山居者時有烏鸞松雞往來。水居者時鸕鶿鷓鴣為侶。市居亦有鴉鵲燕雀相依。不害人之動物。人亦耦俱無猜。為萬物之主宰。蛟水龍挂。或見諸舊志。大抵蛇類。漸易之大者。龍種久滅。龍旗亦斂。論動物當舉其實用。養蠶養蜂。并可獲利。南苑四不像牛頭驢蹄鹿身羊尾。開荒後與黃羊並絕。進化與滅種。殆一事也。

京兆之蟲類

蠶 宛平安次昌平。有大小白鳥斑各種。唐范陽貢綾錦。宋幽州產絹。其來久矣。

蜂 香河。薊縣。皆有家畜釀蜜者。又有土產馬蜂二種。或以色別。為黃黑二種。

百蛉 鄙人相呼無定名。細小而色白。飛無聲。昏夜潛咬人。不易覺。惡之甚於蚊。

京兆之魚類

柳葉魚 玉泉附近。長二三寸。通身潔白。自外可見其臟腑。

鯉 昌平鞏華金鱗最美。順義順鯉。通縣潞鯉。固安渾河鯉並佳。

鱻 今俗通作鯽。古之鮒也。

京兆之鳥類

填鴨 都人取鴨之毛羽初成者。用麥麩和以硫黃拌之。填滿其嗉。肥大重於鷄。

沙雞 盤山春初最多。爾雅之鷓鴣。

鶻鴒 昌平房山所產極多。鳴則天將大雪。

鶻鶻 昌平產。似黃雀有斑。薊縣作桃雀。

京兆之獸類

豬 昌平有豪豬。房山有野豬。平原各縣所畜。婁豬。短頸無柔毛。宜子。

羊 房山多羊。棉羊可剪毛。山羊宜作裘。黃羊。昔南苑多有。開墾後絕跡。

鹿 盤山尚有野生者。房山有麋。昌平有麝及麂。四不像。亦鹿類。昔產南苑。

熊羆 房山昌平薊縣皆有之。獾 沿河堤有之。其穴可以潰隄。

獺 薊縣有之。可水居。捕魚為食。

第十一篇 政治

第四十九章 公署

京兆尹公署。因明清兩代順天府尹舊署。實元之大都路總管府舊署也。元碑尙存。碑陰有趙孟頫書。在元之盛時。居京師之中。明以後南城日拓。北城已縮。遂覺公署在京師之東北。前衛後署。規制秩然。南臨大街。東望東直門。西望鼓樓。巍然左右拱。今於署門之左。設京兆農工商品陳列所。署門之右。設京兆教育品陳列所。以昭示人民。署內椽屬。分總務、內務、教育、實業四科。並設司法、自治、河工各課。其他選舉事務所及賑捐之類。或臨時設立。或各科兼辦。最後爲京兆尹內宅。公餘退息之地焉。

公署薦任職

總務科科长

內務科科长

教育科科长

實業科科长

總務科四課

機要 會計 庶務 典守

內務科五課

民政 司法 河工 自治 旗務

教育科三課

普通 專門 社會

實業科二課

農林 工商

職員

秘書 無定員

科長 每科一員

主任 每課一員 內務科有繪圖員 教育科有視學

辦事員 每課無定員

第五十章 各署

京兆尹所屬各官署。在京師者。則有京兆財政廳。民國初稱財政分廳。實無所分。乃正名曰財政廳。在京兆尹公署內東側。至於清理官產處。印花處。分處。菸酒公賣局。亦財部設置。視京兆與各省無異。財政部設立四大機關。以徵民財。而各省無不成立。京兆雖二十縣之地。亦無不成立。獨教育部之教育廳。農商部之實業廳。則知有各省。而不知首立京兆。模範焉。自治籌辦會設所長。教育實業。咸有待於自治。歟。永定河務局。北運河局。分設局長。各專責成。督辦河工之名流。全省水利之偉畫。何以未聞建設乎。

京兆財政廳

廳長 一人。管理京兆財政。監督所屬人員。暨兼管徵收各縣知事。

分科 內設總務徵權制用三科。

京兆清理官產處

廳長 以京兆尹公署實業科科長兼任。即設於實業科。

主任 各縣之主任。佐助縣知事。亦仿本處兼辦者多。

京兆印花稅分處

處長 一人。又坐辦一人。均由財政部請派。足見印花發達。亦附設於公署。

京兆印花稅。在民國五年。已收入十四萬四千元。今則日漸推廣。倍於昔時。凡公所機關。均有代售所。爲中央直接收入新稅一大宗。

京兆菸酒公賣局 京師東茶食胡同

局長 一人

會辦 一人

京兆菸酒公賣。在民國五年。已逾三十萬元。牌照稅五萬八千元。爲中央直接收入新稅一大宗。抑奢侈稅。則多取之。而不爲虐也。

永定河務局 在固安城南

局長 一人 分局長四人 南岸北岸上下游各一人。

北運河務局 在通縣西大街。

局長 一人 分局長二人 東岸西岸各一人。

第五十一章 縣署

京兆舊有諺曰。通三武寶。薊香寧。霸保安。固永東。大宛涿良房。昌順密懷平。蓋順天府四路二十四縣之歌訣也。今將寧河保定大城文安四縣劃入直隸。僅存二十縣。兒童歌之曰。大宛。涿良房。通三寶。薊香武安永固。霸平順密懷昌。以記二十縣之名耳。民國之制。於通薊涿霸昌平各州均改稱縣。各設縣知事。皆因仍前代之州縣舊署。爲全縣行政長官。除大宛兩縣不兼京師司法外。其他郊坰以外。司法案件。仍由縣署兼理。今京兆二十縣分圖。亦略以兒童之歌爲次。

縣署行政之分科

總務科 他科不屬之事。收發、監印、統計。

民政科 內務教育實業皆屬之。

會計科 國家地方財政及署中庶務。

每科設科長一人。科員數人。或分數股。雇用書記不分科。縣署之簡者。或分兩科併會計於總務云。

縣知事兼司法

承審處 承審官

監獄 管獄員

以下所雇傭者則法警書記看守檢驗吏等項

縣署之保安隊

隊長 由縣署委任

隊兵 多者三十人少則十餘人

各縣之警佐

警佐 大縣一人小縣二人

縣署臨時設立機關

選舉事務所 辦理國會有議會議員之初選事竣即撤

清理官產處 知事監督另設主任

印花稅發行所考成甚嚴提成亦不無小補

第十二篇 軍事

第五十二章 警備

京兆警備隊總司令。管理四路警備隊。其區域微異於四路同知總司令。即以京兆尹兼任之。四路司令駐劄處。則爲四路同知舊治。每路平均分管五縣。各馬步分駐各縣城鎮村。地點亦時有改易。每路設正副隊長。率隊兵專任緝捕。蓋自清末失敗。但知練兵。而招募毫無規則。統馭毫無紀律。合則爲兵。散則爲匪。京兆各鄉。所有搶案。大抵遣散之軍隊。無以謀生者。流爲盜賊。警備兵力有限。並賴各縣警察及鄉團協助。庶游匪不敢侵犯。土匪亦不致嘯集也。

京兆四路警備隊駐劄地方

東路警備隊 通縣 管通三寶薊香五縣。

馬隊 在北塢村、馬伸橋、于家務、等處。

步隊 在新集鎮、大廠、西集、土倉、水城堡、甘露寺。

西路警備隊 蘆溝橋 管宛房良涿固五縣。

馬隊 在龐各莊、長溝、榆堡、馬莊鎮。

步隊 在灣裏村、義和莊、官村、大灰廠、小屯村、長溝鎮。

南路警備隊 黃村 管大安、永武、霸五縣。

馬隊 在陳厨營、河西務、桐柏、采育、楊村、北辛屯。

步隊 在禮賢、萬莊、別古莊、安定、高店、蔡村。

北路警備隊 沙河鎮 管平順、密懷、昌五縣。

馬隊 在高麗營、牛欄山、羊坊、順義、南關。

步隊 在楊各莊、李遂鎮、馬家營、孫河鎮。

青紗障 京兆平原。偶有土匪嘯集。易於追捕。夏日高粱徧野。土匪謂之青紗障。匪踪易匿。警備最難。青黃不接。糧價正昂。貧民壯者。遂流爲匪。秋成告豐。萑苻歛跡。冬防 京兆郊外搶案。冬令比平日尤多。因夏令但迫於飢。冬令更迫於寒。年根近逼。借貸無門。或私債山積。力不能償。在鄉不能安居。遂流爲盜賊。殺人越貨。苟多立工廠。使壯者自食其力。各務正業。可弭盜於無形也。

第五十三章 營汎

京兆地方。近接京營各汎。步軍統領衙門。設步軍統領及左翼右翼總兵。衙門內之組織。有參議廳之左右參議。總務廳分機要、政務、統計、庶務各股。及副官處。軍事科分徵調、訓練、考功、各股。執法科分軍法、刑事、民事各股。軍需科分預算、收支、官產各股。別有稽查處。總軍械庫。及將校研究所。步軍左右翼。分設兩署。各有翼尉。副翼尉。委翼尉。爲之領袖而分設五營。在京師者。對於警察廳。似有駢拇枝指之嫌。四郊爲其專責。又與大興宛平。犬牙相錯。其官爲綠營舊名。而實兼行政司法。京兆地方。又一特別區也。

中營 副將參將游擊各一。

圓明圓汎都司

靜宜園汎守備

暢春園汎守備

靜明園汎守備

樂善園汎守備

樹村汛守備

南營 參將游擊各一。

西珠市口汛都司 東河沿汛守備 花兒市汛守備

東珠市口汛守備 西河沿汛守備 菜市口汛守備

北營 參將游擊各一。

德勝汛都司 東直汛守備

安定汛守備 朝陽汛守備

左營 參將游擊各一。

左安汛都司 東便汛守備

河陽汛守備 西便汛守備

右營 參將游擊各一。

永定汛都司 西便汛守備

阜成汛守備 廣安汛守備

第五十四章 駐軍

京兆駐軍無定。京師而外。四郊則南苑北苑西苑。沿途鐵路則有廊坊。沿運河則有河務。有中央近畿各師旅。亦有各省徵調之軍。最要大縣如通縣城內東關亦設軍械局。京師憲兵第六連亦分駐於此。大抵京畿附近駐紮軍隊。比各省爲多。若夫仿行徵兵之制。則有京兆徵募局。在金魚胡同校尉營。然募兵恒多。而徵兵恒少。一則因國民教育本未普及。不能實行徵兵。一則因各省軍人驕橫。則中央亦不能不招重兵。以謀堵內。兵費不支。南北一致。民盡厭兵。庶有和平統一之望乎。

西苑

陸軍第十三師總司令部軍需處。

陸軍步兵第五十二團第三營。

陸軍第十三師騎兵第十三團。

憲兵營。

禁衛軍機關槍四連。

南苑

陸軍第九師司令部。

有機關槍營及輜重營。

陸軍第十五師司令部。

有工兵營

軍醫院

馬醫院

北苑

近畿陸軍第二旅司令部。

邊防軍軍士教導團。

步騎礮工輜各營組織完備。

通縣

陸軍第二十師騎兵第二十團第一營。

第五十五章 旗營

京兆各旗營。當康雍之盛。名將勁旅。勛業燦然。遠征邊庭。藩屬號曰天兵。各省日解銀。輸入都。謂之京餉。東南轉漕。致之新舊太倉。謂之天庾。八旗計口授食。自稱鐵桿糧食。官階易轉。俸銀優裕。家給人足。以長子孫。乾嘉以後。漸有八旗生計之慮。咸同用兵。京旗立功者少。外重內輕。旗族子弟。猶事酣嬉。貴胄驕奢。甲兵游惰。旗營遂有名而無實。今者有智識者。改習農商。有經驗者。投充軍警。究不如移於吉黑沿邊。墾荒開礦。俾爲大中華之國防國本。兩有裨益也。

西郊旗營

圓明園護軍營。護衛圓明園行宮。自咸豐以後。一片瓦礫。無所護衛。仍坐耗口糧。有槍甲礮甲護軍各目。

健銳營前鋒營。護衛香山園囿。現已由農事試驗場。改爲附屬果樹試驗場。由農商部管理。

外火器營爲鳥槍護軍。製造槍礮火器。有製造廠如左。

造礮造槍 在南門外立馬關帝廟後身。

造火箭 在西門外教軍廠。

造火藥 在三家店。距藍靛廠正西三十五里。有火藥局。今歸陸軍部轄。存儲

槍械子彈之用。

教場 今改爲第四棉業試驗場。由農商部管理。

各縣旗營

順義 皇莊即內務府旗莊。及渣伏章京。布禮章京。長春章京。白凌章京各莊。

密雲 副都統所在旗城。與漢城各別。滿清盛時。屢誠滿人。毋染漢人惡習。

固安 拱衛京師之正南。在南門內。

良鄉 拱衛京師之西南。

安次 拱衛京師之東南。城東北隅。聚居已久。

雍正年霸州、固安、永清、新城、四州縣。有入官旗地。由八旗派出旗人百戶。每戶

給一百二十五畝。試辦井田。乾隆間因辦理無成效。改州縣征租。名曰屯莊。

第十三篇 經濟

第五十六章 國稅

京兆尹公署設有京兆財政廳。以總持京兆全區之財政。並可直達財政部。然中央財政直接收入。不但崇文門稅關。左右翼稅務監督。直隸中央。其以京兆區域爲各省模範者。如京兆印花稅務處。爲國家施行新稅第一事。又有中央直接辦理京兆煙酒專賣局。及煙酒牌照稅。均有增收。民國成立後。驗契已成大宗。近年京兆清理官產處。亦爲中央專款。若京兆經界行分各局。則因濫易揭竿而止。吾國素以薄歛爲仁政。今新政之實利未見。而新稅之負擔日重焉。宜乎小民致怨於當國者也。

田賦

地丁 新升科糧。八頃旗租。及串票費。在二十萬以上。

雜賦 各項雜賦。不過二千有餘。

租課 各項雜租亦在二十萬以上。

正雜各稅

契稅 買契正稅。加稅。典推契正。加稅。學費。查驗註冊費。契紙價中證費。

礦稅 宛平房山二縣各設分局。

牙稅 常年牙稅登錄稅罰金。大宛稽查牙稅局。在崇文上頭條。各縣亦有之。

當稅 常年稅。登錄稅。

木稅 密雲薊縣木稅盈餘。前清從未報解。今訂簡單徵解。

雞稅 牲畜稅 又屠宰稅 正稅罰款

正雜各捐

貨捐 京直貨捐。有西便門。長辛店。保定等局。

官股收入

官股利益 歲不過四百元。

雜收入

各項規費 各項折徵。各項差徭。各項雜費。

官款生息 歲不過二千四百二十元。

第五十七章 地方稅

京兆地方所有地方稅。用之於地方者。以學校警察費用爲大宗。京兆公立中學。四橫經費。均爲房契稅加捐項下撥給。寶薊兩縣公立一校。係兩縣就地自籌。昔鄉區小學經費。由各村青苗會分攤。自收自用。縣署無案可稽。易滋流弊。京兆尹公署。通飭照額。縣按畝帶征學款。並將舊日攤捐取銷。交地方會計經理處經管。由勸學所支配。蓋各縣地畝十分之七。皆前清王公世爵所有。欲實行附加稅至難。至於各鄉警察分駐所。派出所。及保安警察。各區董公費。自治費。車捐局經費。調查費。均就地方自籌之費也。

地方補助費

補助講演費 區董薪公

地方附加

屠宰 牙行 稅契 狀紙提成。

地方雜項稅捐。

斗捐 木市捐 屠戶捐 鋪捐 牙捐 秤捐 牛捐 鹽捐 花生捐

花果捐 牲畜捐 戲捐 妓捐 廟口駝捐 火車捐 廁所捐 煤捐

地方公產公款

地租 公款生息 學田租 宛平房租 公坑 陳租 漁利 抽糧地 官當

地方公益會費

青苗會費 學費 商捐 慈善會款

以上地方稅收入之名目。以下爲用途。

地方教育經費

勸學所 通俗講演會 通俗圖書館 注音學母 師範講習所 閱報室

高等小學校 女子高等小學校 乙種實業學校 國民學校 學校造林

地方警察經費

縣署保安隊 各區警察分所 公園 修路 粥廠 教養局

地方自治各經費

區董公費 地方會計經理處公費 農務分會 模範農作場 保衛團

第五十八章 財政

京兆財政廳研究關於財政現行法令。徵求會計人才。設會計研究所。研究各項賦稅。現行條例及京兆單行法令。會計法規。公債、銀行、貨幣、統計。以冀增加收入。印花稅分處。修正攷核各縣知事。分銷印花稅規則。懲罰尤嚴。然京兆乃貧瘠之區。既無省垣。又無通商大埠。京師內外。且不在管轄。所恃者僅田賦契稅兩項。京師漢契。自五年度經財政部劃歸左右翼。雖新闢各稅。比京直分治之初。約增一倍有餘。而歲出由八十三萬餘元。增至百二十萬元。仍難相抵。民國五年豫算。爲財政史適中之數。列如左。

民國五年度歲入門

田賦	四、三、四〇三、二
各稅	一、三、八九五、三
各捐	三、〇〇〇、〇
官業	四〇〇、〇
雜收	一、五、四九二、八

民國五年度歲出門

內務部所管 八三、二九九九、 又臨時 一二〇〇 公署警備河防等

財政部所管 三五九一六、 廳署捐稅各局

陸軍部所管 四、二六三四、 駐防旗俸甲餉

司法部所管 三九〇二八、 二四〇〇 監獄待質遞解等

教育部所管 三九〇三〇、 補助學校

農商部所管 七〇八〇、 礦務

共計 九九六六六八 三六〇〇

此時經臨合計已逾百萬又二百八十七元。

行政經費之最重者。

京兆尹公署 六、〇〇〇〇、 財政廳 二、〇〇〇〇、

各縣公署 二九、四九一二、 北運河 六、四三一六、

警備隊 二〇、〇〇〇〇、 永定河 一九、九七七、

第五十九章 縣款

京兆各縣地方歲入歲出總豫算說明書。由地方官按年具報財政廳查核。未有縣議會。不由地方議會通過。七年度歲入歲出各表。已於京兆公報。陸續公布。各縣田賦之畝數不同。則附加之數各異。雜項稅捐各徵土物。又各不同。至於歲出則教育事項。警察事項。以地方之力。或不能悉按定章辦理。惟擇尤舉辦而已。稽二十縣出入之多寡。地方之豐嗇。可以見矣。

大興	入 三三〇八一、	出 三四三九五、
宛平	三〇二二五、	三〇四六四、
涿	三五九〇八、	三四七八八、
良鄉	二二一七二、	二〇九五九、
房山	二二七三二、	二六一九八、
通縣	七四五四八、	七一八九〇、
三河	三五〇二八、	三五〇二八、

爲各縣之冠。臨時出入在外。
收支相合、

寶坻 二四二九一、 二三四六七、

薊 五〇二二一、 五〇一六七、

香河 一五三三六、 一三七〇五、

武清 六〇六八三、 五八五八四、

安次 四一六九、 四一一六九、

永清 三九五二四、 三八〇三二、

固安 二七六四九、 三七二〇〇、

霸 五四〇八四、 五四七〇八、

平谷 八六一一、 八六一一、
最爲少數

順義 三六三一九、 三五七九三、

密雲 二〇一二八、 一九〇六〇、

懷柔 一一四五一、 一一四四五、

昌平 三六九一三、 三七〇七〇、

六年度如此

收支相合

第六十章 田賦

京兆地方自治，必就地籌款。就田賦比較之，以寶坻最爲廣沃，惟水災特重。其他不及萬頃，武清次之，凡七千餘頃。薊縣四千餘頃，安次三千餘頃，通縣三河將近三千頃。又其次也。大興、宛平、涿縣、香河、永清、昌平，猶在千頃以上。固安不及千頃。順義、密雲，皆六百餘頃。房山五百餘頃。良鄉、平谷，各四百餘頃。懷柔最瘠，不足二百頃焉。東南富庶，西北瘠苦。京兆如此，全國亦如此也。

大興 一千八百三十二頃三十六畝。

宛平 一千四百九十七頃四十八畝。

涿縣 一千一百二頃十六畝。

良鄉 四百八十七頃九十一畝。

房山 五百五十八頃六十五畝。

通縣 二千九百四十二頃八十九畝。

三河 二千九百五十四頃八十五畝。

寶坻 一萬二千二百六頃十二畝。

薊縣 四千五百二十七頃六十二畝。

香河 一千七百七十四頃七十一畝。

武清 七千四百二十二頃九十九畝。

安次 三千六百五十九頃六十八畝。

永清 一千二百八十頃三十九畝。

固安 九百十五頃五十二畝。

霸縣 二千六百三十頃四十七畝。

平谷 四百七十七頃七畝。

順義 六百四十九頃七十八畝。

密雲 六百十二頃十六畝。

懷柔 一百七十九頃九畝。

昌平 一千三百六十二頃七十九畝。

第十五篇 自治

第六十一章 議會

京兆地方未有地方議會。京直未分治以前，順直省議會設於天津，至今順天之名雖改，順直省議會之名未改也。順直並稱，似尊順天於直隸之上，然順天人少，直隸人多，關於順直利害不同之議案，順屬每以少數失敗。至今直隸人或自稱直隸省議會，而視京兆殆與熱河察哈爾稱特別區略等。況國會衆議員，吉黑新三省猶定額七名，京兆不過四名，畧在熱察綏之上。參議院地方選舉會，每省九名，每特別行政區一名，直與川邊同等也。猶幸中央選舉會所在，終爲近水樓臺，選舉或占優勝也。

中央選舉會 第一由教育總長，第二內務，三四農商，五六蒙藏院監督。

第一部 十名 國立大學外國大學畢業大學校長教員及著述發明

第二部 八名 退職大總統，副總統，國務員，特任官，三等以上勳位。

第三部 五名 年納直接稅千元以上，或有百萬元以上財產。

第四部 四名 華僑有百萬以上財產，經駐在地領事官證明者。

第五部 二名 滿洲王公。具有政治經驗者。

第六部 一名 回部王公。具有政治經驗者。

地方選舉會

一 高等專門以上學校畢業。及相當資格。及中學校長教員三年。或著述發明。

二 曾任薦任官滿三年者。或簡任以上官滿一年者。或曾受勳位者。

三 年納直接稅百元以上。或有不動產五萬元以上者。

衆議院選舉 有中華民國國籍之男子。年滿二十五歲。住居本區滿二年者。

一 年納直接稅四元以上者。

二 有值一千元以上不動產者。

三 小學校以上畢業者。

四 有與小學校畢業相當資格者。

五 被選人須年滿三十歲以上。

初選以各縣知事爲監督。覆選以京兆尹監督。

第六十二章 區董

京兆各縣城鎮村分區自治。雖各省自治停辦而京兆各縣仍有區董。且近日之分區或視昔日爲密。區董公費或由國家稅補助。各縣分區或分設警察所。其區治必爲昔日之大鎮。或曾設佐貳分防汎地。大抵以一鎮爲各村之領袖。村人視本區之鎮市爲全區公共交易會集之中心點。如各村國民學校皆以本區高等小學爲升學之途。苟區董望重一鄉。盡心教育實業。慈善之事。以謀自治之本。則圖書館高舉。道路平治矣。大興分十二區。城鎮村二百九十處。自治區聯合會以區董爲會員在縣治。

宛平分八區。城鎮村四百五十六處。知事勸學所長警佐會計員亦到會陳意見。

房山分九區。城鎮村二百三十二處。

良鄉分八區。城鎮村一百四十四處。

涿縣分九區。城鎮村三百九十六處。

通縣分十三區。城鎮村五百七十二處。

三河分十二區。城鎮村五百四十八處。

薊縣 分八區。城鎮村九百八十五處。

寶坻 分十區。城鎮村八百八十三處。

香河 分十區。城鎮村三百五十六處。

武清 分八區。城鎮村七百二十三處。

安次 分十一區。城鎮村四百六十處。

永清 分十區。城鎮村四百零三處。

固安 分十一區。城鎮村四百二十七處。

霸縣 分十二區。城鎮村二百四十七處。

平谷 分五區。城鎮村七十五處。村長捐資興學者照章給獎。

順義 分十一區。城鎮村二百八十一處。村長有漁肉鄉民者即行撤換。

密雲 分十三區。城鎮村二百九十六處。

懷柔 分九區。城鎮村一百三十七處。

昌平 分十區。城鎮村四百零三處。

第六十三章 戶口

周禮職方東北曰幽州其民一男三女。漢崔寔言幽州土曠人稀。廣陽國戶二萬七千四百七十七。唐幽州范陽郡縣九戶六萬七千二百四十二。口三十九萬一千三百一十二。遼南析津府統縣十。有丁五十六萬六千。元大都版籍戶一十四萬七千五百。口四十萬一千三百五十。明順天府編戶十萬五百十八。口六十六萬九千三十三。清初十萬四千三百九十二。清季戶近六十萬。丁口逾三百萬。今分縣列左。

大興 二萬四千七百八十戶。 十三萬零九百二十三人。

宛平 三萬四千一百三十八戶。 十五萬九千五百四十六人。

涿縣 二萬九千五百八十二戶。 十五萬六千一百六十四人。

良鄉 一萬零八百四十六戶。 六萬二千七百六十八人。

房山 二萬一千四百一十三戶。 十四萬九千一百四十六人。

通縣 五萬三千九百二十二戶。 二十六萬二千八百四十七人。

三河 一萬六千七百四十一戶。 二十萬八千五百四十二人。

寶坻 六萬一千一百五十二戶。 三十一萬六千八百七十九人。爲最多數。

薊縣 四萬四千二百九十四戶。 二十五萬六千三百四十七人。

香河 二萬七千六百零四戶。 十四萬四千九百零六人。

武清 五萬一千三百九十七戶。 二十四萬四千一百八十六人。

安次 二萬七千三百一十九戶。 十四萬九千二百三十五人。

永清 一萬九千四百一十戶。 十萬六千四百六十四人。

固安 二萬六千八百一十二戶。 十三萬七千九百一十七人。

霸縣 二萬三千八百九十戶。 十二萬五千二百六十四人。

平谷 九千九百五十一戶。 五萬零六百七十六人。

順義 三萬零零零六戶。 十七萬一千三百四十九人。

密雲 一萬九千二百七十一戶。 九萬一千九百一十七人。

懷柔 九千八百九十八戶。 四萬八千零六十六人。 爲最少數。

昌平 三萬六千一百八十五戶。 十六萬五千七百四十二人。

第六十四章 鄉團

京兆地方人民。守望相助。每村必有鄉團一組。遇警以小羅爲號。鄰里咸集。俗名小羅會。又有一種。名曰看青。由全村公同出資。僱人看本村之田。以防他人偷割。公議罰法。無徇私者。惟春夏秋有之。冬季或解散。或併入小羅會。古人保甲之法。肇自軌里連鄉。京兆各縣。或曰青苗會。或曰聯莊會。名目不一。而防盜防火。自衛有餘。近已組織保衛團。公款頗裕。借民智未開。或只演戲酬神。霸縣安次以青苗會公產辦學。能務本也。永清因各村偵獲竊取青苗之人。科罰無限。釀成爭鬥命案。因妥訂青苗會辦法施行焉。

一 青苗會事務所 附設於自治辦公處。

二 正副會長 以正副區董兼充。

三 每村青苗分會 附設各村公共廟宇。會長由村長村佐兼充。

四 會員 凡在本村居住。有地五十畝以上者。皆另分會員。

五 職員 評議五人至九人。幹事二人至六人。分會評議五人至七人。幹事四人。

六 選舉 本區本村選舉。均由會長召集。

- 七 會期 舊曆六月前由分會會長召會員議決交各區評議會復議。
 - 八 議案 評議會認爲可行由會長呈送縣知事核准備案或代爲修正。
 - 九 看青 看青賠償方法按向來習慣辦理先由分會交各區評議呈縣署核示。
 - 十 罰則 竊拾青苗妨害青苗罰數須經評議不得過永錢百吊重大者仍送縣。
 - 十一 上訴 被分會所罰不服准次日送區復議或稟縣知事裁決。
 - 十二 懲戒 看青人如偵獲竊拾青苗之人不得私罰凌虐違者按律科罪。
- 京兆地方保衛團 各縣治設立保衛團公所遴派地方紳董協籌辦理
- 一 每縣總查稽查一員 警備隊隊官兼充而以縣知事爲總監督。
 - 二 各區稽查一二員 本區警佐或駐在地警備隊隊長兼充。
 - 三 牌長 編牌以十戶爲率八九戶亦可成牌但少於七戶以下之村亦成一牌。
 - 四 甲長 編甲以十牌爲率八九牌亦可成甲一二牌併入鄰甲。
 - 五 保董 編保以五甲爲率三四甲亦可成保一二甲併入鄰保。
 - 六 團總 須有中學畢業財產三千元以上年三十以上住居二年以上端正人。

第十六篇 人民

第六十五章 種族

京兆各縣鄉民。以漢族爲多。至今猶有纏足陋習。滿族散布近郊。駐防要隘。已多剪去辮髮。而漢人尙有保存髮辮者。則不識不知之農夫爲多。京兆騾驢駱駝往來。多由蒙古人執御。二百餘年。無漢蒙種族之爭。有清時漢軍旗人。有用滿蒙語爲名。今則滿蒙多譯漢姓而冠之。所以泯種族畛域也。回族聚居各縣城鄉者。皆自成一團體。因宗教不拜偶像。不食豬肉。遂致漢回尙尠通婚。然姓名風俗。漸已同化。藏族惟喇嘛居外館。黃寺黑寺。口糧不足。額數暗減。五族中最邊遠者。蒙藏議員。亦由政客取而代之矣。

漢族之特姓

律 通縣東二十里龍莊。卅餘家。修 石景山莊修姓。自引渾河灌田。

漢軍化於滿蒙者

用名不用姓 如壽山本姓袁是也。然今日報館雜誌別名不用姓者亦類此。
用滿蒙語爲名 如綽哈布姓張是也。然今在西教執役。改用洋字爲名者。類此。

滿蒙之同化

冠姓 滿蒙冠姓必用漢人舊有之姓。移居內地各省人亦不能辨。改裝 婦女高髻長衫，今多改從上海時式裝。或南、北、統一、兆、獸。

官話 滿蒙人世居京兆者不復識滿蒙字。所操官話能通行各省。

漢族從滿蒙人之特長

天足 京兆各縣城鄉多立不纏足會。女學界放足尤早。以從世界之大同。

便衣 京兆官紳下至平民皆著前清便服。禮明用洋式。祭服用古式。通用者少。

回族之特姓

回 通縣張家灣。回族有此姓。永清亦有之。他省所無。又朱氏諱猪改姓黑。

哈 京西回民多此姓。馬氏尤衆。王氏、李氏、陳氏、丁氏、楊氏、譚氏、幾與漢姓無異。

種族之舊域

蠻子營 順義縣西。役丹松漢府彈漢州部落。唐置歸順州。歸化郡。蓋極邊也。

騷子營 武清縣北。今東三省以騷達子之名移之西伯利亞人。

第六十六章 言語

京兆言語似與普通京話無大差別。然京東、京西、京南、京北、自京兆鄉人辦之，已有四方之異。順天府志所引方言，合於古籍者，今亦遷變。以南人聞北話，則有學讀作鴉，鴉讀作絞，欲讀作愈，肅讀作須，毅讀作古，筆讀作彼，畢讀作密，錫讀作西，蓋京兆之言語，凡入聲字，每不甚明晰。如樂字讀作勞，去聲是也。惟上平下平，則辨別分明。亦南方人所不及。順天舊志方音，多采之於寧河關志。今寧河已盡入直隸，然寧河王氏官話字母，曾風行京兆。今京兆已改用注音字母，以期文言一致。然未見速效也。

京兆方言特別字

聶·初瓦切。人在雨雪中行也。

愆·讀若癡。實南方你老人家四字之省文也。

衛衛·京師俗字。今省作胡同。衛字見山海經。

傑·傑寫也。婆·盈怨也。澹·喜言人惡也。此順天舊志方音，今罕用者。

又京兆謂客如茄，謂耕如經。北方各省皆同。

京兆方言名物之異

青莊 涿縣人呼青莊。即鷓鴣也。

水牛 京兆人呼蝸牛爲水牛。帝京景物畧曰春牛兒。

田雞 涿縣人呼青蛙曰田雞。鼃曰蝦蟆。

螞蚱 固安人呼螞蚱。卽詩經之蠹螽。

趨趨 京師人呼蟋蟀爲趨趨。

馬郎 京師人呼蜻蜓爲馬郎。

臭椿 京話通全國其學名曰樗。

白果 京話銀杏之通稱。涿縣或呼鴨腳子。

雞頭 京話稱茨實之名。

京兆方言稱謂之異

老爺 外孫呼外祖之語。對於神則呼關聖也。京僕稱其主及信面用者已少。

大人 兒童對家長而言。爹爲父。媽爲母。各省通行。

第六十七章 衣服

京兆鄉民衣服。猶衣老布。本地織廠無多。以寶坻霸縣職業爲盛。不但自織自用。且可分銷隣縣。冬日鄉人有僅棉襖棉袴。以夾布袍爲禮服。出塞移民。則著者羊皮袍禦寒。夜則用以爲被。婦女衣服。昔尙紅綠。今改用藍布。兒童猶多著紅綠。冬日毡帽毡鞋。昔年用者多。今則漸少。寒漸減也。夏日鄉民有葛布麻布衣者極少。習俗自端陽後。多有袒裼裸裎。鄉間兒童。赤身立烈日中。不覺炎暑之蒸。吾民之體格。可謂壯矣。冬令亦有赤身曝日中者。得天何其厚歟。京兆蠶業講習所。在京師二龍坑。絲綿綢成績已著。

民國以來之衣服

禮服 國會議決公布之禮服。議員先不遵行。官場紳士行禮時。罕有大禮服。

軍服 軍官猶多便衣。軍士一著軍服。人民皆畏而不敢言。戲園茶館尤畏之。

警服 維持地方秩序。必先整齊一致。表示保衛之精神。警官仍多便衣。

制服 城市學校學生。開會時制服頗整飭。職教員未定制服。市上有學士靴鞋。

西服 民國元年。多改西裝。三四年復漸少。仍改從前清之便服。

舊式衣服之存廢

古裝 前明衣服，猶存於優伶化裝。

道裝 前清遺老，不肯剪髮者，或作道裝，仍家居如常。

袍褂 翎頂、朝珠、荷包、花衣之類，惟內務府旗人，當清廷差事者，仍如舊。

鳳冠 前清命婦服者極少，惟壽終或用，以裝殮。

祭服 民國四年仿古，冕而不旒，官場用者亦少，自以為破除迷信，不知宗教也。

鄉民衣服之儉樸

補衣 衣敝即補，有補而復破，且屢破屢補者，白結如衲子，技之精者能織捕。

估衣 城市估衣，實多新製，若團龍花紋馬褂，出自舊典，則赴各鄉廟會賣之。

首飾 婦女多有銀首飾，足見國民儲蓄力，近日女學興，而婦女儲蓄力大減。

京兆之毛織品

絨呢 順義土法所織絨呢甚佳，普通工廠所紡毛線，編製衣襪尤便禦寒。

氈毯 京師附近所織地毯，頗運銷國外。

第六十八章 飲食

京兆人民食雜糧者，居十之七八。有秋收稻麥，糶之於京師。而購雜糧以爲食者，且不但貧民食雜糧，即中等以上小康人家，亦無不食雜糧。雜糧以玉蜀黍爲最多。俗名玉米。鄉人食量，比京師富貴人或加一倍。然平均食料，每人每餐麪一斤，而鄉下自耕自食，計價每人每月所食之價值，不足五角。生活程度，幾於人畜平等。貧民小戶，終歲不食香油。中人之家，惟逢年則殺其所豢之豬，以爲祀祖酬客之用。是有地二畝地，即可一人。縣城漸奢，近京師天津者，酒館旅館，因交通便利，日即奢侈也。

京兆之食物

藜豆粥 京兆各縣，暑日食之。亦有飲藜豆汁者。市上所賣，頗不潔。庚子時兩宮北去，上諭中有朕在昌平宣化間，敝衣徒跣，豆粥難求，何言之沈痛耶。

炸醬麪 京兆各縣，富家多食之。旅行各鄉鎮，便飯中以此爲最便。

蕎麥麪貫腸 用蕎麥麪粉，貫入豬腸，染成微紅，節節切之。炸以油，市脯之特品。
發麪 京兆發麪，惟用城，不如山東用酒糟爲引酵，當改良也。

小米粥 西峪寺門頭溝所產小米價廉而可食。

饅頭 饅頭本滿洲語。京兆習用之。麻豆腐 與普通豆腐不同。亦菜豆製。

京兆人之飲料

酒 通縣竹葉青良鄉黃並著。大興一縣已每年產酒八十餘萬斤。他縣亦不少。

汽水 玉泉山自製最優。金山鑛泉所製亦佳。在陽台山金仙寺。

酪 牛乳所造。既甘且涼。京師特佳。不但南方所無。關東塞北無之。

茶 懷柔烏葉山茶。惟山中飲之。城市茶商皆由南方販至。

冰振梅湯 京師用以解暑。城市廟會多有之。

豆咖啡 仿高陽李氏法。用土產大豆製成。

鐵路旁之食物 京漢、京奉、京綏道旁多有之。南滿膠濟東清各路。吾民無此幸福。

薰雞 滷蛋 炸魚 京漢路涿州琉璃河一帶多有。愈南則食品愈多。

糕乾 水果 京奉沿路多有。糕乾尤以楊村爲著。可代小兒之乳。

熟包子 油果 餅子 京綏沿路多有。但過張家口以西便少。

第六十九章 居處

京兆鄉民所居，以土房爲多。以土坯砌牆，不用一磚。以楊杆爲椽，葦薄爲蓋。上抹以泥，不用一瓦，或用石灰爲頂。則名曰灰房。至於瓦房，則非素封之家不得。鎮市多灰房。城內多瓦房。商人所在，如通縣，多改洋式門面。西人教堂，年久者或有洋樓。鄉人室內多迎窗戶作土匠，俗字通作炕。冬日則織火於其下以取暖。蓋自黃河以北，炕漸多而牀漸少。但不如東三省三面炕之大也。俗多棄灰於道。是以老年房屋，門內或比門外低數尺。雨後每防倒灌。京西南有石板屋，最爲堅固。

族居 如龐各莊、楊各莊、胡各莊，猶方南言某家莊也。又如張家灣、李家橋、韓村鎮、侯家營，亦以姓氏著者也。劉李河、劉宋鎮，則兩姓聚居者也。

世居 如三家店，今已數百家。九間房，今已數十間房。大抵世居之地，子孫衆多，親戚依附，往往久而彌盛。後人不忘劍始之基，仍用以爲名。又有二百戶、三百戶等客居。如平谷縣之山東莊、順義縣之河南村，以及順義縣西之高麗營，凡移居之客民，不忘其祖籍，每用舊居爲新稱，可畧見民族移徙之趨勢。

山居 西山深處。明季權閹每捨鉅萬之資。以修廟宇。近日偉人政客。亦多於山中。建築避暑別業。皆非山居之本色。京兆居山之民。多種果樹。夏秋之交。即以果實爲糧。無異神仙。樹有濃陰。清風徐引。玉蜀稗爲籬落。其人不樂履城市。而壽且康。水居 京東南列縣。近歲水災屢告。近水者或數十村被淹。數年而水不退。捕魚蝦以爲糧。壯者轉徙關東。婦女或淪入下賤。可悲也。

村居 宛平縣西南。原有三坡地方。其村民不願入城市。請改撥涿縣。舉三老以自治。凡一方之人民受治焉。歲徵錢糧如額。由三老解交涿縣。一切小事皆聽之於三老。獄訟極少。讀書但求識字明理。不競於舉業。亦賢矣哉。

城居 雖非縣治。人民或築城自衛。如寶坻。東南八面城。即因城而設鎮。其餘鉅鎮。如蘆溝橋。城垣特固。而不以城名。其他小村鎮。亦有築土圍以爲堡者。各縣城或有頹敗者。若昔年州郡古城。或夷爲耕地。無迹可考。又不勝古今遷變之感矣。

市居 市民多非土著。或土著已傳染外來習氣。貌似開明。而市井氣不能自掩。古昔淳樸遺風。盡爲進化力所摧矣。

第七十章 器用

京兆鄉民器用簡單。洋貨甚少。石器、木器、鐵器、粗磁、陶土之類。有二百年前之舊式。鄉民居家。有一瓦鉢。一木梳。而傳世三代者。愛惜物力。勤儉耐久。稍涉城市。漸覺新器多。而俗漸侈。都會附近。大縣大鎮。亦摹擬京派。崇尚洋式。總之昔年堅實耐久之器。今多變輕薄。不耐久者。譬如舊式大小車。牛車。驟車。能行崎嶇不平之路。且有能行山道者。新式人力車。馬車。汽車。惟能馳騁康莊之馬路而已。世界進化。鐵器之偉大。萬倍昔時。電汽之發明。爲用尤捷。器惟求新。瞬見物質文明。日新又新。工業不競。則自甘劣敗也。

石器

石碾 京兆各鄉民門前必有一場。設石碾一架。用以碾玉蜀黍。碎成兩半。而後煮粥。或纏足婦女。終日轉旋。操作甚苦。

石磨 京兆鄉村。多用人力。或用牲畜之力。通憲河則借用水力。京師有機磨。

石硯 薊縣褐黃石硯。理粗而廢墨。

木器

棹椅 薊縣工人少木匠。來京者沿途呼喚收拾棹椅板凳。間有在京開木廠者。車輛 獨輪車運水。運灰土。運貨。用人推。敞車無幃。用蓆棚載人貨。駕騾馬以行。船隻 通縣有駁船載貨。帶屋船載客。昌平有貨船無棚。河工有土槽船。牛舌船。編織 簸箕筐撮斗升。不但可挑米。并可挑水。永清織席廠。銷於清河等處尤多。陶器

甘子土 出房山。作窰貨。且加以釉飾。琉璃河卽因此得名。造成大水缸。瓦罐。用民船下連天津。今工業專門窰業科畢業生。試驗造磁。當更有進步。

鐵器

犁鋤 各縣鐵工多能自製。或謂比洋犁耐久。鐵擺、鐵鋸、鐵幌、兼爲治河之用。

農具

戽斗 沿河各縣灌園所用。卽子貢氏發明之桔槔。

漁具

澁 寶坻漁人。攔河設此。損及河堤。利小而害大。

第七十一章 婚喪

京兆尹治京師東北隅及西北隅。故象遺俗。多循前清八旗之舊。婚喪崇尚儀式。如迎婚必用花轎。導以全副執事。民國以來。惟減去官銜馬牌而已。送葬則以僧道鼓樂。其諡封且大書前清官爵焉。都人或借飯莊作壽。或借古廟開甲。若外縣則多在家庭舉行。喪家作道場。三日或五日七日。香河之俗。道場畢則送僧人觀錢。僧必以十分之二。送還主家。又畧似官場賠欸借欸之回扣也。古禮繁縟。清季人民經濟困乏。始日趨於簡易。世俗愈奢侈。大禮愈苟且。雖婚短喪壞。我國本有心者痛焉。

婚禮

喜餅 爲訂婚必曾之禮物。分致親友。報告女之受聘也。薊縣有獻柬之禮。

童養 寒士家庭。多童養媳。中人之家少有。

早婚 霸縣早婚之俗。女長於男。奸宄之案。由此而滋。纏足之風。甚於各縣。

辦事 舊俗初日迎妝。正日娶親。次日全親。今併爲一日。故有小三天之目。

賄賂 舊俗都市誇數百拾。充溢街巷。鄉間誇數百畝。連接阡陌。今不輕見矣。

撞婚 通縣舊俗。男女必取八字。由術士合婚。其親上加親。不問術士者曰撞婚。

親迎 固安多行古禮。男子先至女家。謂之求親。

點茶 通縣嫁女次日送果品曰點茶。三日送席曰饌飯。

回門 九日女家迎婿女至家曰回九。親戚成往。十八日女家親戚至男家謂之

作雙九。或女家迎婿女曰回雙九。及一月迎婿女至家曰住對月。

喪禮

告喪 固安之俗。初喪懸紙馬。紙錢於門。合家不舉火。孝子不食。

招魂 良鄉每於父母死。詣五土地等廟求返魂。三日始殮。

殃袴 昌平初喪。榜死者姓氏。卒年月於門。謂之殃袴。

停柩 鄉民以停柩在家多日爲孝。夏日尤妨衛生。富貴家有停柩數年者。

安次 遵行文公家禮最嚴。鄉間仍多修佛事。

送葬 順義鄉人。每二十三人爲一朋。弔於親識。出會錢。行禮坐立皆以齒。

圓墳 通縣葬後三日。孝子必親加新土。謂之圓墳。亦謂之煖墓。

第七十二章 衛生

京兆各縣山野之民。多得天然衛生之力。西山空氣之澄鮮。湯山溫泉之煖適。凡碧眼虬鬚之遠客。羨之如天堂。富貴之人。得游息一月半月。已爲大幸。吾民日在幸福中而不自知也。龍鬚溝流其濁。糞廠揚其臭。士大夫掩鼻欲嘔。憚之如地獄者。附近居民久居而不聞。老者康健。幼者嬉戲。苟令西人富貴者居之。不畏病菌之傳染耶。鄉民守舊多用中醫。能用古方。但視爲秘傳。而不能成專門科學。坐令西人醫藥。流入中原。上流社會。信者漸多。倭貨仁丹。或兼售嗎啡。惜吾國著名藥品。不設大製造廠分銷處也。

京師著名之藥品

虎骨熊油膏	同仁堂	大柵欄	舒肝丸	濟生堂	正陽門大街
梅花點舌丹	皮贊公	菜場胡同	萬應散	雅觀齋	楊梅竹斜街
陽和解凝膏	廣培堂	丁字街	二龍膏	保和堂	東單牌樓
十香返魂丹	同濟湧	南小街	萬應錠	東安堂	東安門內
養血調經膏	廣德堂	土兒同胡	七珍丹	沈家	羊管胡同

熊冰痔漏散 志善堂 北新橋北 紫血丹 永安堂 東四牌樓

開胸順氣丸 一小堂 西直經外 紫金膏 天沛堂 東四牌樓

小兒定瘋丹 德安堂 燈市口 百效膏 濟生堂 東安門大街

獨角蓮膏 重慶堂 東四八條 荷葉丸 泰和堂 北小街

各縣著名之良藥

回春堂鹿茸膏 涿縣南之松林店所產。每張三元。能治噎食。

倭刀柄眼藥 出通縣。可治目疾。俗名倭瓜把。

京兆醫學講習所 地安門外。小口袋胡同。一年畢業。繼續招生。醫本專門碩學。關

係人命。京師無國立醫科大學。專門人數亦少。講習者應延長學年。精研實驗也。

京兆醫院 附於京兆醫學講習所。設備未完。若能聘名醫。製良藥。則民信日重矣。

京兆臨時醫院 設於廊坊。專任防疫。會同內務部傳染病醫院。京師警察廳技士。

內外城官醫。認真施診。疫氛撲滅。臨時有檢驗所。隔離所。衛生隊。

京兆養濟院 安定門外地壇。以恤殘廢。

第十大篇 宗教

第七十三章 孔教

順天府學。在府學胡同。元之報恩寺也。學門內西有明洪武間定學制碑。考其法。府州縣皆有學。令鄉三老。各舉其鄉之秀者。升之於學。擇邑中之宿學爲師。學不一藝。師不一人。經史之外。兼及禮樂射御書數。旁及擊刺。勇力有餘。願學文者聽。月考其學之進退。以爲師之去留。有司蒞之。三年學不進。有司及師有罰。學成。貢之太學。卽爲進士。此法深得王制立學之本義。洪武停科舉二十年。而卒改考試。八比。且糊名。模索。專在防弊。明清竟用以取士。至五百年之久。亦銷磨英雄之術也。今學校弊多。亦恐難持久也。

壇廟之祭禮 孔子祭則愛福。百神享之。京兆各壇廟。合於孔教者如。

天壇 京師永定門內 地壇 京師地安門外 日壇 京師朝陽門外 月壇 京師阜成門外 外縣無之

社稷壇 京師已改中央公園 各縣皆有之。良鄉北門西北尤著。

先農壇 京師已改城南游園 各縣皆有之。通縣在八蜡廟西南。尤重農事。

風雲雷雨山川壇 各縣多有之。

厲壇 各縣皆有。祀古人之無祀者。

文廟 各縣治皆有。昔日典以教官。今改奉祀官。懷柔南有先聖台。爲順義地。

武廟 昔祀關聖。今合祀關岳。民間私立關帝廟。每縣輒數十處。得孔教之義字。

馬神廟 各縣皆有。禮之禡祭也。

文昌廟 奎星樓。科舉時各縣并盛。孔教之旁支也。

火神廟 各縣皆有。其祀祝融。多在南門外。

龍王廟 各縣近河者皆有。占之河伯也。

竈君廟 京兆各家祀竈。稱爲九天東廚司命。薊縣西門外。有竈君廟。

藥王廟 各縣所祀爲神農。五帝之一。無稱藥帝者。

城隍廟 各縣皆有。其神權所及。亦以縣爲界。

土地廟 各縣各村皆有。爲一鄉社所祀。

名宦鄉賢祠 各縣或分爲二祠。或合爲一祠。或有建立專祠者。

節孝祠 各縣皆有。在文廟附近。

第七十四章 佛教

京兆鄉民信佛者多。自學校興，破除迷信，新政繁或改駐警察，或改爲公所，占寺之存者日少。宛平南境蘇家溝，白衣菴，銅質觀音，歷年貼金，不計次數，竟爲羨民售之外人，煉銅提金，數十倍於所賣之價。嗟呼，幽冀象教，始於元魏，盛於隋唐，遼金元明，又復崇尙。一時上行下效，大搗巨室，爭出金錢布施，以爲邀福之計。琳宮紺塔，崇隆譏訕，而况田盤峙其東北，大房束其西南，山谷幽渺，經流所託。近代民力彫敝，古寺亦多年久失修，能自立者寡矣。

資福寺 在懷柔西北二十里之紅螺山，高二百仞，寺僧五六十人，操行勤苦，規制秩然，所藏經卷甚富，環寺數里，果樹葱蔥，歲收其實，爲入款，蔬圃有數百竿翠竹。

龍鳳寺 在宛平化山絕頂，外來游民，竄入種煙，宛平縣湯知事銘輩，親往剷除之。

房山石經 石經山在房山縣西，石刻梵經，寰宇之冠也。剏建於隋，唐繼之，而大成於遼，山麓有西域雲居寺，或名西峪寺，創自隋，唐石浮圖尙存，主峰名懸題山，懸古莎字，舊產懸題草，峯頂爲小西天，石經洞，凡九，雷音洞最鉅，隋沙門靜琬，慮東

土藏教毀滅發願勒經鑄藏垂諸永久。自大業迄貞觀成大涅槃經一百二十石。門徒紹其志。歷四代。至元和四年成大般若經一千五百六十石。唐劉濟石經碑志之。復有大華嚴經。正妙法念經。妙法蓮花經。維摩經。無量義經。金剛般若經。其他經典不可枚舉。遼時繕鑄大般若經。大寶積經。而四大部經告成。總計二千七百三十石。趙遵仁建碑志之所憾石過多。鮮揚本游者亦難覽徧焉。

寶塔 京兆各縣佛寺之塔。高者如機器廠之煙筒。低者亦高逾西人之教堂。爲地方準望。有海濱燈塔之意。擇其要者餘之。

雲居寺塔 創於隋。修於唐。極頂有石台五座。

然燈佛塔 通縣西北。佑聖教寺。高十三級。二百八十尺。宇文周時建。

香城塔 香河縣南二十里。棲隱寺。遼時建。高五丈五級。

舍利塔 三河西門外。金正隆元年建。康熙十八年地震。頂檐四墜。塔身尙穹立。

延聖塔 昌平銀山西北一里。

清涼寺塔 京西盧師山。高七級。隋仁壽時建。明天順時重修。

第七十五章 道教

京兆信道教者，遠不如佛教，而道觀又遠不及佛教十分之一。京師白雲觀規模頗盛，然道教起於黃老，俗人信道者，但知向呂祖閣求藥方，及珍藏張天師鎮邪符，雖老君堂偶立於昌平天壽山。至於黃帝，惟平谷縣有軒轅黃帝廟，在縣北漁子山，道家雜祀真人極多，而道教元祖之黃老，廟宇寥寥焉。裁縫業或立軒轅殿，因其制衣裳也。藥行商會祀神農黃帝，并附岐伯，或以僧人守廟，可見國人宗教思想，太薄弱矣。京師白雲觀爲道教領袖，各縣原有道紀司，護日月食，祈晴雨，今迷信破除，道教益衰微矣。

玄福觀 昌平南迴龍店，俗呼迴龍觀，弘治十七年建。清譚玄，凡道教之談玄者，皆作元，此觀爲顯亭林至昌平謁陵所厲。

呂真人祠 昌平城西大街，前明昌平鎮陳洪範建，有明尙書董其昌碑，以董之書法爲世所重。述陳洪範征遼，被真人救護事，蓋道家陰符實通於兵家也。

清都觀 密雲西北清都山，金大安二年道人杜宗道建。元至元時，洞陽真人煉藥其地，改洞真宮。洪武二十四年，置道籙司，有皇慶元年翰林院倪堅撰記。

慶峰觀 在密雲縣南。元人建。明洪武十六年。道人郭東峯重修。邑人魏尙儒重修。禮部侍郎張文憲撰碑記。

霞峯觀 密雲北四十里白檀山。曰水谷。袤延蜂嶺。林木森秀。後魏志和修煉於此。當有霞覆其上。因名霞峯。

白雲觀 順義縣呼奴山。元建有大德八年集賢學士宋渤碑。與京師之白雲觀同名。而規模較小。

延祥觀 在平谷縣東北獨樂河莊。初名玄寶觀。至元間邱長春過此。觀有枯柏。捫之後榮。有南塘。老人張天度爲作詩。玉谿老人趙鑄爲作記。

玉皇廟 薊縣黃花山。王新莊。壑峒山。霸縣。青口。葉家莊。康莊。文明邨。懷柔東門外。土邱。密雲新城都司署。通縣八里橋。張家灣。皆有之。看廟餬口者。不叫教旨也。

碧霞元君廟 通縣學子胡同。及馬駒橋。武清。蔡村。霸縣。青口。長屯。汝河。共七處。玄武廟 各縣多有。在北門上高處。名眞武廟。亦因避清諱而改也。

許眞君廟 通縣城羅家橋。昔爲江西漕運會館。各商幫附之。今改萬壽宮。

第七十六章 回教

京兆各縣之回教徒。以通縣之牛市爲盛。聚居之整齊。清真寺之嚴肅。無異於京師之牛街也。回教來自西域。每樂於聚居西門。如涿縣清真寺。卽在西門之北城根是也。其在鄉間聚居。而成村者。如通縣長營。回民多於漢民。禁食豬肉。漢人婚喪。亦用牛羊肉酒席。女子亦習回文。荷蘭經。赴禮拜寺上課。京師之回文女學四五家。多不挂招牌。教外人多不知。亦可見回教團體堅實。不務虛名也。至於各鄉回民聚居。成回回營者。則榜門亦揭回回文焉。回教俱進會。職員七十餘人。會員千餘。公同封存鈴記。不涉政潮。

回回營

- 一 大興東北。昌平縣界。馮家營附近。
- 二 安次北五十里。大興界。附近有武家營。
- 三 香河南十六里。近太平莊。又東北寶坻界。上有楊回回莊。
- 四 通縣南七十里。武清界。附近有半截街。普濟閘。北壩。均有回民百餘家。

大興縣回回營。他教人呼曰回子營。回教徒必自稱回回。

回回陀山

在昌平西北二十八里。

回回墳

宛平縣三里河。

通縣回回墳

按回教之喪禮。由阿啞誦經。有纏哈布塔各種。小有同異。送葬不用樂。不用紙。入紙馬冥器。則天方與天竺異俗也。開弔成服丁艱。久已化同於孔教也。

各鄉鎮回教發達處

石匣營 回教徒聚居者百餘家。古北口大道。回民由蒙古販牛馬羊者所經。

穆家峪 回家著姓。古北口要道。所有稅關內執事者。多係回民。

康營 回民既衆。氣質强悍。有猛勇精進之象。然易滋事。孤柳樹則漢回雜居。

下店 通縣屬。其地回民善養牛。滋生易而茁壯。京師所需牛肉。多購於此。

馬店 回民著姓。善養羊。京師所需羊肉。多取之此。湯羊及五香羊肉尤美。

第七十七章 耶教

京師各縣，天主耶穌新舊教並盛。如涿縣天主教堂，峙立於東大街，福音教堂，接近於西大街，順義民俗最純，信孔教最堅，雖有耶穌教徒，來縣傳教宣講，竟無一人往聽。城內租設一教堂，不久即廢。鄉間亦無教民雜居。蓋庚子以前，教民挾外人勢力，不免欺壓平民。或因地方官聽斷不平，或因地方世族，依勢凌人，以致人民以教堂爲逋逃藏教案屢起，以致庚子義和拳之奇變。此後中國官紳，既漸悉世界各國之大勢，傳教牧師亦曉然於民可勸不可逼也。醫院學堂，有益於人，中西文化，漸可一致。

天主教之最盛地

宛平西之桑峪，爲農民信天主教最多之處。桑峪在西山深處，湯若望、南懷仁、藉游山以布教。今西人游歷者，日日不絕，無怪各縣山僻，多有天主堂也。

長辛店之車站，京漢鐵路開始，雇用法人，即重法文。法國工師所至，牧師亦依付以至焉。工人受工人之指揮，久則受工師之感化，同教之徒相援，彙進矣。通縣河東賈家疇，天主堂有神父二人，教徒極多。庚子之役，拳匪圍攻不下。

耶穌教最盛之地

浦縣 新城南門外迤西。北至城內。開一便門。南至鐵路。縱橫里餘。無異於租界。協和大學校。潞河中學校。各一處。又有女學。成立甚早。

永清 教會亦設。京中學校一處。附有高等小學校及國民學校。自成一系統。頗注重英文算學。而國文之程度低淺。不可問矣。

三間房 京師赴浦縣之大路。與京師浦縣教會。聯爲一氣。有教堂。教民聚居。亦自成一風氣。黃廠神樹。皆有分會。並屬於浦縣。

楊村 福音堂係由天津分支。其青年子弟。多入天津青年會。現在新青年思想。有離棄一切宗教者。亦非福音教之福也。

東正教傳播之地

豐台 偶有京師俄國教堂牧師。至此傳教。信徒寥寥。不過數十人。大抵俄羅斯牛彙旗人。自俄國失敗。生計大困。有由豐台一帶。散於四方以謀生者。然貧困而不改其宗教。可見其信仰之堅矣。

第七十八章 雜教

順天舊府。本有陰陽學。已久廢。惟天文生擇日擇地。在舊社會佔有無形大勢力。凡官員之起程上任。人民之婚嫁喪葬。莫不惟其言是聽。邇來都市之迷信。尙不能破除。外縣鄉村全用舊曆。陰陽家者流。仍持其吉凶禍福之說。以蠱惑黔首。使人疑而多畏。或代人祈禱治病。殆出於上古巫教。故聖人以巫鑿並列。爲子婦者。或以禱天割股療親。鄉黨稱孝焉。在理教亦以嚴禁煙酒爲教也。算命看相。卜卦圓光。測字。以謀食者。殆與西教牧師。蒙古喇嘛。衣食於良民無異。惟白蓮八卦義和拳各邪教。則法律所必禁也。

龍王將軍 永定河沿岸。有河神以龍王或將軍爲名。其現身則一小蛇而已。鄉人識某蛇爲某王。某蛇爲某將軍。有與黃河同名者。鄉人以香盤迎之入廟。演戲時對蛇唱戲名。蛇若點頭。卽爲點戲。爲中國河工最特別之雜教。

接龍王 夏季苦旱。鄉間必接龍王。置之烈日中。降雨則演戲酬之。僧道皆禱雨。而不知經營林業以培水源也。

在理教 不吸煙。不飲酒。託之於觀世音。而不能戒殺。食肉如常。是非佛教。而爲雜

教也。

過陰 多婦女爲之。催眠術之一也。自以爲能知人生死。並代人借壽求福。并爲人求子。至娘娘廟拈娃娃。既生子。則小康之家。或索謝百金。或敲詐無已。

頂香 或託言仙姑。或託言狐狸。及蛇。能治病痛。令病家或病人祈禱。給以香灰。亦因輕病勿藥可愈者。則數日後自然精神恢復。或愚民腦筋簡單。謂神可恃。則心病先去。而頂香者遂擅神效之名。求者益多。其致死者。則委之命數。謂其不誠也。財神爺 儒教罕言利。僧道出世亦戒貪。鄉民爭敬財神。或以關帝爲武財神者。豈知關聖亦以義重。年畫所畫財神像。左手執鞭。權也。右執元寶。利也。表示把持權利者。如騎虎背。借鄉人不悟。而當同者尤不悟也。

冥器 塗車芻靈。自古有之。車船轎馬。三教通用。改用洋式。日驚新奇。近見喪家發引。而金童玉女。手捧燈盤。凡吸鴉片煙之具。無不備。可推知死者爲煙鬼也。

鼓書 僧道誦經。以鼓樂爲儀式。爲死者懺悔。已近迷信。今乃有於送葬之前。用打鼓書名曰坐夜。始而唱二十四孝。猶爲近理。繼而雜以誨淫誨盜之劇。未免不倫。

第十八篇 教育

第七十九章 蒙養

京兆各縣蒙養保姆尙未發達。梅廠村志成女學附設一處。實開風氣之先。足資模範。三河乳媪知保衛而無學。薊縣俗美女子讀書已成習慣。未入學之孩童在家庭已得良好之導師。至於特設蒙養園保育幼稚者。京師不過四所。京兆各縣惟通縣女師範有之。教會女學間有之。設備未完。其他標列蒙養學校者。大抵爲塾師蒙館。凡十歲上下不識字學生。皆謂之蒙童。初識字則謂之發蒙。或自以爲訓蒙。啓蒙。蒙師大抵勤儉謹飭。而學識卑淺。然頗得鄉民信用。教育未普及之時。正賴私塾之改良耳。

京兆蒙養之舊習。合於新理者。

唱歌 各縣童謠不同。婦人教孺子。先唱歌。有說話未完全。而能唱三四句歌者。
談話 各縣童話。每近於神話。如楊家將征遼。張飛賣肉。多以英雄談。勗軍國民。
手工 村塾兒童。無不能摺紙帽。紙袴。各種紙細工者。並不由教授。由於自動。
遊戲 僻壤兒童羣聚。共同遊戲。必有規矩秩序。不待保傳監督。而競爭恐後。

京兆蒙師之優點 改良私塾宜禁閱誨淫誨盜小說不可禁經書及習字善本。

讀書 大抵先讀論語俾學生先習於孝弟二字可以居家可以居鄉次讀孟子嚴辨義利異於今世爭權利而不服義務是以各鄉者舊禮重之異於官學教員自以爲差事嫌地方瘠苦薪水菲薄改途作錄事書記也。

習字 塾師習字成績或優於小學近日有以三字經百字經千家文爲字課者三字經 宋王伯厚撰垂五百餘年經多數國民誦習溫席讓梨尤修身之範百家姓 貧兒識此可以挂往來帳可記他人之姓氏實用主義辦選舉尤便千家文 真草千字文四體千字文既令學生識草字及篆隸又有益於編號雜字 四言六言不等如戲字碁碼之類往往爲經籍所無教科所無而有用

京兆蒙師之劣點

不明國體 如習字帖童子詩尙用八卦定君臣之字樣今警察始干涉之

迷信神仙 如習字帖中尙有洞中方七日世上幾千年字樣荒唐無據

不求清潔 違至聖洒掃之訓多不能掃除一室蓬首垢面衣破不補者

第八十章 女學

京兆公立第一女子師範學校。設於通縣。蓋京師女學。多各省宦家。八族舊族。雖畢業。往往不盡義務。且不堪外縣之苦。更無論各鄉也。通縣結合京東及東北東南各縣。交通便利。天足之風氣先開。女學較盛。易於升學。各縣女生肄業於此。用費比京師稍減。可保持家庭經濟。初名女子師範講習所。上年招豫科。今升本科。按年遞進。已九十五人。至各縣女子小學。凡六寸處。疊經京兆尹令行切實計畫。並在公署設模範女子小學。涿縣袁知事賢母。曾太夫人。著女學篇。中饋錄。有裨家政。女學界之靈光獨存焉。

京兆模範女學校

京兆尹公署之西。有學生百餘人。分爲三班。計三教室。高等小學一班。國民二班。皆複式編製。每班二級。教員皆用女師。範畢業。校長以端謹夙學任之。

京兆公立第一女子師範學校

通縣通永道舊署。校舍足資拓充。將來豫科一級。本科四級。仍可附設講習科。今已附設職業班。及附設高等小學校。由國民學校畢業升辦。管教有方。成績優美。

京兆女子師範講習科

畢業生四十名。已屆二年修業。堪充女子小學師資。其籍貫比例如左。

通縣九 房山五 大興五 香河四 宛平三 良鄉二 固安二

涿縣二 武清二 安次 薊縣 懷柔 密雲 昌平 以上各一

縣立女子高等小學校

大興、宛平、開辦較早。其餘各縣亦次第進行。

房山 女教員教授合法 霸縣 高小附女子實業待習所
設備尙不免缺略 試辦花邊仿山東辦理

密雲 租屋狹窄高小 昌平 高小八入國民
附國民各一級 管教員尙罕人望

縣立女子國民學校

香河 縣校嚴肅北岡村 通縣 縣校名踞真國文
後延寺教授尙勤 優長私校名普育

永清 會樊氏捐遺產二 良鄉 縣城內只一校已
十二畝爲基產 撤換不力之教員

按國民學校男女同校。本無女子國民學校名目。各縣特設女子國民學校。即

縣立女子高小學校之基。國民教育必男女同等。乃能普及也。

薊 高小老儒教授全
縣女學共十七處

懷柔 白衣巷父女合教
校風安靜欠講解 寶坻 用啟發式
有器械操

三河 東街女生多非
天足尙樸真 平谷 耿賈氏捐
基金創辦

第八十一章 小學

京兆區域各小學，異常發達。人數加倍，進步之捷，或非他省所能及。且教育部甄別小學教員，亦自京兆各縣爲始。惟每縣興學雖多，合格教員實不易得。每縣報考教員，或少至數人。部員赴各縣考試，尙嫌周折。今高等小學已六十。國民學校已近二千。凡六萬人。惟縣治小學，人數太少。吾國將以京兆爲模範省。願各縣小學教育家，共成一完全之小學，容千人以上者，爲模範焉。

大興 高等小學六所，國民一百零四所。

宛平 高等小學十所，國民一百五十所。

涿縣 高等小學一所，國民七十七所。

良鄉 高小三級，附國民二級，國民五十四所。寶店鎮課鄉土志，呂植編，頗切實，用。

房山 高小二所，一在縣，一在上萬村，國民六十六所。數年無進步。

通縣 高小因潞河書院舊址，西集鎮亦升高小，國民一百九十三所。

三河 縣城夏塾，皇莊高小三校，國民一百零七所。進步亦速。

寶坻 高小二教室容三級。人額少國民五十所。因於水災也。

薊縣 高小有縣城桑梓第三鄉三所。國民一百三十四所。進步甚速。有未剪髮者。

香河 高等小學二所。國民五十四所。

武清 高等小學十所。國民一百一十八所。進步亦速。

安次 高等小學三所。國民九十七所。縣城而外。第四五區爲盛。

永清 高等小學一所。國民四十四所。擬增公立高小一所。

固安 高等小學一所。國民七十所。內有有設高小班號兩者三所。

霸 高等小學附於師範。國民一百所。兩班者。信安鎮有永霸合立高等小學校。

平谷 高等小學增費。國民二十六所。稱模範者。二餘改爲補助。

順義 高小二校。一在城。一在牛欄山。國民學校一百二十五所。進步較速。

密雲 高等小學一校。國民六十所。

懷柔 高小只容二班。國民二十九所。提撥留養局河工。粥廠林局。各款。捐圖拓充。

昌平 高等小學一校。國民八十九所。縣教育參觀團。日記頗詳。區教育亦然。

第八十二章 中學

京兆中學。始於順天中學。曾升爲順天高等學堂。民國成立。改爲京兆公立第一中學校。又於黃村。設第二中學。通縣設第三中學。順義縣之牛欄山。設第四中學。又寶坻。蘆縣於寶薊交界新集鎮。設寶薊中學。共爲五中學。規模以第一校爲完備。第二校地勢弘敞。是兩校生徒衆多。通縣第三中學。附有師範兩班。牛欄山第四中學。校舍新建西式大樓。爲京北之冠。寶薊中學。於民國五年經王京兆撥款補助。擴充校舍。其他通縣永清有教會所立中學會。教育會提議有裁併中學。擴充師範者。京兆人多數心理也。

公立第一中學校。在京師地安門外兵將局。現有學生四班。按年畢業。按年升班。校舍二百餘間。經費每月由財政廳支領五百八十元。圖書儀器具備。現附設武術傳習所。學生一班。

公立第二中學校。在黃村。部視學考察。學生程度參差。應加甄別。校舍寬闊。曾擬移第一師範於此。或擬將大宛縣立黃村高等小學校附入。豫備按年遞升。以八級爲額。

公立第三中學通 在通縣。因辦學之經驗。體察地方特別之情形。擬定減去手工。及文學源流。增加簿記。及論理大綱。並於時數上略有增減。次序上略有變更。咨教育部核准。又校內附設師範講習所。職員由本校兼任。另聘主任教員二人。

公立第四中學校 在順義牛欄山。由北路各縣籌撥常款。密雲已稱地方瘠苦。勉為資助。校舍在本鎮南門外。膳費月三元。比城市為廉。植樹節種樹。並墾地種植。及組織販賣部。以提倡課外作業。有照片印行。

寶薊兩縣聯合公立中學校 在新集鎮西南。達官屯北。由興善寺改設。民國七年。共學生三班。第一班畢業。因經費支絀。未添新生。今存兩班。校舍八十餘間。校旁學園。廣植菜蔬。足供全校學生之用。是以膳費比各校為最廉。每月不過二元。

女子中學校之籌辦 全國中學校長在京會議議決。女子中學校已立者。宜擴充內容。未立者。宜擴充校數。京兆女子高等小學畢業生日多。京師高等女子師範附屬二公立一。全國僅女中學十不敷升學。若京兆各縣。應就女學發達之縣。升辦中學。現教育部通咨各省設法籌辦。京兆教育家。當積極進行也。

第八十三章 職業

京兆各縣教育。初時多注重高等小學。鮮能盡力於乙種實業。此中國各省區同一弱點。國人當盡力以改良者也。教育部視學考查。武清乙種農校試驗場。地含城質。種植不宜。順義乙種農業試驗場。不敷應用。通縣乙種商業學校。於商業用品。設備毫無。管理員於農商二科。尙有心得。尙知提倡實業教育。其他各縣。應視地方情形。豫爲計畫。次第籌力。近年三河縣添設乙種農業學校二處。通縣添設乙種工業學校一處。其他各縣亦注重實用。籌備進行。甲種農業學校。經費支絀。將林科併入農科矣。

農業

武清 農科四十人。歲支一千八百元。今漸減。尙擬增蠶科水產科。官地九十畝。順義 學生一級。歲支一千一百元。官地五十畝。經濟模範農場。栽植各種苗木。三河 段家嶺。張各莊。均由鄉立國民學校升辦。就近從老農實習。經驗必多。房山 長溝峪煤斤加價。充農學經費。薊縣 師範講習完畢。移款辦理農學。固安 六年度列入豫算。七年度減去。通縣 新城清涼菴。欺絀不能持久。

工業

通縣 最新成立。在商校之後。因工藝必須設備特別教室。及器械。開辦費較多。通縣新城水月院貧兒學校手工作草帽辦。并取廢郵票紙煙盒。作有用標本。各縣高小。多延長時間。順義編草帽。固安造柳器。房山製石板石筆。均切實用。

商業

通縣 學額五十人。而實招者只三十二人。平時尚多缺席。校址在新城清涼港。教室三間。單級二組。歲支只約五百元。不免遷就。校長出身師範。教員出身大學豫科。學生未能實習。宜以半日讀書。半日負販之貧兒。實行生活教育。

香河 商會公立國民學校。精神整肅。爲縣城各校冠。擬漸升乙種商業學校。

甲種農業學校

黃村 京兆第二屆教育行政會議。京兆向無實業學校。於七年暑假前開農科一班。暑假後開林科一班。嗣將林科并入農科。計兩班全年經費五千餘元。聘用專門教員不易。宜實踐不託空談。乃學生四十人。漸報稱六十人。

第八十四章 師範

昔順天府創辦師範之始。四路同知。各設一校。各縣亦設所傳習。改良私塾。民國以來。規定京師公立第一師範學校於蘆溝橋。大興縣立師範講習所。畢業四十人。均能服務。宛平縣在民國五年。第七區無一學校。八區只小學二處。湯知事設師範爲就地培材之計。今七區已十三校。八區已四十校。足見注重師範之效也。公立師範學校。恐師範第一部長。難應急需。特照定章。設第二部。畢業成績。亦尙及格。經教育部核准備案。今公立第一校。班次猶未能銜接。仍在通縣中學校。設講習科。

京兆公立第一師範學校

蘆溝橋一所。部視學查視。以爲校址狹隘。有學生三級。已無隙地。以京兆二十縣計之。約有小學二千。祇恃此校。以培養師資。供求實難相副。是以添設第二部。

各縣師範講習所

共十八所。凡六百人。然年限太促。恐難收良好效果。今擬就各屬適中地方。開暑期講習會。及各學科研究會。以資補習。未設講習所之縣。仍宜增設。已設之縣。仍

繼續開班。至於公立師範學校附設講習科畢業已改設第二部。

巡迴教員

教育部咨酌許巡迴教員以資改良。今由京兆尹公署教育科選各縣得力教員加以講習。又由省視學指導參觀京師優良之小學以便仿行。

霸縣組織二年師範講習所

京兆各屬學校以霸縣爲最發達原擬就高等小學畢業升辦中學仍附高等小學部視學意見以爲開辦中學不如增設二年師範講習所即將高等小學畢業年齡較高者及有小學教員入所講習。

第二部入學資格

凡一年半簡易師範畢業及高等小學畢業又入師範講習一年畢業者皆得與考。與中學畢業生均入第二部。你仿照直隸辦法變通部章經部咨核准。

北京師範學生野外演習野戰兵操

東軍幕宿大湯山。西軍幕宿小湯山。戰鬥地在蕭家莊一帶。

第八十五章 社會

京兆各縣。通俗圖書館。建置於公園之中者。以通縣、密河公園所設爲著。水環三面。柳植四圍。儲藏通俗圖書略備。爲各縣倡。霸縣、武清、永清、密雲、三河等縣。亦成立較早。其他亦繼續籌辦。蓋通俗圖書館。爲圖書館最易舉辦者。如果公德日發達。則各縣必有大圖書館。有財力者。博采羣籍。任人觀覽。則地方學術必發達。通俗講演。早經傳習。由國庫補助。而各縣講演者。尙不甚發達。宜佐以音樂鼓詞及幻燈之類。改良年畫。苟辦理得法。且可以獲利。宜從印年畫處著手。則八千二百餘村。不難家喻戶曉也。

通俗講演傳習所 各縣選送學員二百人。傳習兩月畢業。四籍服務。

各縣通俗講演 城區二人。鄉區四人。至八人不等。

刊布講演彙錄 京兆尹公署。附通俗書說編纂會。月分兩期刊布。

注音字母半日學校 以傳習生爲講員。酌設露天學校。

通俗圖書館 各縣城均須設一處。務以京師教育部通俗圖書館爲模範。

閱報所 京兆尹公署。已頒發簡章。通令已成者。力加整頓。未成者迅速組織。

京兆教育之集會

京兆教育會 設於京兆公立第一中學校內。會長常川往會。經常經費極省。由京兆尹公尹歲補助六百元。請定留歐美專額三名。留東七名。尤爲有益。教育行政會議 集合各縣各公立學校教育行政人員。會議教育進行事宜。係由京兆尹臨時召集。

各縣教育會 各縣多虛設。薊縣補助教育最得力。各縣最缺乏者有二端。研究學術 關於小學教科。鄉土實用。鮮有合羣討論。著之學說者。

交納會費 入會費。常年費。繳納者十無一二。不能合力創一有益之公舉。

京兆出版物

京兆公報 公署發行。每月四冊。順義公報 每月三冊。學警自治人員組織。

京兆新報 民國七年四月二十九日。在公署立案。

山居瑣言 薊縣王翼之著。留心樹藝。加意培養。足資應用。

京兆新著作 通縣志。永清縣志。均設局纂修。

第八十六章 學款

京兆學款。總共歲出三十八萬元。各縣有地方款項。審核會。區董。勸學所長。警佐。辦理自治人員。商會會長。會計經理處。經理員。共組成之。而教育爲其一股。與自治財政警察並重。以稽出納。有違章舞弊者。得呈請縣知事查辦。順直省議會咨地方學警費。有每畝加銅二三枚或四五枚。嗣後徵收銅元。仍開發銅元。並將收支各數。張貼學校警察所。及莊村集鎮。使人周知。以昭核實。然的款以基金爲最難。公產學田尤重也。

大興 出入多係中交紙幣。結存自治之款。作通俗講演之款。

宛平 湯知事利用煙苗罰款。立七八區師範講習所。

涿 前任朱知事。借勸學所高小基金。交商會辦平糶。延宕未還。勸學所呈催歸款。

良鄉 學款多各校。自行經理。已成習慣。遽歸會計處。徵解支領。均覺鞭長莫及。

房山 地方視學款爲利藪。互相爭執。學款轉因以低減。學校無從推廣。

通 歲支三萬一千餘元。以隨糧帶征及青苗合款爲重。戲捐牙行捐糧捐等次之。

三河 大秋習慣放假。學費按三季交納。學生納費。按地畝爲差。不及十畝免收費。

寶坻 年荒費絀，勉力支持，亦見熱心地租、房租、利息、學費、攤款，或各校自行經理。

薊 武營公產廟產有地一頃六十四畝，鄉學有荆條捐、硝捐、冰塊規費，縣中用。

香河 高小地租，足用有餘，各區有線捐、豬捐、廟會地皮捐、水災，後得牙行附稅。

武清 地方附加稅多至六項，雜項稅捐多至十五項，而學款收入亦在萬元上下。

安次 舊有文昌會之目，路家營、落堡、葛漁、舊州堤上營學校，每年皆有基金生息。

永清 仿安霸增牲畜附稅，國民學校每人給教員津貼五角，女學加倍，以示提倡。

固安 無虛領虛解，出入款項均以現洋為主，制錢銅元按市價合算。

霸 縣捐教育費，撥用充公款項，以為提倡，各區高小收學費，青苗會加費較多。

平谷 棉花捐酌加四文，以濟學款，將來教育團公有林成林，基金必富。

順義 國家補助講演，高小有發商生息基金，帶征不敷，由各村自行籌辦。

密雲 稅契、串底、戲捐、代徵學款、乙種實業、中輟、屯豆折價充作女學經費。

懷柔 高小公款息、公產租、模範公款、女學公產，皆有基本收益，勸學所雜捐果捐。

昌平 民地隨糧帶征，每畝銅元二枚，旗地能仿行，收入自倍，現歲支一萬八千元。

第八十七章 勸學

京兆各縣均設勸學所。然勸學所長多數熱心興學。對於各鄉學。或乏統制之實力。仍視地方官爲轉移。京兆尹篤志興學。各縣知事一致進行。雖遲速不同。尙無退歛收縮之象。不比他省有督軍爲教育之阻力也。通縣議定每有百戶之村皆須成立學校一處。居是村者。凡有土地三十畝之家。所有學童均須納費入學。其納費則比例財產之多寡而定責成。各區董村長皆遵照辦理。由七十校增至百八十校。可爲法也。

大興 縣署東南城隍廟。地方會計經理處亦設於此。不愧爲勸善設教之地。

宛平 縣署之東。知事湯銘龔所長崔畏三。近年拓充小學五十餘處。得警察補助。涿縣 勸學所於教育費歲有增益。

良鄉 知事親查鄉間學校。不辭勞瘁。精神頗振。惟水災以後。艱於進行。

房山 地方官不敢厲行干涉。紳士互存意見。師範生回籍考察。以爲不如前清。

通縣 知事李杜推廣國民學校百十餘處。獎銀質棠蔭章。教員股員亦盡力襄助。

三河 知事汪仁博調查公款干涉私塾。推廣學校。力求進步。

寶坻

知事勸學所調查公產五六十處。可拓小學五六十校。水災奇重。遂成畫餅。

薊縣

知事茹臨元。教育股員衡信。盡心擘畫。公款公產。必據勸學所教會報告。

香河

知事翁之銓。推廣國民學校。由十四處。達五十五處。學生三百增至千六百。

武清

知事楊年。提倡得力。露天學校亦成。

安次

知事陸嘉藻。教育所長張培度。勇於任事。

永清

所長魯蔭槐。熱心興學。成績卓著。給金色獎章。勸學員楊敬輿。褒狀。

固安

獎勵私立學校施行細則。未設學校村莊。由勸學員切實勸導。由縣款補助。

霸縣

知事唐肯。增國民學校九十餘處。半日學校百處。獎金質棠蔭章。

平谷

僻居深山。勸導不易。先從改良私塾入手。

順義

知事唐玉書。勸師範講習所。乙種農校。推廣國民八十校。獎五等嘉禾章。

密雲

奇零村落。設學爲難。奇零地畝。亦請免征學費。主張嚴格整頓。

懷柔

支配校數。籌備校址。整頓學款。劃一教科。劃一校具。考試整師。均得要領。

昌平

知事局長。捐賞興學。爲一邑倡。有翁朱私立國民學校。所長曾習優級師範。

第八十八章 視學

京兆視學二人常駐京兆教育會。日至京兆尹公署教育科辦公。每年巡視二十縣。每人十縣。次年彼此互易。是以兩視學無不周歷全區。且徧歷村鎮。蓋除假期外。約計月至一縣。可以從容考察。指導改良。比部視學一人察數省。省視學每人查一道數十縣者。實加密焉。報告進行狀況。足資策勵。今彙擇各縣各校成績之優良者。揚榘之。願在核職教員。集衆人之長。以垂範焉。

大興 首善之邑。教員易得。高小教員。多由京派往。

宛平 勸學員下鄉奔走勤勞。爲地方任事。多能盡心。

涿 女子國民學校。有良好模範人物。耆德康疆。後起之保姆。有陶冶新國民之力。

良鄉 各校純恃本村公產及學費。無求於縣。基本較固。但縣署整頓之力亦較薄。

房山 退化原因。以學類低減。地方官又純取放任主義。遂無以維持。

通 理科儀器畧備。積極進行。新立各校。仍重讀經。商民仍以百家姓雜字爲必需。

三河 小學教員講習會。批評記錄。尙能實心研究。頗多見到之語。

實坻 地方素重讀書。高小歷史課特詳。水災後私塾仍多。鄗莊鄉校。因漁業拓充。

薊縣 高小三級教室。引敞。書器畧備。鄉學國文能自動。邦均鎮升學。朝氣正濃。

香河 高小管教合法。學生甚少。第五區打鵲戶村國民學生。不及十齡。講演明快。

武清 高等小學多至十處。女子高等小學二處。國民程度。實比他縣較高。

安次 講演員已核減。通俗教育。遽難發達。學校尙樸。

永清 高小添聘武術教員。

固安 夙學尙實務農。近年學生向學者多。

霸 理科用品。設備可觀。爲他縣所不及。師範講習。由高等小學升。科學智識完全。

平谷 假期講習會。備教員研究。塾師傳習所。照章改良。優者給獎金。尤嚴禁曠課。

順義 高小暫租民宅。牛欄山高小。改居廟宇。學生能校正教科書誤。處足見細心。

密雲 教員輯高等小學教科集字。釐正字體。練習學科。一舉兩得。著學務進行錄。

懷柔 開辦教育觀摩會。且試辦苗圃栽樹種桑。漸趨重於農學。勒令學生剪髮。

昌平 高小校風尙肅。模範國民業。已次第剪髮。辛莊有麥假。塾師傳習。庶幾改良。

第十九篇 實業

第八十九章 農場

京兆農林總局。在安定門外地壇。京兆農會。附於西什庫京師農務總會。農作場悉交各農會管。前明皇親駙馬公侯內監莊田。清初給八旗將士。無王荒田。避兵流散者亦圈佔。嗣因八旗拱衛京師。由部遣官圈佔。近京五百里內民田。開除糧額。分給旗丁。將遠處莊田撥補。人民畏懼。有帶地投旗爲奴。即除糧歸旗圈。及內務府官莊。五千餘頃。宗室莊田共萬三千頃。八旗圈地。十四萬頃。旗員性懶。歸民人佃種。不得增租奪佃。佃既多。漸成民田。宗室照原租十倍變賣籽地矣。

土壤 沙質壤土最多。山中粒質土多。不能種蔬菜。能栽果樹。黃土或優於黑土。淤泥 決河放淤。以肥其地。只圖私利。不顧公益。宜加禁止。寶坻鰱魚洶多。淤肥水田。西山之東。農校一帶。播江南之晚稻。收穫最良。寶坻水災。收成只五分餘。旱地 民間以靠天祈雨爲事。近年收成。昌平只五分。懷柔六分。耕地多用驢馬。經濟 京兆經濟模範農場。先由順義武清試辦。總以不失原投之資本爲目的。

京兆農產物

香稻 玉泉山爲最。即早稻，又名御稻。初由豐澤園植玉田種。兩種而兩熟。

香河稻 有粳稻、糯稻、水稻、旱稻、四種。然南方呼稻米。北方則呼爲粳米。

齊頭白 大白芒。皆京師農業專門學校認定嘉種。昌平優米房山紅稻並佳。

石窩稻 出房山。色白味香。雖盛晨經數宿不餿。昌平趙各莊黏蟲能害稻。

雜糧 粟即高粱。黍即小米。稷即糜子。豆類則黃豆青豆蠶豆。京西六郎莊爲盛。

菸葉 昌平最優。但油分較少。初白浮山爲良。後城中尤勝。

京兆農產物之籽種可改良者

美棉 可紡細紗。結實亦多。惟遇風沙。品質稍遜。宛平各村。領美棉種已一萬斤。

美麥 本地每畝收麥三斗。美麥可收一石四五斗。又美國玉蜀黍。可代小麥麩。

纈麻 即線麻。京兆農會試驗場。年來試驗成品極佳。將來可代絲織品。

蓼藍 野生者多。京兆農會試驗場製靛。並以化學分析。造各種染料。

糖蘿布 可大三十餘斤。宜於製糖。京兆各地皆宜。日耳曼種也。

第九十章 林場

京兆造林以六十萬戶計。歲可增六十萬株。西北各山蘆筍響斷。何處榆林。羌笛吹來。無復楊柳。蒙古大沙漠風力。遂輸送風沙。五百年後。將變爲沙漠。且有伐昌平陵樹分肥者。有盜伐堤柳者。京東泛濫。其遠源皆來自長城之外。不涵養水源。則歲歲患潦。既無大森林以吸收水氣。以致雨。則歲歲患旱。然北方竹林極少。而昌平城東麻子港甚繁。且有竹筍可食。亦在人力而已。京兆種樹。欲成巨材。則剪去旁枝。獨扶正幹。所謂強幹弱枝也。欲蕃枝條。則去其中幹。因悟中央集權。地方分權。作如是觀。

京兆林產物之著者

香椿 京西最香。京東則少。乃土質之關係。春日椿芽。用爲蔬菜。

胡桃 其木甚堅。可以雕刻玩具。檀 白檀非嶺南檀。香伐爲車。檀州以此名。

馬纓 紅花覆綠葉上。如馬纓然。又名夜合槐。京兆道旁之。用以點綴風景。

銀杏 即白果樹。潭柘寺之白果樹。俗名帝王樹。其數與帝王相應。合抱而爲一。

桑 樓桑之榘。倍於恒桑。房山所產山桑曰麋。又有柞樹。亦可放山蠶。

馬尾松 即果子松。形如馬尾而常綠。生盤山者以百萬計。石罅中作老龍形。

黃松 凡建築棟梁。以黃松爲最。四山多產之。其質較細。楸檀皆產於盤山。

白楊 多用之以爲壽材。將來可作爲火柴之桿及牙籤。或名楸。別有青楊一種。

翠柳 專爲堤路之用。鐵路兩旁。漸已成陰。房山河柳。古之種也。

楓 爲裝飾品之材料。 栴 順義縣所產。有南栴園北栴園。

榆 爲樹莊前後美蔭。每多歷年所。固安昌平多刺榆。 婆羅樹 香山臥佛寺。

柏 古廟古墓附近多有之。寶坻朝霞村古柏。爲後唐趙德鈞鎮盧台時手植。

京兆試種各林產

德國槐 發生最速。西什庫夾道。早已成林。京兆造林場。在安定門外者十萬株。

欖櫟 薊縣上方最古。房山懷柔名曰橡櫟。子爲橡斗。可染皂。木可爲梳皮。有膠。

京兆森林事務所。設於地壇林場四所。分技術事務二部。訂夫服務規則甚詳。

一 安定門外土城 二 蘆溝橋 三 小黃林西山 四 密雲

京兆教育團公有林 總事務所。在京兆教育會。分事務在各縣勸學所。

第九十一章 蔬圃

京兆地方。距京師愈近者。需用蔬菜愈多。是以附郭蔬圃。比農田尤多。每菜園一畝。其價值。或什倍於薄田。其蔬產之價值。亦什倍於穀麥。所以種蔬者種類實繁。然農夫但學爲農。未學爲圃者。歆羨其利。而不敢改業也。蓋專門之中。又有專門。蓋蔬圃所施肥料多。人工亦多。凡性懶力薄之人。不能爲也。如韭菜根須植之多年。年年割之。年年壅肥以護之。其他或輪種。或移種。法各不同。學爲圃者。聞老圃之經驗。惜乎不能筆之於書也。京兆農會之試驗。視蔬圃尤重農田。有地八十畝。種蔬者居其泰半焉。

京兆蔬菜種類之佳者

葱 最長者二尺許。出西郊。蒜 有紫色種。出順義。

黃芽白菜 堅實細膩。古之菘。能耐寒也。有日本法國兩種。俗名洋白菜。

茄 最大者重三四斤。

菱瓜 最大者重十四五斤。

豇豆 最長者有十八粒。

橄欖 來自張家口。至二三斤即裂。不如張家口有重四五十斤者。昌平作孛藍。
柿子椒 辣椒紅色。與柿子畧相似。

水蘿蔔 冬日用之以解煤毒。以西直門至海甸一帶所產尤美。

芫萎 一作胡萎。產固安最香。昌平志作蕪萎。都人呼爲香菜。

碧蓮 俗名甜菜。或作蓼菜。平谷多產之。

蕪蕪 冬日種。至春日起蕪。俗名油菜。

蕪蕪 固安通作蕪蕪。

菠薐 宛平鄉人或呼爲紅根菜。即菠菜。

蔓菁 盤山所產。即諸葛菜。野蔬最早。其根苦。詩所采之葑也。

薯蕷 即山藥。又有甘藷。即番薯。良鄉涿縣山中。或種之以代糧。

木耳 昌平銀山木耳最著名。

蘑菇 盤山有松蘑。黃色。延壽蘑。紫色。涼蘑。白色。近於長城者曰口蘑。

龍鬚菜 盤山所產。即知母苗。 屈麻菜 順義志特產。

第九十二章 花園

京兆地方居民。雖三間茅屋。半畝庭除。婦人孺子。亦喜種花。家庭最易繁殖。其花高大。其子衆多。且可爲兒童食物。宴客果品者。莫若葵花。秋日黃華。比於嘉穀。菊類不能及也。自京兆以北。真能耐朔方之風土者。亦惟葵花也。鳳仙爲染指甲之用。雞冠花則着而彌紅。皆華而不實。紫藤花在夏日多陰。冬日落葉。可代天蓬。菊花惟身閒者種之。至於水仙。仙人掌。但供几案之用。公園農事試驗場所種。品彙繁多。曰榆葉梅。曰夾竹桃。皆取名之類。似花匠營業。芍藥。牡丹。玫瑰。末麗。皆獲重利。栽花如種田也。

京兆名花列左

芍藥 產豐台駱駝莊之間。分銷津保一帶。鴨子張一家歲獲數千元。計種花十餘畝。冬日以葦子作風障而已。

龍眼蘭 天橋水池中種之。生極速。開紫藍花。各縣鄉間。多有之。

梅 京師右安門外十里草橋。居人以植花爲業。梅無大本。僅植盆中。
蠟梅 隆恩寺小軒。蠟梅一株甚大。江南亦不多得。

海棠 宛平有西府鐵莖二種。薊縣有長葉鐵梗二種。

玫瑰 宛平西山妙高峯賜臺峯有玫瑰花田。輸出熬糖泡茶。獲利甚豐。

小繡毬 盤山石罅中其花攢簇如毬。潔白可愛。但不可移。移之即枯。

菊花 盤谷幽菊。黃而大如葵。城市中之種類。經花匠橋樑造作者。不足比也。

八仙 昌平十三陵多產之。一名避露。

牡丹 五色畢備。赤白尤多。昌平人秋分折其枝。插之。次年必活。且花

荷包牡丹 高麗營移白朝鮮者。今各地多有之。

丁香 昌平以北山地高寒處皆可生活。有紫白二種。而白者尤香。

玉簪 固安有黃紫白三種。他處惟白種。昌平曰白鶴仙。

合歡 宛平呼爲馬纓。夾道植之。薊縣名曰夜合。又晚香玉。本西洋種。康熙賜名。

敷地錦 盤山所產。一名飯花。高尺許。花叢生。紅紫色。味甘可食。

胭脂花 通縣名草茉莉。昌平曰北茉莉。薊縣曰野末莉。

金銀花 盤山里塔峪最多。 罌粟 康熙順義縣志列云於花類。今嚴禁種。

第九十三章 工廠

京兆各縣工廠。由私人設立者。多在縣城鎮。而規模較大者。以新集鎮爲最發達。有利生祥紡紗廠。生大織廠。集粹顏料廠。資本雄厚。比於東南。皆蔚紳慮仲華所提倡。人民自設工廠。以研究力發明應用者。則推普通紡紗工廠。便於家庭工作。至於京兆工業傳習所。曾在地安門外京兆第一中學後院開辦。另在馬尾巴斜街開門。第一期學生畢業。成品尙優。惜乎中輟。改爲武術傳習所。官辦工廠。惟京兆尹公署後。京兆第一工廠。在分司廳胡同。爲各縣倡。霸縣貧民習藝所。爲各縣模範。通縣亦著。

利生祥紡紗廠。京兆各縣。所織愛國布。多購買洋紗。實無異於洋布。今調查最優之地點。建立紗廠。仿武昌無錫南通。著名大紗廠規模。拓充招股。整頓進行。

生大織廠。京兆鐵工。大抵僅能錘作粗器。鍊鋼者亦僅有刀剪。今織廠仿造外洋翻砂各種機器。他日拓充京東鐵路。徑達熱河洮南者。亦擬自造。

集粹顏料廠。京兆原料饒富。藍。槐花。紅花。胭脂花。各種植物。可爲染料者至多。經始數年。工藝純熟。出品精良。足爲國粹。

普通紡紗工廠 自宛平縣西嘉興寺創始。龐各莊、清河鎮、次第傳習。所用平谷黑子棉，每寸有八百纖維。其色微黃，能紡三十二碼以下等紗。農事試驗場試驗所產之棉，與平谷同。其香河、三河、武清、通縣、順義、大興、宛平、楊村、蔡村所產棉，每寸均有七百七八十纖維，能紡二十四碼以下之紗。湖北、陝西之棉不如此之密。

八旗第五工廠 健銳演武廳 八旗第九工廠 包衣旗校場

大同工場 通縣西大街又有貧民工藝傳習所。

京兆第一工廠 京兆尹創辦。注重工事教育。教授室課程。首重法文。次重圖畫。以便留學法國。工作求學用意至深。金工科冶鐵機械。將來可資深造。地毯科成績甚優。出品尙少。印刷科鉛印公報石印地圖。均可獲利。紡織科規模太少。染色尙未設備。流動資本不足萬元。預算經費有限。似應注重一二科。庶可獲利。

霸縣貧民習藝所 縣知事召集區董開會。議決從青款加收銅元一枚。作為專款。分等歲捐各村小米。以資補助。暫籌流動資本三千元。採辦原料。

霸縣工藝傳習所 附設造紙工場。

第九十四章 發明

京兆工業尙無最大新發明。而古者三大發明。皆在京兆地方。涿縣城中土臺。舊傳黃帝發明指南針之處。今西人測天量地。飛機潛艇。舍此不辨方向。是爲世界第一發明。居庸八達附近。所遺鐵礮。列宋元年號。名曰大將軍者。足見吾京兆人有發明火藥能力。今鐵路山洞山道。多由炸藥轟開。不假西洋工師。雖煙火遊戲。不如機關槍礮。然有不殺人之仁德。是爲世界第二發明。明永樂宮門抄京報。即用活字版。清時聚珍銅版。比鉛字排印尤精。足以發展文化。是爲世界第三發明。今新機日出。後生宜自奮也。

京兆最近之發明

童婦紡紗微力機 沈德銓發明。一人可紡六線頭。婦孺力小者可學。亦可紡毛。二十頭合股線機 沈德銓發明。婦孺可不學而能。

以上二種。均經農商部准專利五年。現在宛平縣署西嘉興寺。設普通工廠。

電機墨油 王獻廷發明。與外貨同。爲電報機器必需之品。部准專利五年。

竹筆 大興傅善印。用中國毛筆廢竹管。發明竹筆。可蘸洋墨水。寫西洋文。

梨醋 懷柔山中產梨之處。凡梨之熟而墮地者。拾之以製醋。甘而微酸。卽西人化學果子酸之一種。宛平西山有製杏酸者。

京兆最古之發明

軒轅垂衣裳 平谷漁子山黃帝陵廟。相傳黃帝制衣裳自此始。今種棉者尤勦虞帝課灌田 房山西南五十里虞帝廟。舜北巡至教民浚井。并創轆轤以灌田。北周景泰藍 清康熙通州地震。北周舍村塔倒。發見景泰藍器。明以前早發明。豐台唐花塢 溫林溫室。冬日培養夏期植物。唐時幽州人所發明。今豐台最盛。唐石經榻本 石經山雲居寺雷音洞孔雀洞。鑄佛經於石壁。備榻。先發明石印。琉璃河釉貨 舊日窰貨無釉。五代時劉李二人在河濱發明。遂訛劉李爲琉璃。五桂堂木版 寶燕山五子刻五經。馮道稱爲丹桂五枝芳。五代發明家在寶店。無敵將軍礮 邊牆天津關廢鐵礮。號無敵將軍。野老謂爲宋初楊業所發明。齊家司水磨 宛平縣西齊家司。遠祖有金元間發水力機磨。在泰西水法之先。松花蛋 涿縣松林店人。用松枝灰醃蛋。晶瑩現松花。明末秘其法。專其利數世。

第九十五章 仿造

京兆各縣人民富於仿造之性質。利之所在。人爭趨之。昔在閉關之世。則摹秦仿漢。以爲膺鼎。而獲鉅利。甚至一字一畫。亦必仿照前人。且序明臨某碑。或仿某某畫法。藥店之遵古炮製。紙店之仿古精製。所仿者古也。於是工商以資格年老爲重。招牌櫃台。皆以年老銷磨剝蝕爲重。損殘守缺。若無價寶。比年舍舊謀新。知世界之趨勢。不可獨處於閉塞。摹歐仿美。或與歐美一致。然京兆地方所仿造者。究不如江浙等省之多。則提倡國貨者。當注意於製造也。

提倡國貨之仿造品。

紅日牌擦面牙粉 海甸瀛洲工藝社製。爲國貨。牙醫徐景文雷公牌均佳者。

玉泉山汽水 玉泉汽水公司製。嗜嘯外貨。絕跡於市。

寶坻愛國布 所用皆新集鎮自紡之紗。及天津廠紗。不用洋紗。

梅廠手套 近於天津。傳習極易。出品散布武清安次等縣。鄉下人工作最結實。

昌平捲煙 用昌平之材質。仿呂宋之形式。正在研究。不久當有大工廠出現。

京兆工藝傳習所 造各成品。

人造漆 去油水 印色泥

生髮油 牙粉

所造成品。每失之太多而不精。有化學、金工、木工、職工、四科。不如專精一種。勿用外國原料。母泥外國成法。苟獨有心得。而他人不能得。始可自立也。

京兆女子仿造西法美術工藝

女子圖書研究社 京兆士族女子優美生計社。社址在總統府南牆外。分科如左。

木炭畫部 水彩畫部 火畫部 油畫部 五色炭畫部

女子花邊傳習所 京師教育會提倡傳習分設多所。然近於天津各縣亦習之。

女子刺繡傳習所 霸縣城內。由花邊傳習所改設。歲補助二百元。

女子機器縫繡 勝家縫衣機器流傳極多。女子亦多傳習刺繡器亦備用。

女子織襪 織襪機器。初入中國。每架八十元。今中國自製者。每架只十八元。

各縣城鎮近於京津者。婦女多能用之。

第九十六章 商會

京兆各縣城多有商會。及商事公斷處。若長辛店、龐各莊、新集鎮、各鉅鎮、商業繁盛之地。亦組織商會。爲地方商人代表。凡慈善公益事。亦多由商會辦理。地方官長亦賴商會籌地方公款。比其他團體較有實力。各縣商會不分行。但有各行牙紀。京兆向總商會。因京兆最高之行政官在京師。設有京師總商會。未便複設京兆總商會。又全國總商會爲主體。京兆各縣各鎮。當然爲主體之一部。自可聯絡。借乎商智。未開商學。未明京兆地瘠人多。當如英倫由商業發展。願商會力爲提倡也。

各商會之公益事項

商團 請領槍械。力足以防盜。城鎮劫案。不如村莊之多。夜雇更夫巡邏。

水會 公置水龍激桶。各備水桶。襄助救火。

勸捐 凡紅十字會。兵災。他省水旱偏災。多由商會代收捐款。

會議 各行商董。應一致集議之事。皆於商會公開。

善舉 經理各處育嬰堂、敬節堂、粥廠、公款。保存本利。災區當商減息。深知大體。

各縣商業之比例

各縣商業盛衰老於商業者謂可以燒鍋家數爲比例。

通縣十七 武清十四 順義十四 密雲十二 寶坻十 薊九

夫興八 三河八 涿縣七 昌平七 宛平六 香河六

永清三 固安三 安次三 霸縣二 良鄉二 房山二

平谷一 懷柔無

菸酒公賣分局分設通縣長辛店武清昌平寶坻五處京畿水災停燒救濟

津海關分局

津海關分局所在地屬京兆地方者如香河商會籌款興學已著成效若各商會

致仿行於正課外酌加學款則乙種商業學校不獨通縣爲重也。

三河縣慈善會

知事紳商集捐二千五百二十一元發商生息作爲慈善基金施粥施醫藥種牛痘施積木設義塾修煖廠助賑務雖區董之責亦商家共負之責各縣義當仿行。

第九十七章 商品

京兆所需商品。由天津運入較多。洋布、洋紗、洋煙、洋油、充斥於各縣城鎮。果京兆自設紗廠布廠。俾產棉各縣。悉依美棉改良。則十萬萬之漏卮。可以塞也。就昌平等縣所產之菸。自立大菸廠。亦可抵制。開煤日多。電燈減價。由縣城推及各鉅鎮。皆設電燈。自可免洋油之漏。卮其他洋糖、洋酒、洋針、洋釘。均不難取本國之商品以代之。京兆所無或不能不取之於各省。京兆之貨。有益於民生日用者。亦應推行於各省。今將各省商人所售各省商品。擇要錄之。津滬商會但知販賣洋貨者不列焉。

山東 草帽。縲製新式草帽。宜爲夏日用。京兆各縣所製。不如山東之細。繭綢亦靱。
浙江 金華火腿。紹興酒。嘉湖細點。京兆人嗜之。京兆雖有醃肉黃酒。饜醇。不知也。
福建 皮絲煙之細。遠遇昌平。沈紹安。郭慶安。漆器之精緻。曾教授京兆工人。
安徽 六安茶。以京兆爲第一銷路。不必銷於海外。塞外。皖南方吳汪。已入京兆籍。
江蘇 江南絲織品。暢銷綢緞大莊。多由批發而來。蘇揚商人。包辦南席爲多。
江西 景德鎮瓷器。多爲洋器所侵奪。京兆鄉民。寶愛國磁。非都市洋派偉人所及。

湖南 湘繡在京暢銷。惟都市為多。瀏陽夏布。各縣城鎮亦多服用。

四川 建昌花板。製者滿漢。書材富貴人用之。藥材則川貝母為著。

雲南 宣威火腿。普洱茶。及白木耳。熊膽。大理石。藥材之雲茯苓亦重。

貴川 貴州綢質堅而值賤。硃砂出銅仁。而京兆人仍呼為辰砂。

河南 魯山綢 廣東 蠟丸

京兆商品運銷出洋者

草帽 髮網 最近仿照
山東辦理

京兆商品不發展之原由 因廣告之缺少。而洋貨廣告法亦宜取為注也。

仁丹 清快丸 倭貨內侵茶酒店有小
廣告車站城門更大 英美煙 派律脫強盜牌罪惡昭著
吸煙者奈何以身殉之

京兆商品行銷上海者

良鄉板栗 牛皮

京兆商品行銷坎拿大者

花生 花生油 豆 豆油

第九十八章 商場

京兆各縣商場。如京師、東安市場、勸業場、新世界、城南游園、賓宴華樓、青雲閣者。尙未及推設。惟各城各鄉之廟會。其商業之繁盛。或不亞於京師。隆福護國各廟會也。但鄉民慾望薄而需用少。是以每年但舉行一次。然每次或長至半月十日者。則籌備不易也。每屆開廟。各城鎮商人。或不遠數百里而至。或謂趕廟會。鄉俗淳樸。不敢言演戲。藉神誕以演戲。敬神者必遠來燒香還願。看戲者亦藉以尋親訪友。一時荒廟頓成鬧市。寺僧酌收商人租房租地之價。亦足一年之食。交易而退。各得其所焉。

東壩 京東糧食聚集之所。商店林立。收買鄉下糧食者。咸以此處糧行爲標準。

采育藥王廟 四月廿八。上月廿三。九月一。估衣行農具各用品所萃。

靈潭 又名白馬潭。密雲東北六十餘里。清乾隆建有行宮。殿宇弘敞。潭水不竭。每逢三月三月廟會。熱河境內蒙古人亦來交易。

西峪寺 又名西域寺。在房山縣西六十里。寺宇五進。凡二百餘間。左右有浮屠。朱門石柱。曾經游幸。每四月八日爲廟會。商賈聚集。

馬駒橋南娘娘廟。四月十五日獻戲。附近村莊皆以四月十五日爲大節。不以五月五日爲節。爲一方之特別風俗。

羊坊藥王廟。大興縣東南境。海子牆外。每年四月二十八日獻戲。附近村莊亦以四月二十八日爲大節。不再過午節。詎馬駒橋只十餘里。而鄉俗各不同。

東便門外高碑店娘娘之廟。五月五日獻戲。百貨。貧販走集。

董村。通縣西南。首駒橋北十五里。每日二斤十九日。觀音生日。在菩薩廟獻戲。昔前清嘉慶末。白蓮教林清。即此村人。因廟會集衆。號其教曰白蓮。林清婦爲滑縣人。至今土人有火燒董村。礮打滑縣之語。廟壁燒痕尙在。革命之前驅也。

西集鎮。通縣市集。有高等小學校。藉本鎮斗秤捐。大小牙行捐。糖市捐。牛肉攤子捐。歲入一千二百元。尙虧三百元。學生因廟會放假五日之久。

小湯山。創設集市。征收斗秤牲畜各稅。豬三分。騾馬半。驢各二分。蓋建馬路通電。話以後。商號逐漸增多。市場日漸繁盛。但有在湯山旅館及鉅宅。售吸鴉片。各京師各報。譏小湯山爲火礮山。人言可畏。願富貴驕奢者。稍自斂跡也。

第九十九章 銀行

京兆地方銀行已成立者。有大宛農工銀行。在京師宣武門內東城根。爲各省各縣之模範。全國農工銀行籌備處。即設立於旁。各省各縣已設之農工銀行。即於此統計焉。通縣農工銀行。開辦最早。成績卓著。昌平農工銀行。亦已得人。開辦難而籌款次之。中國銀行。交通銀行於京兆所屬大縣鉅鎮。設立匯兌所。以便經理國庫收款。無大利率。是以收縮不能遽及各縣也。海甸、新集、密雲、牛欄山、商業交易。或勝於小縣。匯款存款。尙未有大宗也。

中國銀行

通縣 磁器胡同 霸縣

海甸

涿縣 密雲

牛欄山

交通銀行

通縣 鼓樓北大街新集

海甸

以上各處匯兌所。皆略似支行雛形。通縣較盛。

通縣農工銀行

三河香河平谷農工亦有至通縣者。

昌平農工銀行

懷柔順義密雲農工亦有至昌平有。

地方款項存儲銀行之便

各縣設地方會計經理處。惟通霸兩縣完全照章。秩序井然。其地有中國銀行。而商號亦殷實。故易於辦理。若香河寶坻良鄉各款。多散在各機關。固安款存縣署。未能撥存指定商號。涿縣則曾附於警察所。永清則曾附於勸學所。徒擁虛名。蓋國立銀行不能普設於各縣。地方款項稽核終不易矣。

地方銀號錢店。近於銀行者

平谷縣城商號最少。猶有寶益永一家。地方款項由地方會計經理處指定存儲。蓋財政不能公開。必起若大風潮。若能即日榜示。分別劃割清楚。則地方紳民無不悅服。

第一百章 貨幣

京兆貨幣。如財政部平市官錢局所出之銅元票。即明標京兆二字。有拾枚。式拾枚。肆拾枚。伍拾枚各種。都人以拾枚爲一吊。天津人則以伍拾枚爲一吊。惟三河縣人。獨以拾陸枚半爲一吊。與各縣異。外縣流通貨幣。以站人洋爲多。龍元次之。銅元亦通用。鄉間仍有制錢。或以制錢八文。抵銅元一枚。外國奸商。多赴僻壤收買制錢。毀以爲銅。獲利至鉅。京師中交兩行鈔票。鄉民用者極少。即現洋票不論爲天津。爲張家口。爲外國銀行。鄉民皆不信用也。

東錢 順義稱銅元十枚爲六百。原以小銅錢三百三十文爲一吊。即京制錢一文當二文者。現順義每銀一元。換東錢八吊有餘。京北各縣。多如此計算。

老錢 昌平不用東錢。而用老錢。一吊合銅元百枚。即京師錢十吊也。

京錢 兩吊京錢。合壹吊老錢。而三吊東錢。合一吊京錢。爲京北計算簡法。

私錢 昔年雜入東錢之內。比官錢輕而薄。

制錢 中外奸商。銷燬殆盡。市井猶存其名。鄉農節儉。聞有儲數十年未用者。

大錢 老錢壹吊。即大錢拾吊。今以銅元拆合之。

以上京兆之錢名。

錢票昔甚複雜。各縣商家自由發行。國家不過問。可見前清不與民爭利也。

當商 布店 糧行 煙店 雜貨店 皆可出東錢票。今收拾盡矣。

銀塊明日現貨極多。自銀元行。各縣現貨亦少矣。京兆地方各縣平色亦不一致也。

元寶 寶塊 銀錠 松江 其平色有 京平 市平 公砬平 庫平

紙幣尙未有確實信用。距京師百里之地。雖兌現之銀元。票商家亦不樂用。

銀元通行於京兆地方者。

京師所通用者亦通用之 袁世凱頭 北洋造 站人

上海或外省通用者次之 鷹洋極少 各省造 大清銀幣 北洋機器局造

徵收均用現洋

自京師中交停兌。紙幣價格益落。收支報解各款。漸改現金。而俗稱現洋。惟北洋造者。名義較協。各縣款。皆以解款作抵。冀免受京鈔跌價之損失云。

第一百零一章 公司

京兆各屬之公司。當以京西之煤礦公司爲鉅擘。如門頭溝煤商。能分立七十二窰。不能合組一煤礦公司。豈非吾民乏共和之道德歟。抑未受完全專門教育。無工師之技能。無營業之智識歟。商家見官場學界組織公司者。皆以騙局視之。莫肯投資。蓋前轍屢覆。資本家相戒。其謹厚者。自營田宅。其不安於鄉里者。則存款於外國銀行。而中國人自辦公司。亦往往私借外款。行與言相違。當提倡國貨之時。有外人譏都人之所食之米。所用之煤。亦非完全國貨者。國人當瞿然自儆矣。

門頭溝煤礦公司

通興公司 設於前清宣統二年。係華英商股合辦。除在門頭溝設立採探礦場外。別立營業部於天津礦廠事務。悉由英工程師掌之。直井一。深一千餘尺。有升降氣機。工人日三角。晝夜分三班。各作工八小時。出煤多則五百噸。少亦三百。近采大桶黑煤。供京津家用。每噸成本一元。售洋五元。全場日支約七百三十元。有輕便鐵路。由礦場達車站。再由火車運京津。每噸每里運費約二分。

裕懋公司 民國四年立亦有英商股初鑿龍門坑爲水淹改換商人在石塔鑿

一井見煤三層設施未備。

宛平礦稅局 調查小煤窰七十二計分十三窰所採者只六窰一小白煤窰屬

天恩窰二窰煤屬人和窰三腰石窰屬義興窰四大窰即通興公司五明煤大

窰六青交窰大抵運銷京師長辛店一帶。

齋堂煤礦公司

興業公司 鑛區在青龍湖其旁黃土坡有長勝窰天益窰皆出煙煤可煉鐵

大建公司 鑛區同前在衆山中交通不便不如門頭溝有鐵路也。

其他小窰 入地不深遇水即止小西天黑豆港裂縫溝馬蘭大槽大麻等并著

裕華蛋粉公司 在琉璃河收各站雞蛋製成蛋粉運銷出口黃村亦有此類公司

玉泉釀酒公司 設於海甸兼製汽水頗能暢銷。

昌平砂石公司 白廟香堅兩村擬合股創辦但前作五股採運爭執未已。

義成運米公司 每石報効一元共報効賑款二十五萬元。

第一百零二章 組合

京兆當經濟競爭時代。小本營生者危。機械輸入以來。人工勞動者危。組合產業。拯救社會。爲共和之政本。亦實業最厚之實力也。海禁大開。大資本家。大企業家。摧殘社會。不在國內而在國外。彼方挾其金錢萬能。蒸汽萬能之勢力。吮吸我國民之脂膏。我國民既不能獨闢良方。以圖制勝。亦當模倣成法。以期抗衡。梅厰村爲自治模範。先組織華新有限信用購買販賣組合。試辦簡章七十八條。以圖經濟及產業之發達。殊與社會生計有益。孔子曰。自古皆有死。民無信不立。一村組合。其全國之初基歟。

華新有限信用購買販賣組合簡章大要

區域 武清第五區村莊爲區域。總事務所設在梅厰村。

組合 組合員須七人以上。法人亦得爲組合員。以居住本組合區域爲限。

股金 每股十元。先繳一半。五個月繳齊。逾期不繳。作爲儲金。

準備 準備金與股金總數相等。每年贏餘四分之一充之。以足額爲止。

機關 理事三人。監事三人。均由總會於組合貨中互選。理事三年。監事一年。

理事 經理組合一切事務。得雇用佐理員。對外則爲組合代表。

監事 監察組合財產。理事執行業務。財產發見危險。得召集總會報告。

總會 通常每年一次一月行之。臨時會由理事監事認爲必要。或組合員請開。

開議 五日前召集。組合員半數以上開議。理事因事不到。推監事一人代理。

報告 理事前七日。應提出財產目錄。借貸對照表。報告書。盈餘處分案於監事。

事業 以陽曆爲年度。執行事業。分信用購買販賣三部。

信用 組合員或非組合員借債時。理事應調查其信用及用途。而定債額。

借債 應在一年至三年。利率二分五厘。必有相當保證人。或担保品。

儲金 每款銅元十枚以上。月息一分五厘。利息每半年加入原本。

購買 農工教育及總會議決其他物品。理事調查社會需要而購買之。

販賣 理事在適宜時間。調查生產物品。組合受取物品。應檢定等品。量數價格。

盈餘 盈餘非除去應充準備金數目。不得分數於組合員。盈利每年不過三分。

填補 填補損失。先用特別儲金。次用準備金。

第一百零三章 洋商

京兆無通商口岸。然京津之間。外人往來甚多。雖非通商口岸。而鐵路附近。洋貨易於灌輸。洋商利用華人包辦。如美孚洋油。亞細亞洋油。無一站不有華商爲。外商推廣銷路。仍用其招牌。英美煙公司亦然。倭奴營業眼光尤小。如鼠洞蟻穴。無孔不入。順直省議會。因日本浪人輸入嗎啡。夾帶詭密。始在商埠暗消。繼假游歷之名。分赴各縣。躉售或租屋盤踞。或時往時來。地方官不能取締。外人畏難苟安。不加過問。甚至接濟土匪槍械子藥。引誘奸商販米出口。國恥攸關。漏危可懼。倭奴毒我國民。當伸大義拒之也。

順直嚴禁嗎啡辦法九條

- 一 令關卡鐵路等處。各該管官員嚴查販運嗎啡者。一經發覺。按法懲辦。
- 一 許人民得告發販運嗎啡者。查實酌予獎賞。以助該管官檢查所不及。
- 一 令縣知事責成巡警官員嚴查所屬區內嗎啡販賣。或施打窩戶。及嗜癖者。拘案按法懲辦。准用煙案罰金充賞。以獎勵之。倘巡警官員。知前項犯人故意縱釋者。卽按嗎啡罰例第六條治之。（布告除商埠外。勿得容留日人。違背約章。）

- 一 令縣知事責成巡警官員於所屬區內會同各村董挨村調查有無嗎啡販賣或施打等窩戶及嗜癖者填著呈報以免有漏脫隱匿之弊。
- 一 令縣知事於訴訟發見確有嗎啡嗜癖者弗論何項訟案先處分其嗎啡罪例第五條之應得罪(日人入境驗明護照加竟稽查并召城鎮旅居日人出境)一令縣知事按照境內嗎啡延布情狀以酌定絕盡之期限至於須否設置調驗所或戒除所由縣知事自酌辦之其所辦事實及禁絕情形須據實詳報。
- 一 辦理嗎啡之方否定爲縣知事之專條考成分別獎懲之由省區隨時委員到縣履查務得確實倘知事有意敷衍辦理不力者嚴予處分之。
- 一 許人民知有嗎啡販賣或施打等窩戶及嗜癖者向縣署或警局告發之查實立即懲辦一面銷量給賞以示獎勵倘誣控不實則及坐予罰。
- 一 許人民知巡警官員對於嗎啡販賣或施打等窩戶及嗜癖者確有故意縱釋事實得向縣署告發之查實立即懲辦一面酌量給賞以示獎勵倘有誣控不實別反坐予罪(日人游歷於保護中嚴行監視交涉爲釜底抽薪之計)。

第十九篇 交通

第一百零四章 環城鐵路

京兆尹治環城鐵道。有正陽門、東便門、朝陽門、東直門、安定門、德勝門、西直門、各車站。所經崇文門不設站。因距正朝門甚近也。環城鐵路環內城之三隅。如西南一隅。則環城鐵路未及聯合。如西便門。但有京漢路火車往來。宣武門亦不設站。蓋崇文宣武有京奉、京漢、貨車分軌。裝卸灰煤。其他各門。則因環城鐵路交通。始設灰煤廠。蓋鐵路本以運煤爲大宗。日日消耗。則日日必須運貨。環城皆京兆地方。現四郊尙屬京營步軍統領管理。環城鐵路不另設管理局。而附有京綏枝路。因路線不長也。

環城鐵路。何以不環外城。

環城鐵路利用者。惟東北之朝陽、東直、安定、德勝、四門。此四門城內皆街巷稠密。城外亦有大街、商場、馬路。若外城除永定門有京奉鐵路、京苑鐵路、廣安門有京綏鐵路外。左安、右安及廣渠門。大抵城內亦多菜園、荒地、墳墓。城外民居尤少。客貨必比內城更少。是以勘測路線。不繞外城。

環城鐵路建築大事

勘定路線 由西直門經德勝安定東直朝陽四門至通州岔道與京奉接軌。
拆改角城 內城來北角本直角形外限護城河不便轉旋拆城通軌界以新牆。
填築路基 城外地低加高鋪軌撥用官民土地房屋內務部步軍統領協助之。
招工投標 按土方計算在工員司勤奮從事不誤要政。
修工甕城 四門甕城皆拆開通軌仍留外樓兩旁砌石梯以壯觀瞻。
建築時期 豫算半年一切工作完整又需半年。
開車日期 民國五年一月一日即洪憲改元之日也。
行車事宜 前門票房即借京奉車站不另設機關。

環城鐵路今日狀況

京綏利用 京綏客貨至西直門多乘環城路至前門旅館多在前門接客者衆。
外館利用 城北市集以黃寺外館爲重蒙藏貨物所萃利用環城路向前門。
乘客狀況 乘客不多因需久候惟居近城門之商家利用之。

第二百零五章 京奉鐵路

京奉鐵路在京兆地方之幹路。有前門通州又道。永定門、豐台、黃村、安定、萬莊、落垡、楊村等站。又有京通支路。或擬延長爲京熱支路。北出順義、懷柔、密雲、古北。或擬東出三河、薊縣。蓋京津之間。鐵路不取道於武清、香河、兩縣。以聯於通縣。因其近於運河。防泛溢時爲鐵路害也。然鐵路一改。不經縣治。原有縣治。遂不如大車站之繁盛。不如京漢。猶貫串良鄉、涿縣也。論新地理者。欲移大興治黃村。并擬移安次治廊坊。武清治楊村。於行政可收敏活之效。蓋鐵路沙道。形勢爲之一變也。

京師前門車站 即京師正陽門之東。俗名東站。車票則寫北京前門。京兆所屬。不但南路武安永固竊取道於此。而京東五縣。亦由京通支路往來焉。

通州又道車站 京東通三寶薊香五縣。及京北平谷。亦取道於此。

永定門車站 軌道高於平地。鐵路橋正當大路。爲車馬所通行。

豐台車站 豐台爲京奉京漢京綏三路會車之所。然京奉首先成立。正當主幹。京漢修支路相通。京綏亦由此起點。皆爲京奉之羽翼而已。

黃村車站 上車之客以大興南鄉龐各莊榆堡之客爲多。

安定車站 站北青雲店站南禮賢鎮其客貨由此上下。

萬莊車站 郵路北通采育馬駒橋南通舊州鎮南寺堡鎮。

廊坊車站 安次入京之要途正在京津之中權。

落垡車站 武清出入要道。郵路南通皇后店。

張莊車站 正當凉水河下游之津要。

楊村車站 爲京兆東南境之車站。經北倉即抵天津。京津開二百四十里。

京通鐵路 東通三薊東南通香寶北通順懷密皆可爲他日拓修支路之計畫。

正陽門 即京奉車站。

通州叉道 軌道經獅子墳深溝岳家墳小郊亭。

雙橋 爲通縣之西境東近普濟閘而小寺楊莊皆沿鐵路。

寶通寺 距通縣甚近。

通州 經橋莊之北東爲橋上坡近接運河。

第一百零六章 京漢鐵路

京漢鐵路。在京兆地方之幹。路有前門、西便門、跑馬場、蘆溝橋、長辛店、良鄉縣、琉璃河、涿州、八大車站。軌長只一百三十里而已。又有枝路三：一由蘆溝橋南長辛店北通豐台。聯京奉京綏。一由良鄉通它里。接高線鐵路運煤。一由琉璃河經韓繼通周口店。亦爲運煤之用。此路近通直隸保定道。又由石家莊通山西太原。又由河北聯絡道濟。又由鄭州東通河南開封。西通觀音堂。以赴陝西。又南至信陽出武勝關。山洞入湖北界。達漢口。臨長江。他年粵漢全路成。或名京粵幹路。而以川漢爲大枝路也。

北京前門車站 即京師正陽門之西俗名西車站。自重站沿城而西。左爲護城河。石即內城雉堞。沿城煤棧林立。繞過宣武門。經西南角旁。穿外城而出。

西便門車站 距前門十二里。此站四圍皆鉅商行棧。貨物山積。因前門客多。不便裝卸大宗貨物。故貨車皆萃於此。商貨多而車少。必通賄始可先運也。

跑馬場車站 距西便門二里。爲西人賽馬之所。喬木蔚然。古爲遼之宮殿。今不可考矣。行六里有康熙時所築重磚琉璃瓦牌樓。壯麗可觀。

蘆溝橋車站 距跑馬場十六里。昔爲蘆漢第一車站。今日則直達前門。此站久已冷落。改爲三等車站。上下客貨無多。

長辛店車站 距蘆溝橋十二里。爲昔日出京一宿站。今因修車各工廠材料廠所在。且有枝路通豐台。上下客貨甚多。快車至此必停。南有南岡窪一小站。

良鄉縣車站 距長辛店二十里。有多寶塔爲之標。有它里枝路三十四里。由此站南三里分支。南有寶店一小站。然道旁賣食物者極多。

琉璃河車站 距良鄉三十八里。鐵橋二百四十公尺。合華尺七十五丈。有永樂石橋八拱。又有枝路通周口店。運出煤及石灰最多。南有永樂堡一小站。

涿州車站 距琉璃河二十八里。爲京兆西南境上之要站。再南即出境與直隸之高碑店相接。其間有松林店一小站。亦屬涿縣。

涿固霸永安擬修支路 涿縣東經固安永清安次。有東西新大道。橫貫三縣城。以至京奉之落堡車站。爲將來支路計畫線。此路成。霸縣亦可接軌永清。京南各縣。可收敏活之效。保定與天津之聯絡益便捷矣。

第一百零七章 京綏鐵路

京綏鐵路在京兆地方之幹路。有豐台、廣安門、西直門、清華園、清河、沙河、昌平縣、南口車站。蓋居庸以南地尚平坦。一度關山大隧道。遂覺寒暑判然。蓋山南山北。海拔驟見三百餘丈之差也。豐台多貨車。西直門多客車。昔日謁明陵之遺老。由沙河跋涉以進者。今瞬息即達矣。此路原名京張鐵路。半日至張家口。爲察哈爾特別行政區域暫時寄治之所。今名京綏。纔抵豐鎮爲一宿站。將延長至歸綏。爲綏遠特別行政區域治所。苟察綏熱北三區皆以京兆爲法。可改建北三省。爲京北三重鎮也。

豐台車站 接近京奉京漢兩大站。鼎立而三。塞北牲畜車。作欄杆式。皮張車堆積甚高。然限制不礙於山洞。南北貨車之交換。此站爲中樞。聯運事繁。堆棧最多。

廣安門車站 在京師廣安門外。上下客車不多。然附近菜園。運鮮菜於塞北者。比在京銷售爲昂。是以廣安菜商。推廣營業。而北京白菜。遂爲張北大同豐鎮招牌。

西直門車站 京師西直門外。有環城京門兩枝路。交叉於此。站臺弘敞。爲全路冠。凡察哈爾綏遠晉北口北之冠。蓋皆取道焉。蒙古王公往來亦多。

清華園車站 京西北最富教之地。清華學校所在。距城市既遠。校風較肅。火車咫尺相通。又無村鄙閉塞之患。

清河車站 京西北最重要之地。有陸軍豫備學校。教練整肅。又有呢革工廠。則因折閱停工。科學不精。辦理不善。固大利所在。國貨所當提倡者。

沙河車站 京西北最清潔之地。冬至日猶見流泉。不致封凍。自塞北來者。詫爲未有之福地。居其地者。或不自知也。

昌平縣車站 京西北最名勝之地。星期日都中游客。多來游明陵。至車站則須雇驢以行。是以站外牽驢者多。

南口車站 自此站以北山路崎嶇。灣曲亦甚。歷青龍橋。康莊。懷來。沙城。新保安。下花園。宣化。沙嶺子。至張家口。計京張全路三百六十三里。

京門枝路 自西直門經黃村。麻峪。北辛安。三家店。直至門頭溝。本專爲運煤用。間有頭式等之車。載西山游客。自門頭溝至安家灘。有擬修門安輕便鐵路者。門頭溝站。即城子村。至天橋浮輿。擬修城浮鐵路。今先修石路。至黃石岡。

第二百零八章

京苑鐵路

京苑鐵路爲軍用輕便鐵路。幹路由京師永定門至南苑。全在京兆地方之內。車站在京漢鐵路車站之南而不相接。蓋京漢京奉京綏軌道皆相同。貨車或彼此互相通行。京苑雖至短之路。而車軌獨狹。車輛既專爲軍用。遂不隸屬於交通部。而隸屬於陸軍部。仍往來仍附載來客。而開行之班次太少。甚不及待者。或乘人力車。或乘驢。亦易於呼喚。價亦不昂。是以乘客不甚發達。此路建於庚子洋兵踞京師之時。外兵占領地。無不設軍用鐵路。吾國收回以後。似應改爲寬軌。定爲京漢支路。延長至香河。寶坻。尤便永定門車站。規模遠不如永定門京漢鐵路大車站。亦具體而微。站旁亦有小本經營。售諸乘客之待車者。每車到而人力車夫爭攬客座。亦於大站也。

小紅門車站 鐵路之中樞。上下之客甚少。鄉民無識。或在鐵軌上行動坐臥。火車經過。非常危險。疊經示禁。鄉識字者少。固熟視無睹也。

營市街車站 車站直接營市街。因營而後成市。所有有銀行各商。無不賴營兵餉以還債。

南苑距永定門南八里。其四界如左。

東界 大興雙橋。馬駒橋。大武集。小武集。

西界 宛平馬堡。

南界 宛平黃村。

北界 南郊石榴莊。

南苑之地勢

平原 曠衍膏腴。無邱陵。昔爲御獵禁地。光緒末改放民田。今勢豪數易主矣。

古城 傾圮無存。只存六門之名。古行宮爲當年駐蹕之所。

市場 丘字地爲中樞。百貨雲集。附近團河。常營沙窩橋。畧有商店。

公所 航空學校。近畿軍隊營房。郵電畢備。

物產

椅物 大小麥高粱。玉蜀黍爲最。黍稷棉花亦夥。夏季甜瓜尤多。果物並盛。

動物 家禽雞鴨。家畜豬羊。并發達。鹿園中仍豢鹿。昔日野生黃羊。今日散失。

第二百零九章 高線鐵路

自京漢鐵路之良鄉車站分支至它里計程三十四里專爲運煤之區。有空中國鐵路七十四里至安子村。即長蘆高線鐵路也。西部所來之煤悉屯於此。以待外運。爲北段產煤大宗。每年由此運往天津各處者不下五千餘車。它里距京師前門車站九十六里。行車則自長辛店經南岡窪。良鄉縣。至它里。計長五十四里。此項列車。本以載貨爲主。兼搭旅客。亦不甚多。倘有時無貨運載。暫行停止。亦不另布告。高線鐵路與它里支路。高線運煤車斗相連。自上將所載之煤。傾入大鐵路貨車。毫不費力。足見機械之巧也。

高線鐵路特別狀況

站臺 兩山之高度略相等者。相對設站臺。彼此相望。遠者或不能相見。站臺設有機器以爲運轉原動力。站長不管營業。金憑電話以定車之行止。

線路 上有鋼軌。可行小輪。其車則垂於小輪之下。與輕便鐵路之土車相似。俗名曰斗。下有機關。鈎合小線。小線轉則車亦轉。以前山車站爲總樞紐。

開關關 爲各站臺迎送轉遞之機關。重載車到。由工人二人扶之。運於鐵路上。

由此站以達彼站。以分鐘。車行一百五十米突。

高線鐵路之略史

創始者。津商王竹林。於光緒間。用鹽款建設。工程師爲德國人。因案歸度支部。近年情形。由部招商承辦。旋專歸商辦。房山西北馱運商戶。多致失業。

高線鐵路轉運狀況

包運煤。由煤窰議定運費。每家循環運送。某家運畢次遞運。

運費。比昔年用牲口馱煤。價廉而速。惟出煤太多。取輛或不敷用。

乘客。惟本路人員工役乘之。不售客票。俯視絕澗則暈。不如平視前途也。

它里煤商之發達

洋房。公司房屋用洋式。自有洋房。而市上始見乞丐。鐵路所至。貧富益不均矣。

商人。津商普商爲多。本地人習見之。赴京師長辛店作工。

紅利。或謂有致富數十萬者。

街市。煤市以外。爲雜貨店。皆附近於大車站。

第一百十章 琉璃支路

自京漢鐵路之琉璃河車站分支至周口店計長三十二里有車站二曰韓繼曰周口店韓繼車站距琉璃河車站二十四里專爲往來周口店運煤會車而設向不售客票故車站規模亦較狹小。周口店車站距韓繼車站六里本爲集鎮適當山口山中產煤其牛馬之由山間運煤來此者絡繹於途故此區亦爲運煤要區。金代陵寢在站北半已荒蕪僅存廢址出口之每煤年約一萬三千五百餘車石灰每年約四千二百餘車由京師前門每日開車兩次。周口運煤車亦兩次到京計長一百三十里。

琉璃河車

距前門百里良鄉三十八里向爲著名大鎮自設車站修枝路益加繁盛車站分軌甚多月台上添修天橋以便乘客上下規模壯闊市鎮有學校及女學。

琉璃河鐵橋

長二百四十公尺合尋常尺七十五丈其右遙見石橋一明永樂間嘉靖間重修長四百五十步計八拱。

琉璃河歷史

金史謂之劉李河。古有劉李二姓。聚居於此。故名。清宋繁求詳加考證。以爲名應六里河。元延祐置巡簡司。河陽有明之離宮。又曰燕谷店前。清駐把總於此。琉璃河之商況。

關於國貨出口者

裕華蛋粉公司。收買各車站雞蛋。雇中國工人打碎。分蛋白蛋黃。製成蛋粉。運銷出口。各小車站皆有挂旗收蛋者。房山村農。有在山中養雞萬餘。號萬雞圈者。西人重蛋白質爲補益品。用西法。以投西人所好。吾國重要之實業也。

關於洋貨入口者

洋貨入口。以美孚洋油爲大宗。通商口岸。多設油池。自造油船。由礦地載入我之商港。近則火車交通之地。皆有該公司自製油車。作圓柱形。由鐵路徑運入該公司分莊之院內。而後用虹吸分裝入馬口鐵箱。經理者皆華人。近年亞細亞公司。始起而競爭。觀琉璃河煤油車。可見煤油大王託辣斯之魔力也。

第十一章 郵政

京兆未特設郵務區。而合於直隸郵務區。京師雖郵務總局所在。而直隸之郵務管理局。則設於天津。北京只一等郵局各縣設二等郵局者。如通州、涿州、霸州、仍沿舊稱。及寶坻、三河、武清、固安等縣。設三等郵局者。薊州、東安、仍沿舊稱。及密雲縣耳。其他昌平、順義、懷柔、平谷、香河、永清、良鄉、房山等縣。僅有郵寄代辦所而已。然近於京師各鉅鎮。如海甸、清華園、清河鎮、北苑、南苑、豐台、長辛店。皆有二等郵局。寶坻縣東南之豐台。亦有二等郵局。古北口爲赴熱河郵路之要地。亦有二等郵局。其繁盛比於大縣也。

每日晝夜兼程之郵路

京兆尹治。東北九十五里。至順義縣。又二十里至牛欄山。五十里至密雲縣。又六十里至石匣。又四十里至古北口。幹路東北達熱河圍場皆兼程。枝路北達多倫。每日晝班郵路。

京西自海甸、青龍橋、楊春園、藍靛廠、折回。

京北經外館、北苑、高麗營、興壽村、湯山溫泉、至沙河鎮。

自涿縣東二十五里至宮村鎮。又二十五里至固安縣。分路東南四十五里至永清。正南一路則二十里柳泉鎮。又二十里至牛駝鎮。又二十二里至南孟鎮。又十五里至霸縣。南達保定文安。

自通縣東二十五里至燕郊鎮。又二十里至夏墊。又三十里至三河縣。又二十里至段甲嶺。又二十里至邦均。又二十里至敦家莊。又十五里至薊縣。又四十五里至馬伸橋。又二十五里至石門鎮。又三十里至馬蘭峪。

自三河縣南二十里至皇莊鎮。又東南十五里至新集鎮。又十二里至侯家營。又十二里至三岔口。又十二里至寶坻縣。南由大口屯。崔黃口。達楊村車站。

自通縣東稍南二十五里至賈家疃。又十八里至西集。又南二十五里至香河縣。自南口至昌平。自落堡至武清。自落堡至東安。自牛欄山北至懷柔。

間日開班郵路

自三河北四十里平谷。北二十里至峪口。西北二十里至張各莊。

自通縣南十五里至張家灣。經牛堡屯。永樂店。安平鎮。至河西務。通武清。

第一百十二章 電報及電話

京兆各縣城。惟通縣設電報局。鄉鎮惟南苑設有電報局。其他各縣各鎮。多未推行。因官電商電無多。惟古北口密雲爲熱河衝要。亦添設電報局。南苑昌平有盜鋸電桿者。至於電話。通縣仍由京師設立分局。其他外縣。亦未推行。惟涿縣良鄉借用京漢鐵路。電話亦可通話。京師附近鉅鎮。南苑。北苑。海甸。清華園。皆通電話。最遠者至昌平之湯山。其遠及天津塘沽者。則出乎京兆地方之外矣。至於沿鐵路皆有鐵路專用電話。號數甚少。蓋京師用電話之戶。止於七千五百。不足萬家。吾國電信事業。尙未發達也。

北通縣電報局

因當時有南北兩通州。是以用北字以別之。今南通已加南字。北通仍單用一通字。惟電報則沿世俗之通稱。

南苑電報局

軍電多。商電少。

西苑電話分局

共九十號。其地址則分布甚遠。

萬壽山 香山 海甸 朗潤園 健銳營

清華園 清河 冰窖 老虎洞 包衣旗

玉泉山 營市 青龍橋 藍靛廠 饅頭村

南苑

共八十五號。其地址惟沿京苑一線。

永定門北小站 大紅門 營市街

北苑 共三十五號皆爲防軍用。

通縣

共五十號。其地址惟沿京通一線。

寶通寺 西大街 東街 閘橋南

湯山

共七號。湯山旅館公用。餘惟地皮公司及五家私宅也。

第一百十三章 通運

京兆人民自設通運機關者如永清魚行營業甚廣行銷地專爲永清至京設二十站以人力輸送每站一易入獲利亦不賚沿鐵路如良鄉涿縣昌平車站皆不與城市相連車站不能繁盛縣城亦不易發達惟車站有騾車及小騾待雇遇生客則加倍索價商人運貨必須包車貨多車少一先後而時價頓異是以商人必致餽於站長加賞而後行房山灰煤既多於是有鴻豐總廠就地定價收賣而後運出轉售頗獲利順直通利河運公司自天津鐵橋北河至通縣香河東河至寶坻廟山河頭設立分棧亦有益

論運

騾驢 爲京師東北經順義密雲古北口赴熱河朝陽赤峯等處一路猶須用之
駱駝 自京門鐵路高線鐵路成駛運大減昔京西以七駝爲一把視爲生利之
恒產 今惟齋堂等處火車不通之處猶用之到京者不及十一

山橋 西山游玩處夏日多有之以藤椅爲坐位

獨輪車 汰車 各縣鄉村多有 轎車 各縣鄉村紳富始用之

琉璃河之水運

儀器 涿縣及涞易等縣。由天津採購儀器者。多由水道裝運。蓋琉璃磁器之類。雖裝箱十分完密。上下火車。皆不免拋擲震蕩。容易損壞。不爲民船。風波上下。性柔而不至破裂。

陶器 水缸瓦盆。粗重貨物。不適於鐵路運轉。且鐵路每因軍事佔用貨車。致商貨停滯。舟運則日夜牽挽。可以自主。是鐵路雖便利。河運終古不廢也。

清水河之水運

上水 多運糧食。

下水 多載灰煤。

北運河之水運

通縣東河沿 光緒二十六年以前。船桅林立。庚子後。所存不及十一。民船 昔年官船漕船。庚子盡燬。今所行惟民船。所運惟零星雜貨而已。木排 沿河各縣用者。尙有河運。若京師所用。全用鐵路。不由水運。

第二十一篇 縣治

第一百十四章 大興縣

大興縣治在京兆尹治附郭安定門教忠坊南向其名昉自金源明永樂中始建縣署落畿輔東北隅爲京兆左翼昔地勢卑下乾隆時水深四五尺舊署圯而復修疏水道增高舊址立冰鑑堂清季同治光緒兩經修葺今大堂兩旁設徵收積南苑錢糧亦由縣代收原係五區遂拓爲第六區然權限尙未明瞭是以教育等項政治五區早已整齊六區尙在籌備無異於塞外新開荒也京區營區選舉由縣監督而選舉費則出自鄉區京城契稅不由兩縣而爲左右翼所奪

地勢 觀北多山在郊甸之內東南全係平原爲鳳河孫河兩大流域南苑亦圈出北境海清廟白廟已插入昌平境內名勝以團河行宮爲著

物產 東直門外小關造林多德國槐農產則有玉蜀黍高粱小麥爲大宗羊坊之養羊驢房屯之養驢馬房之養馬北馬房小馬房並盛聚燕臺多燕動物蕃滋葦溝之葦棗林莊之棗植物亦盛高粱酒產黃村禮賢采育三鎮

村鎮 自治分十二區

禮賢鎮 距縣南百里。原駐巡檢。管田家營等村九十有五。

孫侯屯鎮 距縣東北三十里。管白辛莊、長店等村二十有二。又名孫河鎮見前。

青雲店鎮 距縣東南六十里。原駐把總。管大迴城等村四十七。

采育鎮 距縣東南七十里。原駐以檢都司把總。管沙窩營等村三十四。

鳳河營 距縣東南八十三里。原駐把總。管沙河店等村十六。

黃村 距縣西南五十里。原駐同知司獄巡檢。管三間房等村三十有八。

交通

鐵路 京通鐵教自東便門外。經獅子墳、高碑店。在運河南。

京奉鐵路。由右安門外。經永安門。經柳村、孟家莊。向西南。

京漢鐵路。自西便門外。跑馬廠。馬家營。大井。向西。

京綏鐵路。自廣安門。西直門。北向。七空。闌出界。京門枚路。西向。半壁店。

京苑支路。自永定門。南向。大紅門。

第一百十五章 宛平

宛平縣在京兆尹治附郭。京師地安門外。迤西積慶坊南向。大門至署宅。共六進。監獄在大門商。二堂東。爲古墨齋。萬曆間。邑令李蔭建。以李北海所書雲麾將軍碑殘石之壁。同治光緒間。兩次重修。署東賢良祠。爲勸學所。會計經理處。爲地方行政輔助機關。縣知事對於京師及郊甸。無行政司法之權。惟辦理選舉。分京區營區鄉區。仍由縣署監督之。地方所籌營費警費。均由八區鄉民擔任。所辦學校均在鄉間。自治紳董。由各鄉公舉之。

地勢 大寒嶺拔起平地二十里。一上下四十里。峯口麓稍次之。而百花山俗稱高一萬丈。化山尤高。山中礦脈蘊藏。既資利川。山麓泉脈伏見。尤有神於農功。爲北嶽山脈之靈處。以成神京首善之形勢。公用岡灰礦亦富。

物產 產煤之額。每年超過二十萬噸。有紅黑二種。櫻桃溝道上之櫻桃。香山。門頭溝。三家店。均新植德國槐。栗園產栗。遼置栗園司。桑峪村宜桑。惜未培養。柳林村之柳。東桃園之桃。柏峪村之柏。皆名實相副。瓦窰村之瓦器。灰廠之灰。窰業亦盛。

村鎮 自治分八區

盧溝橋鎮 縣西南三十八里。原駐同知。管八角等村七十。

門頭溝鎮 縣西六十里。原駐縣丞。管黃石港等村五十八。

趙辛店鎮 縣西南五十里。原駐把總。

龐各莊鎮 縣西南七十里。原駐巡檢。管裏河等村九十四。有商會。

榆垓 縣西南九十五里。原駐把總。平羅。在縣西南。原駐把總。

磨石口 縣西北三十五里。原駐千總。古名磨室。

五里地 縣西北五十里。原駐把總。沿河口 縣西一百八十里。原駐都司。

青白口 縣西北一百三十五里。原駐巡檢。管傅家臺等村二十有五。

東齋堂 縣西一百七十里。原駐巡檢。管西護駕林等村六十四。

交通

鐵路 京漢、京奉、京綏、萃於豐台、盧溝橋、長辛店、亦重京門支路。有三家店、

手車 宛平鑛業因利局。創設運煤手車。益於貧民生計。

第一百十六章 涿縣

涿縣在京兆尹治西南一百二十八里。車站猶題涿州。古之涿郡。因涿鹿得名。城周十里。作長方形。而東北隅內折。車站在其東南三里許。城北二塔。昔有寺。南塔名智度寺。北塔名雲居寺。車中遙望二塔如雙柱並立。城外高臺廟。有土臺高數丈。一塔突兀。亦古蹟之著者。桃園當城之中心。園已久廢。惟其地極堅實。終歲往來。塵沙不起。他路則否。故易於辨也。城內西北隅。史記燕太子丹樊於期置酒處。縣署近東門。文廟近南門。原有參府游府營汎。今猶爲大街名稱。城西洗馬潭。爲張桓侯遺跡。永濟橋在北郭外。地勢 督亢陂在城東南。燕使荆軻獻之秦。誠膏腴之地。上承涑谷引之。則長潭委注。遏之則微川輟流。又拒馬琉璃二河。至城西北而合。即古桃水。河流曲折。一名十度。亦利灌溉。惟永定河決村莊田廬。被水洗刷。漂沒殆盡。實爲近歲之大災。

物產 農產棉花雜糧。每年運往京師者約百餘車。榨油釀酒農產製造亦盛。果樹以棗爲多。稻米產西北境。歲出一千七百餘萬斤。紅薯尤肥碩。近山之地可種櫻桑以後。桑樹甚少。正在提倡種桑。以恢大漢先業。近水者產荸薺藕甚多。

鄉鎮 自治分九區。

樓桑村 在縣東南十二里。爲蜀漢昭烈故里。蜀志先主少孤。與母販屨織蒔爲業。舍東南角有大桑。高五丈餘。如車蓋。先主兒時戲言。吾必當乘此羽葆蓋車。今右近有昭烈廟。唐乾寧五年建。祀先主與關張諸葛。

松林店 原係大道上市鎮。今鐵路經其東。車站距街市尙三四里。

永樂村 昔本荒村。自設車站。遂爲縣北之重地。貿易漸興。

柳河營 縣東南市鎮。其西北土坑作長溝形。

馬頭鎮 縣東北市鎮。在琉璃河旁。通水運。房樹村 粥廠就食者千人。

交通

鐵路 京漢車站快車不停。慢車往來各三次。入京人多。南游客少。

固安縣 距城六十里。中有宮村鎮。可以憩息。又經永清至安次。有新闢之道。

新城縣 距城六十里。然新城人出入多。取道高碑店車站。

房山縣 距城五十里。然房山人出入多。取道琉璃河車站。

第一百十七章 良鄉

良鄉縣在京兆尹治西南六十二里。縣東三里有多寶塔。在燎石岡上。石赤色。可以取火。俗名昊天塔。建於隋。唐尉遲敬德重修。高十五丈。車行過紅泥溝即望見之。中有鐵佛高數仞。縣南二里有樂毅墓。縣治有霍原祠。皆爲模範人物。良鄉人出外爲商者。綢緞行爲。最估衣行亦多。近日洋貨亦充斥於街市。城中有漢白玉獅子。俗名望塔獅。燎石岡有溫泉井一眼。人多飲之。城東一帶。稻田相接。棉花地亦沃。有衣食豐裕之象。城北有行宮。爲西陵御路第一站。南門外將台亦漢白玉石所建。旗營駐防近亦同化也。地勢縣西十里。伏龍岡形勢蜿蜒如龍之伏者。十五里。龍泉山有石龍口。出泉終年不竭。東流入鹽溝河。至縣南。即古福祿水。五代史涿州運糧入幽州。契丹輒伏兵圍溝取之。唐長興三年趙德鈞鎮盧龍。閭溝而成之。即鹽溝也。東南入固安。物產良鄉黃酒最著名。比於紹興。良鄉板粟。風行上海。凡京西南各縣板粟。由津運滬者。亦稱良鄉。中秋時。上海水果店。皆揭良鄉二字爲招牌。或稱真正良鄉。而不用栗字。農產多小麥。每年運往西便門者二千車。而大麥則用之造酒也。

鄉鎮 自治分八區

琉璃河鎮 京漢鐵路由此分周口支路百業發達。距城西南四十里。

長陽店鎮 治東北八里。爲南北要道。在廣陽河北。

寶店 京漢鐵路有小車站。爲寶禹鈞故里。陸路北接七里店。南接黃土坡。

趙村 西南二十八里。原駐管河縣丞。有渡。

交道鎮 縣南距鎮正當寶店之東。官莊鎮 在縣境極南牯牛支河之東。

黃土坡 設局抽收船捐。組織水上警察。以保行商。並擬籌設乙種實業學校。

水碾屯 鄉民能利用水力。惟機輪過於簡單。

交通

鐵路 車站距長辛店二十里。快車不停。

支路 良鄉城南三里。即抵坨里車站發端處。

房山縣 距城三十里。驛車往來甚便。

水運 昔通今塞。龍泉下小運河。爲由琉璃河運糧道。琉璃河有船通天津。

第百一十八章 房山

房山縣治在京兆尹治西南百里。縣界距京不過四十里。城周四里。市小而潔。鐵路不經。城內不乘輿馬。無貴賤少長。出則於郭外乘之。入則至郭外下輿馬。步行以入。自縣城入京師者。乘轎車行二十里。至良鄉車站。附火車往來甚便。城牆雉堞尙完好。惟無礮眼。俗人因以不開眼譏之。然純樸之風。非市井之民所能及也。故家遺俗。多能勸學。近於京師。學校亦發達。學生負笈求學於京師者。亦多端謹之士。商人以煤業果業爲大宗。古蹟則以虞舜廟爲最。在縣西南三十里。上方山西域。寺尤著名。

地勢 西境高山雪花嶺。上偃霄漢。夏期猶戴雪。紅煤廠盤紆山中。有高線鐵路。絕幽鑿險。通一線之路。縣治偏東。其東南畧有平原可耕。金代陵寢荒廢。不如昌平。明陵之繫人心也。挾活河源。泉湧亦奇。長溝^略煤山。周口灰廠。爲天然富源。

物產 農產米、麥、高粱、玉蜀黍。西北山中多果樹。柿子尤爲京師所重。桃李梨亦多。礦物有無煙煤。由坨里周口店輸出。其餘金、銀、石、綿。雖經發見。無人開采。又有石板粗者可蓋洋房。細者可爲學校算板。田各莊一帶造林場。有榆樹、德國槐最多。

鄉鎮 自治分九區

石窩 張坊 舌陽 顧箝 爲南鄉四鎮

石梯、磁家務 爲城北二鎮。磁家務原有巡司今裁。

大安山 爲縣西北市鎮。近大石河。

灰廠 因石灰發達所立之鎮。

長溝 半壁 縣南境之鎮市。

龍門台 爲縣西之村鎮。

交通

西北山地 用驢馬驢馱煤。今高線成。生計減。東南平原 用大小車。

周口枝路 由琉璃河分支。大豐公司所辦車廠村及長溝峪煤礦擬由車廠村

至周口。建築輕便鐵路。以便運煤。經部准有案。

它里枝路 由良鄉分支。

高線鐵路 由坨里至安子村。

第一百十九章

通縣

通縣在京兆尹治正東四十里。車站猶題通州舊名。俗人或因江蘇有南通州。別其號曰北通州。城臨運河上游。昔爲江浙糧艘所泊。由通惠渠以達京城。方其盛時。由通州西門至京師朝陽門。一帶石路。晝夜行人不絕。江浙貨物。皆先至通州。是以風俗與京師同。及鐵路成。百貨改陸。於是縣城商務銳減。公園圖書館馬路妓館之發達。猶可爲京兆第一大縣。女師範中學所在地。舊日提署有潞河施醫院。各國僑民亦多。警察收捐。皆摹擬京師奢侈之風。亦日盛焉。

地勢 全境平原。孤山兀立於東。無山脈連屬。一土阜耳。運河至王揮莊。築有支水大壩。偪水東流。直線不過里許。而曲線紆折三十餘里。每至伏汛。村北水出槽時。村南水僅半槽。亟宜裁挖。省議會規復通縣減溝。引運入運。鳳河武清人民爭之。**物產** 農產玉蜀黍。大小麥。豆類均夥。園蔬則蔥韭。莖葉甚肥大。昔糧艘載以回南。南人詫爲未見。農產製造腐乳有名。工藝品則爆竹烟火。時出新裁。所製陶器分四類。曰樹皮形。曰獸形。曰古銅形。曰石形。陳列品。日用品多能行銷各省及外洋。

鄉鎮 自治分十三區

八里橋 咸豐之季英法入寇僧親王禦之於此敗績國恥紀念之大者也。

燕郊鎮 縣東接三河界西南經箭桿河有橋曰搖不動。

張家灣鎮 凉水河分流處河東爲典木廠。

漵縣鎮 凉水河下游舊有管河州判。

馬頭鎮 在運河下游原稱馬頭汎舊有千總把總。

馬駒橋 在凉水河上游南苑大圍牆之東原駐把總糧行燒鍋典當街長五里。

牛牧屯 永樂店 在縣南大道永樂舊有把總。

交通

交通鐵路 京奉支路。早中晚三次開車。京東各縣皆取道於此。

朝陽門馬路 卽博愛路爲國道。又修縣道連溝寬二丈。里道連溝寬一丈五尺。

通惠河 漕運旣停舟運久廢。惟小舟渡鄉人往來。冬日有跑冰牀者。

電話局 京師分局共五十號。可與京師用戶通話。又電報局。

第二百十章 三河

三河縣在京兆尹治正東一百一十五里。城南臨洵河。有橋。城北郭家套。亦臨錯河。有橋。城東二里東套。臨洵故城。石趙所置。亦曰臨梁。晉永安六年。燕慕容霸伐趙。出徒河。收樂安北平之糧。與其主雋。會於臨梁。即此城也。城南一里爲南關。六里有怀泥淀。洵河自西而東。而人民多稱爲錯河。有舟楫之利。爲縣城發達一原因。商業頗盛。縣署有萬壽寺。已荒廢。擬闢爲公園。婦女赴京師作傭工。而月以傭值奉養翁姑。惟有夫之婦。習爲富貴家之奴性。不能再任鄉間勞苦。亦如出山之泉。不復返也。

地勢 山脈自密雲懷柔入縣北。爲臥龍山、棘荆山、梳粧臺山、堡子山。在洵河之東。北山脈自順義入縣西北境者。爲椒元山、黃太山、長山。南部平坦。沿鮑邱河錯河之旁多沙地。靈泉漱玉。聖水流丹。七渡晴瀾。南塘落雁。風景尤佳。

物產 農產以小米芝蔴爲大宗。高粱菸葉次之。石佛寺一帶。有劉家。李家。徐家。雷家。盧家。棗林。皆夙以產棗而著。城廠莊之城。用土法製造紙坊之紙。亦甚粗疏。馬房爲遼金元明牧圍。今不產名馬矣。

鄉鎮 自治分十三區

黃莊鎮 治南二十里。有警察分區。

高樓鎮 治西四十里

夏店鎮 治西南三十里。有五槐舖舊驛。沿五槐公館而名。

燕郊鎮 治西五十里。或作煙郊。詩人題詠頗多。

馬房鎮 治西北二十里。原駐把總。

洳口鎮 張各莊鎮 治西北五十里。

交通

取道京通鐵路 自縣西三十里至夏店。又二十里至燕郊鎮。又二十五里至通

縣共七十五里。一日可達。附晚車入京。若乘早車至通縣。亦可驅車即日回縣。

取道於本縣者 北有平谷縣。東有薊縣。東南有寶坻縣。

前清之東陵御路。縣東經東套。南河沿段家嶺鎮等村。以入薊縣境。縣西經棗

林。白浮圖。至夏店。即夏塾。以達通縣境。年久失修。

第二百十一章 寶坻

寶坻縣治在京兆尹治東南一百八十里。城堞齊整。商號多在東西南北四大街。縣城周八里。每方二里。城中十字街名曰曠子。有石幢八景。所謂石幢金頂是也。縣署在宣化牌街路北。東門外芮家墳地。古柏數百株。多名人碑記。城內商業家居織布者。無異工廠。縣東人民多整容業。在京者俗名剃頭棚。今稱爲理髮館。東三省各縣。無不有寶坻人操理髮業者。雖爲毫末小技。却是頂上工夫。吾國殖民海外。賴三刀爲業。即薙刀及厨刀裁縫剪刀也。吾民操刀不害人。有名於衣食衛生。吾國民之仁術也。

地勢 薊運河直貫東北。鮑邱河自三河至縣之八面城。入薊運河。北運河自宣統三年。決於順義李遂鎮。水半東南流。泛濫縣南。民國二年。興大工。定分流計畫。半導入鮑邱河。以入薊運。仍復泛溢。永定一決。被淹九百餘村。災情尤重。

物產 棉花之利。優於五穀。織成布疋。分銷遠近。爲二十縣之冠。亞於直隸高陽。新集鑛有紡紗廠一所。始立初基。薊運河下游。銀魚紫蟹尤爲持產。農產紅白高粱。黑豆玉蜀黍。或有蝗害土城公司。化驗土質。含鹽百分之十二分。

鄉鎮 自治分十區

大口屯 縣南鉅鎮。燒鍋甚多。所釀之酒。運銷天津。

三岔口 口東 新安鎮 黑狼口 均有市集。

新集鎮 商業繁盛。詳鉅鎮篇。

林亭 昔年文化最盛之地。科第蟬聯。旗杆匾額坊表極多。今屢遭水患。

八門城 現在受水患最重。宛在水中央。市井蕭條。民多流亡。

豐臺鎮 在蘆運河西岸。豐洞寧河交界。紙店年畫店極盛。歲出以數萬計。

交通

郵路皆取道京通分南北二路

南路 自通縣西集。至香河。渠口鎮。至縣城。每逢積潦。則沿途有阻水之患。

北路 自通縣燕郊夏店。又經皇莊鎮。新集鎮。至縣城。此路地勢較高。沿途各

鎮。均有旅店。食宿亦便。現在有組織汽車行者。

第二百二十二章 薊縣

薊縣在京兆正東一百八十里。分東西南三門。北面山。南門距運河五里。東西門正通東陵御路。城內以西街最爲繁盛。以糧行爲最重要。皆本縣人營業。商人出入。以蘆台爲關鍵。城內之市集。以舊曆一六爲期。古蹟有行宮。在獨樂寺內。有閣高九丈九尺。有李白所書觀音之閣四字。今教育會各機關。多設於此。足爲縣治公園。學校有縣立高小。女子高小。乙種農業。模範國民。近組師範講習所。風俗純厚。然剪髮尙未普及。而天足尤不易辦。各鄉尤甚。

地勢 盤山爲鎮。薊運通舟。馬伸橋以下。沿途所經小村落。有于家橋。東西曲園。五里橋。窩頭。捻頭。有土堤。上倉。下倉。新安鎮。爲寶鎮交界。下游經過狹莊子。寧河縣至蘆台。山南平原可耕。

物產 秋麥紅梁爲大宗。白芸豆尤著。其次爲粳米。水稻爲李光地所開。松柏枕木。多出盤山。梨爲名果。柿子山楂桃杏皆有輸出。運京之梨。歲值一二萬元。土布仍用舊法。沙土地產花生。馬鈴薯。山地產藥材。益母草尤佳。段家嶺八百戶。多果樹。

鄉鎮 自治分八區

東鄉 馬伸橋距城三十五里。市集以逢五逢十爲期。有景忠祠。吳可讀殉於此。
南鄉 上倉鎮。下倉鎮。均有市集。上倉附近爲全縣膏腴之壤。下倉東爲太和窪。
西爲清澁窪。每屆大水恒有淹沒之患。

西鄉 邦均鎮附近居民富庶。其餘村落頗小。

北鄉 城北黃巖關爲通口北要道。山產玉蜀黍。間有梨果等樹。原有興隆山。係東陵地。今撥歸縣屬。昔修陵之始。原有四十八莊。在白椿以內者。皆收爲官有。遷其人於河間。清廷遜政。今爲民墾矣。山道多不通車。出口小路用馱子。

交通

由縣入都取道京通鐵路者。由縣城至通縣陸路一百四十里。皆昔年御路。車行二日。初日自城行百里。經三河縣城至夏店。次日行四十里。附晚車到京。
水運 自城南五里橋。蘆蓮河通船。名曰漕子。每船容七八十石。春淺時六日至蘆台。水盛時四日可至上水。或多至八九日。

第二百二十三章 香河

香河縣在京兆尹治東南一百一十里。城雉整齊，四門敵樓，完全無缺。每方一里，共一方里。城之正中爲十字街，有鐘鼓樓，最爲繁盛。四城所走集也。縣署在西街正中。集期一三五七，惟無九日。但十二月二十九日有集，繁盛倍於平時。四月二十八日娘娘廟。十月一日城隍廟出巡，皆有定期商業，且演劇爲樂。古城在縣北一里，俗名北岡子。爲唐太宗屯兵之處。白衣寺在北門內，求嗣必應。有井極甘，爲全城上等飲料。城東有義井，則唐太宗征東飲馬處。石槽曰天槽地槽。城縣南有遼之香城塔，東有元之仁公塔。地勢歲受運河之患。北鄉先當其衝，因有橫隄爲障。洪流由西鄉歸河，流入武清。南鄉尙不至受害。東南流至牛牧屯，分而爲二。東向者爲王家引河，亦名青龍灣。河自閘口起，南向者仍名運河。運河高於箭桿河六七尺，何能強之上行。物產棉花爲京東之冠，盛於第九區。五穀俱備，而黑豆黃豆出產尤多。特產建魚。出建各莊之大坑，其味甚美。每年約產一萬餘斤。各村飼豬甚夥，俗名小米豬肉。嫩而易炙，京師名館頗重之，又名香豬。

鄉鎮 自治分十區

渠口鎮 治東二十五里。舊有土堡。今圯。店子舖在其西。

梁家務 治北二十里。有倉。西馬家窩 治東北近箭桿河。

安頭屯鎮 東南十八里

劉宋鎮 東有三十里。亦曰劉宋屯。舊有土堡。已圯。

河北屯 東南五十里有倉。新立屯 在永定河北。

閻寺鎮 爲縣南鉅鎮。

交通

取道京通入京 由西集買家墮至通縣共六十八里。是以一日即可入京。

取道京奉赴津 由河西務經武清縣至落垡共七十里。一日亦可赴津。

赴古北口之路 由城北梁家務。馮樂莊。至三河之夏墊。

赴寶坻縣之路 由城東義井。宣教寺。渠口鎮。至寶坻之丁家套。

運河 通香交界之橋上莊。水淺灘高。夏秋水盛。惟行駛小船。

第二百二十四章 武清

武清縣治在京兆尹治東南一百二十里。城爲正方形。四面各一里。每逢一三七九爲集。四門一致繁盛。南門有米市牲口市。東西北三門皆商店。東門外有燒鍋五家。資本較厚。縣署居中。蓋京兆二十縣通縣而外。以武清爲最。通縣近於京。武清則近於津。通商以來。外患交迫。天津商務驟盛。武清之民亦食其利。日形富厚。然華而不靡。勤而不惰。其軍閥列載相望。其富力亦爲各縣之冠。城內居民不及千家。商務轉不如各鄉鎮。金融亦不如各鄉之活動。城垣高厚。城樓惟南門已新建。餘亦募款籌修云。

地勢 運河自通縣經楊村至天津。自漕廢失修。或涸或溢。永定河自北而南。流至皇后店以下。則汎濫無定所。每年淹三四十村。以致漕民四竄。流亡塞外。下游各村。則以挿箔捕魚爲業。城內有水利聯合會。統籌水利。共防水患。伏汎聯合防險。物產 南部多森林。居民因以造木炭。農產以玉蜀黍大麻大豆爲大宗。稻麥次之。製造品所有各鄉鎮織布織襪工廠。均能獲利。豆腐絲最著名。京師負販豆腐絲者皆武清人也。棉花歲出六七百萬斤。柳杆運銷亦廣。

鄉鎮 自治分八區

泃沽港 王慶坨 兩鎮最大。人口均不下萬餘戶。造林已一萬七千畝。

皇后店 商業最發達。

梅廠村 自治成績最優。爲近年模範村。

安平鎮 居民五百餘家。

河西務 楊村 霍黃鎮 均著名大鎮。

共十三鎮。昔八百一十村。撥入天津二百村。

交通

京奉鐵路所經 縣南張莊。距天津只二十里。楊村距天津只四十里。昔火車未通之時。楊村爲京津要道。遠人所息。今京津二百四十里。頃刻即達。遂無遠客投宿矣。

運河之航路 河西務及南北蔡村。東西楊村。均爲民船停泊。水盛時亦可行駛。小輪船。因鐵路極便。是以航業極衰。

、第二百二十五章 安次

安次縣在京兆尹治東南一百四十里原有土城。傾頽已久。四門惟東門有城樓。餘多因永定河決口衝刷。每次決口。必淤土數寸。近三十年。城外平地比舊日平地高五尺。城內轉成低地。雨後積潦無所洩。就城內荒廢之地。瀦爲汙池。城東北隅。原有八旗駐防。相安已久。今皆署安次籍。鄉民則仍沿東安舊稱。城市風俗漸由儉而奢。昔年冬日。中人之家。燒玉蜀黍榛子禦寒。今則用京式煤爐。家計稍裕者。衣服無不仿京式。或稱津式。安次得名。始於黃帝安墟之次。其文明開發。可謂早矣。劉琨墓在縣東二十里。

地勢 永定河四五年不決口。則家給人足。市上漸多奢侈品。然每屆十年。人民又盼永定河決一次。因河水自上游挾來淤土。有天然肥料。勻鋪地面。可省人工。龍河兩岸。堤工頗巨。兩堤之間。人民貪地。多築埝壩。一家一村獲利。大溜愈偏。愈潰。物產 農產小豌豆。紅莖綠。筴豆質頗重。爲一方特產。其餘五穀皆備。農產製造。則茶豆粉絲最佳。不知屢假。果樹蕃於西北。以安務爲集中點。柳條編物。亦在西北。楊稅務一帶。牛陀鎮。水含鹹質。可以熬鹽。琥珀營。曾產琥珀。

鄉鎮 自治分十一區

廊坊 當京津鐵路之中。如常山蛇之中堅。軍營駐紮重地。商貨亦聚散於此。

舊州 市面甚豐盛。住民百餘家。商賈殷實。原係東安州舊。治城已頽廢。

楊稅務 相傳爲楊業設稅收稅之處。現三百餘戶。舊商業爲廊坊所奪。

調河頭 近因永定河患。淤沙日多。市面亦蕭條。

葛漁城 四圍被水。正當永定下游。市面尙盛。

茨平 新立市集。不過數年。因柳條編器工藝。非常發達。由永清劃歸安次管轄。

交通

由落堡上車者 縣南調河頭葛漁城馬頭等處。

由廊坊上車者 縣北楊稅務茨平等處。及霸縣永清縣所屬。

由萬莊上車者 縣北舊州一帶。

由鳳河舟運者 水盛時可由落堡至天津。牯牛河舟運。由牛陀鎮下駛。

永定河之要道 以調河頭渡口爲最要。

第二百十六章 永清

永清縣在京兆尹治東南。以永定河、清水河兩大流域。沖積成大平原。城市因不臨鐵路不甚繁華。無弘大之建築。城隍廟西南。有張守珪祠。城之外郭即係土隄。作圓周形。環城以障水。有東西關廂附郭。蓋水患烈則防禦周。有東塔兒巷。西塔兒巷。夾土堤之東南。而南關鎮則在土堤之南。其北有土坑。東距永定河以雙渡鎮大堤爲障。延長至安瀾城。河東大鎮有別古莊、橫村、韓村。皆距河遠。而大劉莊則偏近永定河支河。其西后奕鎮及遠正南季家口。距河稍遠。古蹟以六郎臺爲著。

地勢 永定河俗呼渾河。水濁而激。舟楫罕通。沿河南北兩大堤。夏季水與堤平。鄉人護險維謹。河決患劇。然田閒游泥數寸皆黃土。瘠地可變爲肥沃。清水河自新縣北境。經本經東入文安。水流平緩深闊。夏季暴雨亦不免潰決。

物產 東鄉濱河河東韓邨陳各庄一帶。地土礪瘠。多沙城。不宜五穀。居民種柳。大者伐薪爲炭。柔枝編緝柳器。編柳者窰地爲室。篝火其中。不知早暮。蓋柳枝必先柔以水。剝其青膚。瑩白如蕙。乃可屈曲。見風則脆。故就窰室成之。鹹土可熬小鹽。

鄉鎮 自治分十區

信安鎮 多天津各大舖分肆。四大錢行。即票號也。每五日一集。臨時設肆街間。豬布、鷄鴨市、牛羊市、騾馬市、菜米市、雜糧市、棉花市、估衣市。各有定處。縣署於鎮中。設市政公所。有劉越石壇。周世宗駐蹕處。文丞相館。

大王莊 西有懸梁寺。棟梁均無支架。構造奇妙。相傳明萬曆築別有義倉亦裕。龍亭 永定河畔。聖祖出巡駐蹕處。碑字不可辨。亭亦圯壞。

通澤邨 隋通澤縣故城已廢。

交通

水路 自文安勝芳鎮乘舟。西抵保定。乘京漢車。二日而至京師。若順流而下。至天津。乘京奉車。一日抵京師。縮津保小輪船之衝。惟冰期甚長。阻碍航行。陸路 東支 經安次通落堡車站。到京不需一日。

北支 經安次通鄭坊車站。即可至京師。不需一日。

西南支 至霸縣赴保定。西北支 距固安四十五里。涿縣近百里。

第二百二十七章 固安

固安在京兆尹治東南一百二十里。最高處曰奎閣連虹。北門內外最繁盛。舖戶旅店所萃。南門內旗營駐防。屋宇頽敗。南門外舖商亦盛。錢當雜糧商。皆山西人。握其金融。鹽商則爲天津人。義倉在三佛寺內。東門外有住戶。無商肆。西門內。舖戶三四家。皆小本商業。住戶最少。東南一里之東嶽廟。舊曆三月二十八日廟會。商品以農器爲最多。南門外一里瘟神廟。舊曆五月端陽廟會。商品以涼蓆蒲扇爲最多。至九月重陽。南門內有會場。商品以估衣爲多。取以禦寒也。方城邨東南有孫贖墓。

地勢 永定河南四工。在北門正北八里。所積沙土。高於山邱。永定河身。已於高過於城。自沙阜望城市。如在釜底。歷年淤積。挖之不勝其挖。昔永定河防。歲出四十八萬兩。多用之於固安河工人員。旅居城內者衆。民國以來。河防費減。水患烈矣。物產 農產以芝麻爲重。歲出二千餘石。高粱豆麥次之。玉米爲主要食品。林產柳條。歲出三十餘萬斤。桃杏梨諸果品次之。動物之特產。以蟬退爲藥用品。其質甚輕。而年產千餘斤。鼠穴糞。窩足以壞堤。永定河小清河堤防官民。隨時搜捕。

鄉鎮 自治分十一區

東鄉 城外多沙地。農業不能發達。新種楊柳樹甚有益。柳條編箱夾。勝於外貨。

南鄉 牛頭鎮距城四十里。馬莊鎮距城三十里。二鎮相連。牛頭以一四爲集場。馬莊以三七爲集場。牛頭鎮又名牛駝。

西鄉 彭村鎮距城二十八里。逢二逢七有市集。

北鄉 城外八里。臨永定河南岸。其北即宛平界。

交通

取道於京奉路。以黃村爲要衝。由黃村東南至固安縣城。凡九十里。一日可達。若陸路。則由永安門。右安門。繞南苑而至黃村。行人或近住黃村。或初日行人十餘里。住龐各莊。次日行三十餘里。至縣城。

取道於京漢路。以涿縣爲要衝。由涿縣正東至固安縣城。凡六十里。一日可達。此路火車甚便。陸路不便。沿途道路狹窄。大莊新莊尤甚。過此皆平坦大路。直達縣城。

第二百二十八章 霸縣

霸縣在京兆尹治正南二百四十里。位於牝牛河之西。有大隄障於河之西岸。環城有護城河。四門皆有橋梁。東門外有花園。爲東赴牝牛河大橋之通路。城外居民亦較多。城內南市。以舊曆一六爲大集期。三八爲小集期。城南有文明村。城東有普濟寺。縣署前有譙樓。名曰霸臺。爲宋楊延昭所建。相傳延昭點兵於此。今軍警保衛團。逐日會哨。亦消弭盜匪焉。城南十五里太保莊。有行宮。面臨大清河。水光可鑑。乾隆時巡河駐蹕之處。今則片瓦寸椽無存。蓋爲大清河決所衝刷也。陶吳兩州判祠。民到於今稱之。

地勢 大清河中亭河皆在城南。牝牛河圍繞城東北。黃家河古運河。雖有河槽。已無堤迹。古名益津關。本因水以爲險。原野坦平。今大清河。猶上通保定。下達天津。而扼其要害。不愧爲著名之關津也。縣屬藥王廟。爲上游小船改換大船之處。

物產 特產綃最多。城內有鹽池。常產五穀。南鄉麥。東鄉高粱。西北鄉玉蜀黍。並發達。工業惟七布平沃之地。多宜桑棗。南境汙下沮洳。民多業漁。且有葦席之利。菱藕亦饒。大清河蘇橋苑口。特產蛤蜊。生殖甚難。外人以重價收買。製扣製貝。

鄉鎮 自治分十二區

八鎮 信安 蘇家橋 堂二里 新店 策城 南孟 煎茶鋪 岔河集

東鄉 信安鎮接永清界。堂二里策城鎮在其東南。煎茶鋪在縣城信安之間。

西鄉 岔河集接新城界。大小柏林。接安次界。

南鄉 蘇家橋接文安界。老隄村隄在中亭河北。有六郎隄。北有桑園。

北鄉 南孟鎮在牯牛河西。縣城上游。其東南新店鎮。當縣治之東北。

村落 二百四十餘村。縣南有插花地六處。不與本境聯屬。

交通

入都陸路 北經安次之柳泉。固安牛陀。宛平之榆堡。龐各莊。附黃村車站入京。

赴天津陸路 縣東經西樓煎茶鋪及策城鎮赴天津。近城一帶馬路旁多種柳。

赴固安陸路 縣北經挂打莊、金各莊及南孟鎮。入固安。純係土路。無阻碍。

通天津水路 蘇家橋下達文安石溝。中亭河之榕榕圈。亦下達文安勝芳。

通保定水路 大清河自保定。歷新鎮入境。爲營上村。東經苑口村出蘇家橋。

第二百二十九章 平谷

平谷在京兆尹治東北北一百四十里。東西最廣五十里。南北最長三十里。縣治偏於全境之西南。城內商店每十日兩集。西關市廛較盛。城內有高等小學。模範國民學校。女子小學各一。風氣初開。人民淳樸。選舉時。無賈。票。惡。習。山脈東倚盤山爲界。南倚泉水山爲界。洵河爲本縣鉅流。當盤山之北。鳳凰山之南。縣北則有鴉雀嶺。分支爲白淺山。雙髻山。縣治東臨洵水。爲沖積之平原。上游北寺莊。下游東鹿角。西鹿角。西境多水。土隄亦多。古蹟之重者。則漁子山黃帝廟。或以爲衣冠之家焉。

地勢 山谷中間有平地。是爲平谷。盤山泉水山蟠於東南。白淺山雙髻山亘於西北。兩大山之中。夾以洵河流域。是所謂谷也。東北鳳凰山。遙連密雲古北口。洵河兩岸平地可耕。鹿角莊河道。西通三河。南通寶坻。航行利便。未可視爲山地也。

物產 棉花爲大宗。俗稱平谷花。近則製各種棉絮套網。便於攜帶。暢銷京津一帶。特別出產白土粉。出第二區小嶺上。可以粉飾牆屋。漿洗衣服。製作粉筆。山道中略產水果。而棗林尤多。蕭家院有椿樹山場。放山蠶。曰振。華。蠶。業。試驗場。

鄉鎮自治分五區

原有村數。號七十二村。相傳京師建設之始。正對前門。擇三十六村。立保定縣。俗名小保定。又斜對後門。擇七十二村。立平谷縣。前應天罡。後應地煞。

現有村數。滋生日衆。分列二十餘村。共九十餘村。惟新設之村。仍附庸於原有之村。最特別者。露露莊。現全境共分五區。以籌自治。

獨樂鎮。縣城東北獨樂河莊。因特產棉花。漸有商店。沙村爲鎮。人家五百戶。以上。其次夏各莊。東高村。皆殷庶。山東莊多山東人。均以植棉爲業。

交通

取道於京通路。距通縣一百里。一日可達。

縣南之大道。由西關至泗渠莊。有橋。又南經埝頭至東高莊。窪陷不易行。又南至東莊。入三河界。泗渠莊又爲停船之所。

縣東游盤山之道。東南經馬各莊。賢王村。夏各莊。入山。東北珠峪。白羊嶺。頗險。縣北之郵路。城北二十里至峪口。又西北二十里。至張各莊。

第三百十章 順義

順義縣在京兆尹治東北九十五里。實止六十里。城周六里。縣治據土阜上。城中舖戶零落。街道不整。市門以外。凹陷若深渠。城內中心有石幢。地勢最高。闌園所萃。石幢高三丈餘。爲之標準。城南有半截塔。昔年如文筆凌霄。正對縣署大堂。其知縣拆去。甫及半而去。今遺址猶存。商家舖面。亦能摹倣京師。無大宗貿易。布行多南宮冀州人。餘多本縣人。孔廟古栢參天。文昌街爲縣立高等小學所在。大慈東有聖井古蹟。教育發達。會文社有月課。商會正籌整頓路政。石槽行宮。爲固有公園。

地勢 大將軍鄧訓屯孤奴山。教民種稻。民至今祀之。近年河決而水性就下。患在下游。而上游有五六年之豐收。河南村在白河之南。昔年文學較著。而北山地多產石灰。皆昌平支麓。無高峯峻嶺。白河東注之後。而李家橋舊河道。化爲平陸矣。物產 豆類最茂。美國玉蜀黍。紅白二種最佳。魯各莊粳米最精。白牛欄山酒最香。趙各莊紅杏最多。白河鯉最佳。附近麥田。或畧受灌溉。家畜雞豚足食。礦有金玉。白土。石灰。紅銅。管。舊產銅。藥材則有蘇縷。蘇葉。蟬退等。東小營多造磚瓦。

鄉鎮 自治分十一區

牛欄山 有中學校一市鎮繁盛冠於全縣近議蘭沽航路以此爲經點

李遂鎮 新白河決口由鎮西南潰隄流入箭桿河水運較便

楊各莊 在縣東三十里白河左岸有農校及試驗場極有條理南市共十餘家

大孫各莊 四百家以上爲縣境村落之大者 魯各莊 爲縣東膏腴之地

村落 共二百二十七村牛有平義分一村乘屬昌平順義兩縣

制定村名 各村皆有木牌凡三百具於各村街頭路口一律懸掛以便問途

交通

赴京郵路 即舊日京師至熱河驛路亦避暑山莊御路由京師東直門東北行

三十里至孫河鎮爲中尖又三十里即至縣城距京最近之村落不過三十里

赴通縣郵路 自縣分東南南石各莊胡各莊河南村至李遂鎮西南經蘇家莊沙

塢村北河村至李家橋又南經張辛莊崗子窰章寺村富河莊范莊至通縣李

遂鎮李家橋有郵寄代辦所其餘村莊有郵櫃爲京兆郵櫃最密處

第三百三十一章 密雲

密雲縣治在京兆尹東北一百三十里。二城相連。並立於白河之河灘上。北山水發。城而下。其勢頗危。乃多築石堤以護之。故城外砂石盈途。犄犖礙足。城垣堅厚。居民約千餘戶。有清特駐以副都統。以治旗城。北倚白石嶺。有冶仙塔。山麓爲沙河灘。卽因沙灘以得名也。就全縣言之。縣治實偏於西南。城內商務發達。中國銀行亦曾設兌換所於此。縣南八里聖水頭。有東西二泉。聲如鳴琴。游覽者多。可謂密雲天然之公園。京熱鐵路。擬由順義達此。出古北口。經灤平。擬經費一千二百萬。三年工竣。

地勢 東連東陵。西北包長城。羣山連亘。東北爲馬蘭鎮。東陵風水禁地。專制時。君主迷信風水。今人民亦迷信風水。山中橡樹青桐薄。羅皆可放山蠶。風水塔高於長城。不受地方官治理。鑿把隘口。終不免爲農家禾黍也。

物產 山果榛實。核桃板栗。豺狼出沒。時害人畜。特產蜂蜜。歲出七千餘斤。杏仁二萬餘斤。小棗十萬三千餘斤。香末九萬六十餘斤。金鐵各礦苗皆未開。藥材有山豆根。苦樹皮。野生甘草。可爲紙煙原料。第四林場。產扁柏刺槐果松。

鄉鎮 自治分十三區

墻子路鎮 東界東陵禁地。有正關口。城西北有演武廳。東南有黃門口。

鎮羅關 明鎮虜。東界東陵。東北通北水峪口。東南通南水峪口。西有上營下營。

右匣鎮 古北要道。商肆殷盛。熱河客人多於此食宿。北有盆窰。

白馬關 城在長城之本縣境極北。河流自寨北入。

古北口城 東北鉅鎮。已詳山脈章。由河東出口。即熱河界。

曹家路鎮 古北口正東。南臨乾裕河爲潮河之大支流。自熱河承德縣流入。鎮

東有北道河。自熱河灤平縣流入。曹墻石。古前明之四鎮。各駐總兵。

交通

縣南大路 城南至河南寨多沙漠。至聖水頭入山。至銀治嶺接懷柔界。

縣東大路 自林家莊東潮河。經水峪康莊。沙嶺。至墻子路。沙場石門別有一路。

縣北大路 東至經林家莊九松山。小營。黃大梁。下園。至石匣鎮。又東經芹菜嶺。

瑤亭行宮。高嶺屯。小新開嶺。大新開嶺。南天門。至古北口。

第三百三十二章 懷柔

懷柔縣在京兆尹治東北九十里。城居者止四百餘家。只東西大街一條。另有大街八民樸原。訟牘甚稀。縣署西廊科房設第一農場。東關二里下元莊。設第二農場。城西諸山。釣魚臺距城三里。相傳共工游息處。山水殊勝。澗流至此闊丈餘。橫板橋以渡。臺北佟氏花園久廢。而此臺泉石不愧爲懷柔之公園。峯山、灰山、龍王山皆在其附近。縣立高等小學校。因溫陽書院舊址。商人來自山西。有三晉祠。商市集期爲一六三八等日。東關娘娘廟。三九兩月開廟。髻髻山則於四月之前半月開廟。

地勢 中爲平原東北兩面多山。全境如黃瓜狹長。石塘山爲明代大工採石之處。又有紅石山。石質色紅。其他名山則有白檀黍谷連接密雲。呼奴爲鄧訓屯田種稻之地。至今利賴。髻髻紅螺椹棧等山。風景極佳。

物產 特產山茶俗名烏葉。歲產二萬餘斤。杏仁歲產二千餘斤。農家高粱玉蜀黍。小米小麥均爲大宗。北山一帶柞樹可放山蠶。出絲不多。有黏虫食苗心。形如蠶。害稼。柿餅最著名。資福寺之特產。但非賣品。梨醋爲梨所製。風味特佳。

鄉鎮自治分九區

區畫 共分九里。

村落 舊稱一百零八村。

紅羅鎮 在紅羅寺之西當縣治之西北。即紅螺鎮。

順義插花地 有先聖臺相傳孔子遊燕北至此。無考。然可見尊孔之誠也。

密雲插花地 周莊林莊皆富庶。教育實業。應興之事。密雲有統治之權而無其勢。懷柔有統治之勢而無其權。藏垢蔽奸。固勢所不免也。

交通

由京赴懷柔陸路 出安定門經雷橋土溝至高麗營爲中尖。至桃山入懷柔境。十餘里即至縣城。驟車不及一日程。

由城至牛欄山陸路 計二十里。小商業所走集。

由城至通縣陸路 計九十里。仍須經牛欄山鎮順義縣。凡商貨之大宗。多取道於此。

第三百二十三章 昌平

昌平在京兆治正北七十里。昔火車未通時一日可達。距京綏鐵路車站東八里。西門距車站較近。東門南門與之鼎列。無北門。城內有大街三。北街爲驢市。買賣牲口。東街南街。按日有市集。三大街循環共九日。城形四方。間有傾圮者。城東則天壽山諸水繞城北而南來。遂匯而爲沙河。附郭土脈膏腴。兼產米麥。村落相望。屋宇尤爲修整。民殷物阜。隱然見三輔氣象焉。縣公署有教育公報每月一冊。勸學所聯合。爲各縣之領袖。淳風勃穆。平民頗易生活。無艱窘之憂。重農商而輕讀書。頗合於近人實用之義也。

地勢 昌平山水。極全國之勝。顧亭林編天下郡國利病書。特重昌平山水記。十三陵之葱鬱。居庸關入達溪之峭拔。湯山清淑。沙河明潔。免於水患。奠定蕃謂京北可居。今鐵路交通。進化尤捷矣。礦業發達。新舊砂戶。爭組織砂廠。

物產 果樹滿山。桃李梨杏。無不應時而出。十三陵櫻桃尤著。京師果局書之以爲招牌。皂角屯產皂角。荆條亦有用。湯山藕出暖地更嫩。菸葉尤爲特產。京師菸店以北昌平爲幟焉。玫瑰亦歲產數萬斤。龍泉鳳皇等山。多植玫瑰德國槐。

鄉鎮 自治分十區。共二十縣。分二百區。多寡不均。視原訂自治區增多。

南口 京綏鐵路所經之大站。酒樓妓館。因以發達。有市井習。無邊塞之苦。

平西府鎮 回教徒聚房甚多。學校明淨。學生足班。

羊坊鎮 貫市李家。世居於此。開辦東光裕。西光裕。標局。庚子扈駕。號引路侯。鐵路交通。保標事業漸微。然東北熱河赤峯。正北庫倫。西北伊犁塔城。貿易仍多。

造甲屯 有前清之官果園。每年進李子爲貢品。西南里許上莊。明珠墓工亦鉅。

蒼蒼屯 昔爲汎守要地。學生坐炕面讀書。大有關東塞北氣象。

高麗營 鎮市繁盛。而學校或闕其無人。大有朝鮮氣象。可自儆也。

交通

鐵路 距南口車站二十五里。京綏大幹。貫居庸而過。已詳前章。

湯山馬路 青龍橋至小湯山之路。定名湯山路。小黃村至青龍橋之路。定名仁

慈路。阜城門至小黃村之路。名德惠路。因水災以工代賑所修。

十三陵路 年久失修。車行不便。四府村明四太子陵樹。今盜伐者近百株矣。

第二十二篇 鉅鎮

第三百三十四章 黃村鎮

黃村鎮距京南三十五里。大興縣西境南苑之側。清設順天府南路廳同知司獄。南七縣刑事上訴訟獄歸焉。由東南入都者每停驂投宿。人文薈萃。旅館林立。自京奉路成。過境客貨多不上下。繁盛之景象一衰。民國三年。裁撤南路廳。易爲京兆警備隊。同知舊署。頹廢不堪。大興縣移治之議復輟。繁盛之景象再衰。及東北南苑。建立集市。貿易多爲所奪。繁盛之景象。三衰而竭。居民千餘家。第二中學尙在鎮南三里許。遠隔塵市。別有園林。校風勤樸。足徵自治。甲種農業學校。亦由乙種農業學校教員養成所改辦。地勢平坦瘠薄。含沙礫性。昔有龍河來自永定河三岔河口。經本鎮入鳳河。乾涸多年。流沙綿亘。俗名沙龍。北風南捲。輒徙一二里。堆積成邱。漸而固安流去。光緒十六年永定河決。鎮西變爲流沙。東南編生土鹼。東南振海寺。對東北海子門。物產黃村黃豆最著名。黑豆亦多。可製豆精。沙地種落花生。尤多林產。柳杆沿溝成行。可製木炭。有公司專收雞卵。礦物惟紫鹹甚多。農家害蟲。有食鹽蟲。

京兆警備隊南路司令處 管大興、安次、永清、武清、霸縣、五縣。凡各縣騎巡保安警

察隊。並有槍械之保衛團。得認爲警備補充隊。受縣知事管轄。司令官節制調遣。

京兆第二中學 鎮南三里許。園林清雅。空氣澄潔。校長居望歲樓。樹有桃李松柏。

池有芰荷。圃有叢菊。教員專任學生炊事會。販賣部。進德、武術、英語。各會能自治。

京兆甲種農業學校 本科習土壤肥料、作物、園藝。實習農產製造。如罐詰、葡萄酒。

澱粉造藍。皆有實習標本製造。栩栩欲活。氣象實測。化學分析。苟精習必可生利。

宛平縣立高等小官學 區立國民學校 均地址弘敞。尙有少數私塾。

福音堂 據街之中心。信教甚夥。講演之形勢。實社會教育家讓之外教也。

清真寺 在本街之西。西域人不忘所自來也。三聖廟 在村南。明正德時古蹟。

廟會 四月八日爲藥王生辰。七月二十三日爲祭蝗神。每年唱戲。負販之利也。

風俗 人民務農耐勞。婦女作家事之暇。必負籃拾糞。檢柴。土習布素。無京津習氣。

交通 在本鎮西南三里許。附近有侈家場。南至天津。北至京師。頃刻即達。赴京大

路。由南苑西牆。循西紅門北向。南路由飲馬井。過鐵路至大莊南。車道絡繹不絕。

第三百三十五章 蘆溝橋

蘆溝橋本順天府西路同知舊治。在京兆尹治正西三十里。宛平縣境適中之地。城宛整肅。比於內地府城。蓋同知管西路各縣而爲之總漚。比於各府。民國初元曾擬移宛平縣治此。未果行。西路警備隊仍以此爲重。當京漢鐵路初興。本定名蘆溝鐵路。即以蘆溝橋爲起點。此橋跨永定河。俗名蘆溝河。金章宗明昌初所建橋。長二百四十步。計十一拱。名廣利橋。橋欄二百四十柱。各鑄一獅。皆名匠雕刻。無一雷同。兩岸有御碑亭。西人呼爲馬可波羅橋。意國人初發見而筆記焉。今鐵路鐵橋又與之成平行線矣。地勢。河水廣闊。大於琉璃河。而激湍倍壯。昔年扼京師南行第一程。半日可至。由京起程者。友朋祖餞。往往不能早發。卽宿於此。南來之客。將行李在此結束。趁早入京。是以蘆溝曉月。爲八景之一。

物產。石子礦。皆古時故於淤積。頽石鐵路北段所需鋪鐵之石子。皆取給於此。道旁但見菜圃。不見雜糧。因京師附近。需用蒔蔬。沿永定河植柳以護堤。蘆溝之中。蒔蘆。亦有課兼有養魚及菱藕之利。

京兆警備隊西鐵司令處

管宛平、房山、良鄉、涿縣、固安、五縣各縣保衛團保安警察隊會哨。查緝盜匪。保衛地方。其日期均就各處集期。照習慣一律皆用陰曆。如一六柳泉太子務聚福屯。二七彭村牛駝三八固安馬莊。四九渠溝村。知子營。五十駱駝灣。大韓寨。

京兆公立師範學校

學生四級。一百五十一人。原定教育費極廉。校長教員多者六十元。少者三十元。又行用五折鈔票。何以維持人材。由教育會及各學校呈請教育費。發給現洋。其結果。僅在二成搭現。

交通

蘆漢鐵路之盛時。清室迷信風水。不肯在京師設站。及以此爲首站。一時地方繁盛。比於漢口。

京漢車站之近狀。上下乘客寥寥。車站距城門亦遠。有一岔道。距城稍近。久不行車。

第二百三十六章 沙河鎮

沙河店在昌平南二十里。有鞏華城。明嘉靖十九年築城戍守。有清設北路捕盜同知。同治末重修。光緒初工竣。司獄署亦繼續重修。城臨安濟朝宗二水之間。明初北征及謁陵駐此。有行宮。居庸白羊。近在西北。明時邊患亟。則防禦以密。儼然爲神京北門鎖鑰。故錫名曰鞏華。縱橫二里。方周八里。南門曰拱京。北門曰展思。東門曰鎮遼。西門曰威漢。濬池離城六丈五尺。闊二丈。深一丈。先以勳臣若都督守之。嗣改都司守備。今爲腹地。其城市繁盛。猶等於大縣也。

地勢 控制京北五縣。沙河如帶。昔日亦略足以眼戎馬。是以因地以築城。河之南爲定福莊大道。下游爲寶各莊小沙河。河北望爲洛莊。蓋夾峙於兩河之間。北望棉山。蟒山。神嶺。鼎列。東北望大小湯山。西北望十三陵。如屏如障。爲京師後盾。物產 農產糧食。每秋收時市集。日收七八百石。清初有甌子作坊。當差者號曰甌

爺。北有獅子營。明人征服安南時。得獅子象之於陵旁。以營兵守之。滋生不多。曾逸於塞外。

京兆警備隊北路司令處

京兆北路多盜。北路司令處駐沙河。管昌平順義密雲懷柔平谷境內。每年冬防籌備妥當。以斷絕盜源。保障民生爲第一要務。但各縣習慣。仍有被匪搶劫。或失物無多。或恐匪類報復。不敢報案。可恨可憐。莫甚於此。總司令處特宣布各縣被搶人民。如有被搶。或託詞保險。詐取錢財者。立即密報司令處。將來查實拿獲著名盜匪。定予重賞。不得挾嫌誣告。自取咎戾。

模範國民學校

校舍教室。北屋三間。光線頗足。門外閒地可爲操場。學生四十四人。比前陡增。用單級編制三組。學風亦安靜。

交通

湯山馬路

舊日驛路。略與鐵路平行。正南有小牛房上莊小路。

京綏車站。在本鎮之西南。沿鐵路有半壁店二撥子小村落。

第三百三十七章 豐台鎮

豐台爲宛平縣南鄉鉅鎮。距京兆尹治四十六里。京奉鐵路之正幹。又爲京綏鐵路工起點。京漢鐵路亦自長辛店北。蘆溝橋南。修枝路通此。京奉、京綏、京漢。恃此交相連屬。三路各有車站。凡天津北出塞北之貨。皆於此換車。京漢鐵路。專備石家莊保定至天津通車。皆恃此站爲聯貫之樞紐。此臺朱彝尊疑即金人之拜郊臺。金因遼俗。以重五中元。重九。拜天。而重九則於都城外七里。朱昆田又疑爲遠風臺。所謂豐官門外西南之六里。有鄉曰宜遷。架屋臺上。隸其榜曰遠風者。韓氏舊居也。元人園亭多在焉。

地勢 平原曠野。在三十年前。自然地勢。本無扼要可言。近則京奉猶爲過站。京漢交通。而岔道爲京南之咽喉。京綏交通。岔道且爲京北之咽喉矣。百業發皇。遂爲國有鐵路之總站。

物產 花卉繁多。以牡丹爲最著。梅椿迎春等。家庭客廳陳列品。無不應時畢備。分銷京津。冬日溫室溫牀。製成黃瓜、茄子、香椿、扁豆、冬瓜。其價或數十倍於平時。其利可知。

附近各各村

柳村 鑄鼓爲開會用品。本村人專其技。村在鐵路旁。京奉京綏之間。

孟家村 以旱船爲開會著名之技。不易延請。

泥窪 以大擔爲開會特色。分前後二村。

管頭 東西二村。併合而爲一。

樊家村 劉家村 郭家村 趙家村 居民頗整齊。

張家路口 萬金村。

鷓鳳營 復辟之戰。落炸彈四枚。受傷者五人。

花神廟 爲十八村養花之家所奉祀。春日開廟會。其神像各手一花。演戲甚盛。

交通

京奉 經柳村。東管頭。前泥窪之南。

京綏 經萬金寺村之東。

京漢 不經本鎮之各村。

第一百三十八章 清河鎮

清河鎮距京北二十里。爲京綏鐵路車站。地屬宛平。居民五百餘家。商市在橋南者。有官鹽店及游緝隊官廳。及福音教堂。橋北則有警察第一區。回教禮拜寺。高等小學校。在其北端。商務以糧店爲大宗。有廣通當舖。爲舊商之雄厚者。三義和燒鍋一家。貿易亦盛。逢單日爲市集。回民居多數。日屠老牛。犍牛。風氣近於京師。清真好潔。多有堂澡。塘業者。可謂清矣。製革廠在清河街外西郊。自闢一大規模。陸軍豫備學校。則在清河以北二里許。

地勢 清河在鎮市之南。跨以長橋。上承玉泉之來源。下達孫河之水塔。其水清潔。近於山而流於平地。無湍流激浪。亦不通舟楫。京北孔道。自鐵路通而陸行者少。土路坦蕩。京師膠皮車。亦可直達。

物產 清河醬菜太聚最著名。每當秋收之時。市集每日所收糧食。約在一千五百石上下。以大豆高粱玉米爲多。麥秋時大小麥上市。亦甞燒鍋自造之酒。每觔不及一角。入京則其價加倍有餘。菸酒公賣局。緝私酒。罰甚嚴。

清河溥利呢革公司

有彈毛、紡毛、染毛、織毛、各種機器。分科治事。平時工人多至三百餘人。皆本地人居多。羊毛皆自張家口外。由京綏鐵路運來。所製成品。由鐵路運銷京師。苟辦理得宜。則軍裝一項。不致用外貨矣。

清河陸軍豫備學校

陸軍學校。管理較嚴。今則益加整飭。本地學生亦有入學者。然居少數。各省青年所萃。自以野外爲宜。

附近要地

永泰莊 多農家。共百餘戶。 馬房村 外八家酒店。今餘二家。共百五十戶。

西三旂 有永德泉燒鍋一家。 上地 蘇氏擁地百餘頃。穆鉅富。居民數十家。

交通

京綏鐵路 每日火車經過。停車者四次。快車過此不停。

大車小驢 爲就近運貨入京用品。比鐵車廉而較便也。青紗幘時有路劫案。

第三百三十九章 新集鎮

新集鎮在寶坻縣西北四十里。水陸交通。工商發達。京兆境內第一鉅鎮也。位於洵河南岸。街市東西長三里。南北里餘。街之兩端皆有柵欄門。北有土圍。以防禦土匪。寶薊三香四縣交界。有小漢口之名。紗廠在西柵欄路南。鐵廠顏料廠均在後街。巡警局商會模範小學均在東柵欄內路北。關帝廟內距街西南二里許。寶薊中學在焉。由古廟改築。偶像一律遷毀。商家以本地人爲主體。間有山西人。風俗淳樸。無戲園妓館等消耗之場。以一四六九日爲集期。平日交易亦盛。

地勢 平坦而高。亢臨河而不受水患。農田土壤膏腴。歷歲恒豐。周圍數十里。皆無山。北望盤山。如後屏然。洵河縈繞於北。碼頭與街市相連。春秋水盛時百艘連牆萃集於此。

物產 輸出貨物以布疋高粱豆麥爲大宗。紗則就地分銷附近各縣村莊。爲織布之用。鐵廠出品之鍋年久不炸。洋爐亦仿西式。顏料廠之原料皆采自北部山中。純粹國貨。成績卓著。

附近村莊

達官屯 在中學南半里。居民二百餘家。昔有達子作官者居此。故名。現在皆爲平民所居。人多務農。有國民學校。

張仙莊 屬薊縣。在鎮西二里。創辦紗廠鐵廠者。即係此莊之富紳盧桂芬。集資鉅萬。現信用昭著。蘇廣商人有遠來投資者。居民三百餘家。多殷實之戶。有高等小學及女子小學。足徵富教也。

交通

陸路 三香、寶薊互相往來之中樞。東北距薊縣城七十里。西北距三河縣城三十里。西南距香河四十里。往來皆不過一日。進京由正西皇莊。夏店、燕郊、通縣九十里。即附火車。是以行旅極便。

水運 由洵河順流下。至蘆台天津。舟運極便。上溯平谷三河兩縣。每年由春分開凍後。可通航以小雪爲止。順風兩日。可至蘆臺。上年內河小輪船曾上駛至正東白龍港。船捐永不恢復。船商歲助寶薊中學二千二百五十元。

第四百十章 長辛店

長辛店距京兆尹法西十二里。宛平縣地。距蘆溝橋十二里。爲京漢鐵路極要之站。凡北段存車廠。修車廠。材料所。工廠。鐵路員習所。悉在焉。車行過站時。由車中西望。各廠所。呈眼底。西南有磚窰一。亦在路線迤西。夾路鄉村。如扶如拱。西南卽良鄉界。路軌未通以前。南北旅行。每以此站爲宿站。車塵馬迹。有由來矣。京漢旅人。欲逕赴天津者。每由此換車赴豐台。又站西三十里。有戒台寺。院宇宏敞。避暑者趨焉。內有二人肩輿。曰抓山虎。專爲游客而設。或訂期到站迎接。第二區菸酒公賣局駐此。管西路五縣地勢。東帶永定河流。有湍激奔駛之勢。因其水力。以創辦水碓。水碾。可省人力。又無需煤火之費。天然利用之大。端西望戒台。在太行屏障之中。旅居本地之西人。視爲別業。牛佛閣在其北。登閣遠眺。俯視羣峯若培塿矣。

物產 青磚俗名洋磚。亦有紅磚。爲西法陶器之巨廠。京漢沿線。建築車站宿舍。多取材於此。本鎮所建工廠學堂及天主堂。皆堅實。足見陶土之良。戒壇臥龍松。枝蟠若龍。

養路工廠

分科 木工、鐵工、土工、各科

工匠 二千人以上

工作 修葺道路車輛

車廠 停放空車甚多

見習所

性質 近於職業補習學校。不如唐山專門工業學校規模。可爲基礎。

文字 重用法文。因京漢借比款。雇法人承修也。

翻譯 閩人居多數。因船政學堂先習法文也。他人但知京漢一路。閩人占優勢。

其實則由教育得來。非倖致也。

通票 岔道與豐台相連。卽聯絡京奉京綏兩線爲一氣。津浦滬寧亦五路合一。有

通車票。行李過磅。交付車站。卽手一皮包。自行換車。到所到之站。再取行李。以免

換車時難於照料。世界愈交通。出門愈便。天津保定。由此有直達車。

第四百四十二章 廊坊

安次縣正北三十五里。昔本荒村。自鐵路交通。漸成市鎮。安次縣城人民入京者。多取道於此站。街長三里餘。以車站北爲較盛。昔日庚子之變。德國兵營於此街正東。建築營房。周圍四五里。今歸陸軍都收回。方德國挾重兵而來。拆民房。據土地。視若無人之境。及與德絕交。宣戰。始由陸軍部發給官價。收歸國有。現駐奉軍爲數萬計。鐵路南修營壘。現駐者爲西北軍也。有高等小學校。學生百餘。莽莽平原。無大山川。出產無多。惟商行糧店最鉅。西山煤窰亦由此轉運。外人貿易有美孚亞細亞煤油發莊。

廊坊古村

原在車站北。不過十餘家。務農小戶。

廊坊商務進步

浴堂 由一家增至七八家。

燒鍋 已有一家。

官鹽店一家。

廊坊之兵禍

復辟討逆之役。兩軍開戰。廊坊萬莊一帶。首被兵禍。哀我良民。或誤被傷害。或田廬牲畜財產損失。家屬流亡。均堪憫惻。由京兆尹公署訓令安次縣知事會同委員調查。列冊請加撫卹。墩台村。西務村。翟各莊。北昌村。豆家務。秋禾損失。已賠償。邊防軍佔用民地給價

每畝全年租價二元二角。分兩季給領。其中有種麥田者。按畝加租。臨時賠償籽種費二元。現下脫坯堆料所佔之田。均屬白地。暫用一時。每畝亦加給一元。以示體卹。

國民學校

斗秤牛猪果木六行。交納雜捐爲就地自籌之經費。專歸學校收用。

高等小學校

新修校舍尙未開學。防疫時借用之。京兆廊坊臨時防疫醫院。設於本鎮勳忠祠。置中西醫長各一人。醫員六人。及疫氣撲滅。遂撤院開校。

第四百十二章 海甸

海甸距京師西直門西者十二里。爲京西第一繁盛之市場。有中國銀行。郵政支局。電報局。街道自東至北。爲萬壽山之通衢。夾道市廛。與京師無異。凡京師所有。海甸無不有之。遼金元明以來。卽爲鉅鎮。康乾之盛。駐蹕圓明園之時。海甸貿易。早已發達。及頤和園興工以後。引見人員。或在海甸住宿。以備早朝。是以京官多營別業於此。近年多退職人員。避囂於此。房租日用。比京師稍廉。水泉清冽。編地無苦水。東有蠟子湖。廣數畝。附近農田。資以灌溉。舊日世族。住燈籠庫。朱門碧瓦。亦漸見頽廢矣。

地勢 西苑近接頤園外。收買民房稻田。改爲大操場。有閱武樓。頤和園外之街市。與海甸之街市。僅隔此大操場。地廣百頃。坦平宜於大操。建築營房。與頤和園鄰。按照步馬礮工輜新軍營制。能容一師而有餘。今所駐者爲第十三師。及第十六師。營北有營市街。戲園茶樓皆備。圓明園南牆距此約一里。

物產 海甸稻米。蓮蓬。桃。薺菱。藕。特產蓮花白酒。醬小菜。均著名。臨河得魚。付之酒家。其味尤美。工廠製造。有牙粉。胰皂之類。

自治會。在西柵欄雙旗杆關帝廟內。

西郊勸學所。屬於京師學務局。以四郊爲限。東南北三郊皆有之。惟西郊地方皆庶設學較多。健銳營外火器營所設學校。皆屬於此。附設閱書報社。

私立海甸高等小學校附國民學校。新莊大胡同路北。此外尙外國教會所設之學校及私塾。

清真寺。西城回回遠來樂居西郊。以此爲西郊之總會附近。蓋蒞廠、饅頭村亦有清真寺。其人皆務商業。而招牌必標舉清真。

福音堂。據大街之中。最得形勢。得英美富商之助。建築高潔。又有醫院以收拾貧民之心。其牧師雖文理不通。科學程度不高。而勇於講演。勝於國人學術通博。而不能講不肯講者。

交通。游西山八大剝萬壽山、玉泉山、香山者。皆出其途。外賓亦多馬路平坦。汽車往來如梭。織膠皮車尤多。可以漫游。若鄉人入城出城則附大車。夏日亦有布棚車。車上人滿。頗擁擠。西郊舊世家。仍用騾車。至菜圃運菜。至菜場。則多用手推車。

第四百三十三章 藍靛廠

藍靛廠距京師西直門正西十二里有營房名外火器營。城市比於大縣分八旗西南有圓明園廂藍旗一旗。營內有大街二。一由南門通正紅旗關帝廟。一由東西門相對不甚長。營東有河涌昆明湖。下游即護城河。營外西門大街不甚繁盛。南門外西頂廟。每年四月開廟半月。自初一至十五日。頗繁盛。旗戶二千餘。丁口逾萬。今披甲月餉。不過紙幣二元餘或三元。生計大窘。四圍膏腴地皆民田。商戶亦漢人爲多。旗民有織布工廠二。在西門外小教兵廠。作工者不及百人。成本過昂。銷路頗滯云。

營制 翼長管八旗。幫辦分管四旗。直轄兩旗。營總三人。各轄兩旗。正參領四人。副參領四人。各領一旗。以下有委參領八人。空花翎護軍校八人。護軍校每旗十四人。藍翎長每旗十四人。高槍長每旗十四人。各領一隊。每旗十四隊。

物產 舊有一隅之地。特產藍靛。今農家鮮有種者。惟冬日所產水蘿蔔所含水分極多。可解煤炭毒。河中產魚充。隨時可得鮮魚。東門外水稻極多。頗似江南風景。夏日蓮花藕芡寶慈菇亦多。運入京師。農圃以黃豆爲最。

舊火器 將軍砲、昔年鑄砲。每錫以將軍之名。運轉不便。宜於守不宜於攻。又有烏槍拾槍。皆康熙乾舊式。

備補軍 現定額一千人。照新式兵操練習。以備各軍咨調備補。平時每人津貼銀二兩。

教育 外火器營高等小學校在營房西門外。原係印房改造。學生百餘人。八旗各有國民學校一所。各在本營房內。均係舊日官房。每校四十人。可立軍國民教育之基。有自治氣象。惜其定額太少。

附近之地勢

圓明園八旗 散居八處。拱衛圓明園。距城近者十二里。遠者三十里。翼兵住本旗。自咸豐英法焚園以後。頗覺寂寥。惟頤和園盛時。亦資拱衛。

健銳營八旗 散居八處。且有一旗散居三四處者。依西山一帶形勢結營。有堅壘。仿大金川之樓爲之。如碧雲寺、臥佛寺、八大處、玉泉山後。皆擇要害之地。駐以重兵。乾嘉以前。名將輩出。不愧爲健銳也。

第卅四十四章 采育營

采育營距京南八十里。所轄有七十二營子。爲左安門東南大道上第一大鎮。昔設巡檢古安次縣之采魏里。明初爲上林苑。後改蕃育署。合而名之曰采育鎮。至今民間舊契尙見有蕃育署印者。昔有良牧林衡嘉蔬。所謂外光種也。統於上林苑署。不隸京府。蓋元起沙漠。用以牧馬。永樂二年移山東山西民填之。有恒產。無恒賦。但以三畜爲賦。舊有鵝鴨城義犬菴。今皆無考。文廟文昌祠。每歲春秋必舊祭。原有鳳河營把總。今裁。風俗不良。其婦人多傭於京師娼家。時有拐逃之案。

地勢 兔嶺一拳阜。餘皆平坦。西行二十餘里。前野廠後野廠一帶。地質多含沙。城。但可以種果樹而不能營農圃。因收成稍薄。河流爲鳳河。其源出於南苑之團河。流經鎮西下游。向東南經鳳河營出界。東南二十里。有聚燕臺。

物產 小麥最夥。磨麪粉運銷京師。號曰鄉下白麪。較各路機器水磨者。價值尤廉。是以銷路甚多。燒鍋所製高粱酒。運銷於京師者。曰南路燒酒。所產果品桃杏均多。山查密糕製造尤佳。又有打瓜一種。專爲取瓜子之用。其瓤亦可食。

附近各村莊

山東營 多山東人移居。有北山東營、南山東營。

山西營 多山西人移居。若南北蒲州營、河津營、趙縣營、沁水營、潞城營，皆仍用

山西原籍之地名。

韓家營 以打瓜爲最盛。其瓢味尤美。

沙窩營 居民最多。

前野廠 前野廠 桑樞最盛。專賣作果品。不用桑葉養蠶。間有取葉養蠶者。作

爲玩物。採葉以後。桑樞即不能成熟。桃杏亦多。

高家店 梨桃杏最富。

羅家莊 李家堡 產山查最多。製成山查片。

交通

由京奉鐵路者。南行十五里。在萬莊車站上下。

由大車入京。昔爲山東天津入京大道。今惟附近鄉人由此。

第四百十五章 龐各莊

龐各莊距縣六十五里。由黃村車站往來。距黃村二十五里。有居民六百餘家。商店百餘戶。燒鍋三家。資本雄厚。糧行十餘家。布行、雜貨行、資本亦殷實。錢行由糧行兼辦。商會成立。置有房屋二十餘間。商團百餘人。均有新式槍械。高等小學。因星渠溝舍之舊址。大加拓修。有校舍百餘間。宛平各鄉學之模範。附有國民學校。鄉立國民學校在順娘廟內。教室六間。由青苗會辦理。警察所。就原有巡檢舊署。內勤十人。外勤二十人。內有馬隊五人。有家庭工廠。以紡紗爲主。紳士翟星三經理。每月傳習十五人。

地勢 道路坦平。可以馳馬。距永定河十餘里。附近村莊密布。深虞河決。堤防頗嚴。沙地不耕者。如大營、桑堡、馬房、趙家場、諸葛營一帶。收成歉薄。其膏腴者。以大臧村、北臧村、張公堡、東西黑堡、高各莊、支各莊一帶。

物產 農產花生爲第一大。小麥、玉米次之。五穀完備。果物則將桃、杏、李等物。至於工作品。則有油榨、出花生油及油餅最多。南銷滬閩。芝麻油、豆油次之。近日紡成之線亦多。

村鎮

狼堡 居民五百餘家。

天公院 居民三百餘家。

新立屯 居民一百餘家。

石坊 居民一百餘家。

梁家務 居民一百餘家。

相傳明以前居民甚少。由前明始遷入。實最古之村落。

大臧村 周姓居多。

皮家莊 林姓董姓居多。

交通

由龐各莊至黃村 有大車運貨。人所乘有驢馬。

由龐各莊至榆垓鎮 二十五里。爲宛平南大道。昔年深武饒安等縣。取道於此。

榆垓以南十里舖。交固安界。

第四百十六章 門頭溝鎮

京西之有門頭溝。猶京東之有通縣也。京門鐵路之附於京綏。猶京通鐵路附於京漢也。凡最短鐵路之終點。必爲最繁盛之市。門頭溝舊爲西山運煤之總匯。猶通縣舊爲東南運河之總匯也。民非水火不生活。京師之燃料。其數量必數倍於食料。京門鐵路車站。即城子村。山距煤礦尙遠。山中馱戶萬家。賴以爲生。有擬修門安鐵路者。有擬修城浮鐵路者。曾由城子村經天橋福。沿官路旁。鋪輕便鐵路。以便煤運。又於黃石岡。鋪石子路。通源公司。并請疏濬永定河運煤首。創航業未果。礦業因利局設運煤手車焉。

地勢 永定河上游。以至青白口。以山爲隄。東河流於兩山之間。不設防亦無游漬。惟山脈高聳。河內沙灘石灘。亦於長江上游峽江畧相似。田高河低。農民每於淋灘堆築石子。引水入渠。以資灌溉。沿河板橋。每於白露搭造。驚蟄拆去。又各村公渡。皆以鐵繩欄河繫之。水小則繩高。水大則繩低。通航亦多不便。

物產 宛平縣各小窰。出產柴煤。倚爲世業。在鑛稅局注冊。係爲鞏固產權。因洪水爲災。營業狀況。未能恢復。經農商部核准展限。亦如農家之有豐歉也。

黃石岡建築石子路

- 一由門頭溝車站起，修石子馬路，沿途經過耿王墳、龍門、通興煤窰，進門頭溝樓門。盤山路直至官園西口爲止，計長八千五百米突。
- 一全路先按地平高低修築土路，計寬五米突，五十生的，連兩面水溝在內，上下平均寬以七米突爲限，去高填凹，均按八十生的。
- 一土路成立後，上加小石子，連兩面之土邊在內，均寬五十生的，原十七生的，成後以十五生的爲限。
- 一石子舖成，再用石滾帶水並沙土，往來轉壓，以壓堅爲止。
- 一山路高下不勻，每遇山溝及道路低凹之處，須加橋梁水洞，按地勢建築。
- 一由官園西口起，沿途經過駝灣、官廳，東來窰至高風門口爲止，共五千五百四十米突。盤山過嶺，高下參差，高平線按百分之七修築，寬五米突，填一米突。
- 一風門口至黃石岡一帶，純屬山路，中隔山頂甚高，須開山穿洞，始能通行。該洞約長五百米突，因路兩旁煤礦甚多，必須挖穿山洞，以便聯絡。

第四百十七章 齋堂

齋堂鎮屬宛平縣。距京兆尹治百六十里。地圖鳥道不過百里。自門頭溝以西，萬山重疊，道路盤紆，陞降山嶺，尤費時力。是以由門頭溝至齋堂，尚需二日程。齋堂分東西二鎮，相距約一里。共有居民五百餘家。他日煤礦開，由門頭溝延長鐵路至此，地方必益臻繁盛。此鎮已至西山深處，森林蔽天。西南有聖泉寺，相距三十餘里。水泉清冽，風景清幽，爲避暑最佳之處。惟僻在深山，冠蓋往來絕少。夏日尤可避暑。齋堂有城而缺其南面。即嘉慶六年，山水所衝刷。夏秋苦潦，沿河均無堤防，幸其泛溢爲時不久而已。

地勢 自門頭溝入山，舟車皆不通。人力負載，牲口馱運，至爲勞費。經峯口、菴大寒嶺、牛角嶺，皆峻極。其餘小山，不計其數。山中高原之平者，大不遠數頃。山溝通流，易涸，皆石子，不能栽種。惟山坡可種植。百花山爲王峯，白鐵山古刹，卽名齋堂。

物產 核桃、杏仁爲果物大宗。杏子成熟，無異秋收。棗、梨亦盛。農產不宜麥，以高粱、玉蜀黍、小米，不足食。製造品則有砂鍋、砂壺等陶器。原料用本地砂土製成。運銷京師，價值亦廉。各種礦質，五金俱備，而煤尤多。因交通阻礙，未即開采。

鄉鎮文廟及形勢地

齊家司 原駐宛平巡檢。由齊家莊移至東齋堂。現改第八區警察所。設警佐管理之。南北七十餘里。東西亦七十里。足當東南一縣也。

清白口 爲宛平第七區。其人民外出。仍自稱爲齋堂人。齋堂範圍。實周迴數百里而遙。清白口之清水。即齋堂川。古名靈桂川。由靈岳寺得名。此寺建於唐貞觀初。元滅金時。蔡某蒙黃冠而驅釋子。據爲巢穴。清人誅蔡而還之。寺僧。

文廟 原在輯寧門內。嘉慶後平羅營守備因水災移署於文廟。繼移聖像於北菴道。光時大成殿僅三楹。東西舍捐立義學。

天津關 在齋堂城西北三十里。黃草梁之麓。山起人面。雲生馬頭。路通懷來。

龍門澗 城西北三十五里。懸崖峭壁。龍湫激鳴。行六七里。天如一線。亦通懷來。黃草梁頂 遺有七墩。俗稱七座樓。橫二里。聯絡石牆。今牆頽墩存。

洪水口 墩位烽墩。布置井然。有明之遠制也。

里社 桑峪清水二社。每社里長三十人。清厘籍貫。催交錢糧。戶皆清白。無逋賦。

第四百十八章 牛欄山

牛欄山在順義縣北二十里。爲赴密雲古北口大道。懷柔亦由此分路。居京北五縣之適中。明一統志改名順義山。元太祖次牛欄山。欲盡戮漢軍。木華黎以石抹孛迭兒可用。奏釋之。山與狐奴山相望。其第三峰。腰開一洞。相傳曾有金牛出食禾稼。田畯逐之。投以磚石。輒聞水聲。或以物擲之。良久。自山旁。白河浮出。其北里許。靈蹟山。二山一脈。前山石身負土。後山土身戴石。前大後小。行人總以牛欄名山之東麓。潮白二河相合。有龍王廟。山之東南。爲漕河營。有城二門。原設把總。今舖店數百家。四七九日趕集。

地勢 靈蹟泉在靈蹟山。佛座下湧出。西流繞玄武。溉稻田五十餘畝。靈蹟院東。下靈蹟井。水最甘美。山不崎嶇。迄爲平原。河流交錯。因水陸交通。而開爲商場。銀行百業所集。中小學學亦興。地勢之便利也。

物產 鎮東北史家口一帶。皆產石灰。白河沿岸種麥。白河下游多漁業。魚類以白河鯉爲最。穀類有紅旱稻。白旱稻。又有春麥。與塞北相似。而早熟。蘭蓆亦與口貨相近。山中野獸。有布雲虎。今不常見。

附近要地

史家口 鎮之東北。當懷河入白河之口。 北軍營 鎮之西北

下坡屯 鎮之東南。其西有下坡等。

半壁店 鎮之正南。其東南有張家莊。

京兆公立第四中學校工程

面積十二畝有奇。共瓦房四十二間。土房十四間。新建樓房十四間。瓦工八間。尙擬添洋井澡堂。計銀九千八百二十四元。

交通

三家店 順義縣西五里。地當孔道。有行宮。行役往還者。接踵於牛欄山。

南石槽 順義縣西北三十里。爲熱河要衝。亦有行宮。及旅店宿客。

北石槽 接連南石槽相距三里。亦有酒肆茶坊。應接逆旅。

渡船 清初歲支修理渡船船一兩五錢。水手三名。工食九兩。不足由地方捐。

蘭沽航路 起牛欄山。終天津。設定期航路。

第四百十九章 張家灣

張家灣在通縣南十五里。濱臨運河。昔漕運最盛時。爲京師之門戶。以京通漕衛並稱。彼時天津始設衛所。未設府縣。僅可與張家灣并列也。順天府通判原駐於此。蓋其地亞於四路同知。重於各縣也。其街市繁華。亞於通州。猶有京津氣象。今因火車不出於此。漕運久停。富商早已轉徙他埠。惟廣廈尙存。然咸豐之末。英法聯軍入寇。科爾沁親王僧格林沁禦之。敗績於此。遂有圓明園之劫。熱河之狩。逼而爲城下之盟。此亦國恥紀念之地。不可忘也。光緒庚子之役。李秉衡禦聯軍。力戰沒於此焉。

地勢 北運河多灣曲。治河工者。方擬裁灣取直。張家灣爲灣之最著者。潞河自東北來。折而東。舟運盛時。運河帆船。雖遇順風。亦須拉灣。蓋河之灣處。順風爲逆風也。至河濱老舟子。有謂河之灣曲。可殺水之奔放。若一律改直。則恐水患益烈。

物產 農產五穀皆備。林產有九曲松。盤困如老龍。俗名灣樹。又有古藤根。亦見曲折遒勁之狀。葡萄架架亦繁生。皆可爲美蔭。瓜蔓點綴園圃中。而金瓜則專爲陳設用之。製造品。則有草帽。縵。織席。織帶。

附近要地

鄒縣鎮 爲舊鄒縣故址。邑居不及三百。清設州判一缺。隸於通州。自張家灣以下。河西務以上。惟此馬頭。停船最多。昔鄒河白蘆溝分流至鄒縣西。析爲三。一曰鄒河。繞鄒縣至張家灣入白河。二曰新莊河。三曰新河。蓋鄒縣夙爲鳳河故道。桑乾一派東由鳳河出。是以重也。初爲漢泉州之霍邨鎮。遼爲鄒陰鎮。計爲鄒陰縣。舊治在城南隅。元升爲州。遷於河西務。至正間復舊治。改治於城東北隅。明爲鄒縣。清初省入通州爲鎮。學宮尙在。岳文肅公祠祀前明岳鎮。

河西務 或作河西務。在運河之西。原有主簿。以司河防水利。有驛站。爲爲京津之要路。河濱昔日停舟極多。自火車通而舟運減。市面遠不如昔年。至今猶爲武清、香河郵路之之要鎮。東北距香河二十里。西南距武清三十里。又西北二十五里。爲安平鎮。亦爲著名鎮市。

永樂店 通縣南五十五里。南至武清亦如之。戶至五六百。殷實者多。地高水不能至。百貨駢集。旗人曼殊震鈞。著復鄒縣議。擬設治於此。姑存以備考。

第一百五十五章 牛牧屯

牛牧屯爲香河縣西北要鎮。郵區圖作牛堡屯。臨箭桿河。上游李遂鎮決口入箭桿河。有議於牛牧屯地方挑挖引河。挿入運河者。此議殊不可行。雖經外國工程師測量。究竟無切身之利害。蓋以運河自李遂改道。日益淤淺。從前只一潮流水量。尙不能容納。益以箭桿河自非疏濬。減河不可。惟牛牧屯工短事簡。青龍灣長近百里。又有改隄之議。下游七里海淤成平陸。僅一線通流。即同時興工。牛牧河必先工竣。若減河未畢。大汎前放新河入運。勢必泛溢四出。必俟下游工竣。始開新開河土壩。以防流弊。

地勢 介在箭桿河運河之間。村西運河之河身。高於箭桿河身六七尺。水性就下。何能強之使上。若仍使潮白巨流。由箭桿河走薊運以入海。則三香薊寶寧等縣。所受水患。仍不能免。年來北運安瀾。局長王福延。與有勞焉。

物產 地多膏腴。農產五穀豐足。比上游李遂鎮。下游青龍灣。沙城各地。不啻倍蓰。昔在元時。曾爲牧牛之地。牛種蕃息。今鄉下牛乳價廉。製酪極便。老牛棧牛不能代耕者。回民屠之。牛肉。牛皮。牛角。牛毛。皆可爲食用所必需。

附錄河工大概

新河 自李遂鎮下迄青龍灣沿河地段綿長約二百餘里開河收地分別按上中下三等定價以牛牧屯附近腴地列爲上等村莊廬墓並求繞越

東隄 香河縣城本低窪從前北距箭桿河尙有七八里及十餘里之遙然北門外被沙壓之地已有多處今沙務吳村下至牛牧屯之新河距縣城極近者乃僅里許且不免有坐灣之處務請將由新閘抵牛牧屯入運之處距城近者加高培厚施以礮工其坐灣處酌築磚灰各壩以期保障安全

土門樓 沿青龍灣一帶香寶武交界地點素爲土匪馬賊出沒之藪青沙障起藏納尤易全賴警備隊分駐工段彈壓稽查防患未然

滾水壩 桿河及蜈蚣河現有滾水壩擬一律改建洋式新閘俾資宣洩

青龍灣河中營村決口以二十六日之工在中營決口西半旱堤工長四十丈均已築成多係沙土河內外並無膠土可取又接前水堤工長三十五丈所用係河內淤灘之土尙非純沙下游河淤甚遠卽挑挖亦難暢流於新隄無關

第一百五十一章 楊村鎮

楊村鎮爲武清縣南鉅鎮。前清曾設通判於此。近接天津。風氣相似。東西二村。夾運河而對峙。京奉鐵路大橋。橫亘其南。東站在運河西。西楊村之南。閨闈櫛比。市廛殷盛。河水平緩。兩岸均有碼頭。昔年漕運盛時。早已帆檣林立。今因舟運比火車價廉。商船仍絡繹不絕。車站距市鎮三里許。近於鳳河。近年省議會。有議決魚溝。引運入鳳。流至楊村龍鳳橋下。仍入運河。爲泗村店等二百七十六村所反對。蓋鳳河下口淤塞。自大南宮。三黃隄。下及龍鳳橋。節節不通。永定倒漾。楊村亦日處危境矣。

地勢 北運河下游至天津浦口。永定河自西向東。有橫行撞入之勢。運河下游被淤。若裁浮取直。疏濬後。河溜日暢。宜於楊村鐵路二十四號。鐵橋下。朱莊以南。奔於慶府挑濬引河。插入新開河。經楊河淀。穿金鐘河入海。則北運一河。由雙方入海。不但運河得利。即永定河清水。亦增一宣洩之力矣。

物產 楊村糕乾。名重京師。勝於西法餅乾。惜未能裝入鐵罐。飾以五色廣告也。道旁楊樹繞村旁。可謂名實相副。

附近農地

武清農地面積雖三萬餘頃。而楊村一帶。因河流道路荒棄者。約占十分之三。約計萬頃。內務府各王府租籽地。約占十分之二。民田不過一萬四千九百五十四頃。不及半數。

附近要地

蔡村 在楊村之上游。爲昔年舟運帆檣鱗集之地。至今。日仍爲運河有數之碼頭。商務亞於楊村。郵路相距二十五里。

梅廠村 在鎮東二十里。詳模範村。

崔黃口 在楊村東北四十五里。爲赴寶坻之郵路。中有大口屯。亦有市鎮。其西河北屯。亦著。皆宋人防遼所置之屯田也。

牛鎮 昔以產牛著。實附近農民牲畜交易地。

侯上村 警備隊所分駐者尙有

藍城 小董莊 大小周村 藏廠 高村 又有田戶等村。亦請駐隊。

第五百五十二章 王慶坨

王慶坨爲武清縣正南之鎮。當天津之西南。距津浦鐵路楊柳青二十五里。即大清河北距葛漁城二十五里。即永定河。是以順水修堤。以爲防護。與就近亦無妨礙。本鎮高等小學房基。值千元。爲學董張際康所捐。地方繁盛。財政問題。不致過於棘手。原係武清第八區。面積甚廣。近日淤沽港。因交通不便。公務阻滯。請將淤沽港十二村。析爲第九區。或以爲本鎮及附近小村。勢分而力弱。然分治之後。尙二十七村。其富力雖他區一區有百餘村者。或不及焉。

地勢 渾河北貫。清水南橫。二水之間。微有高阜。可度地以居民。然歷代治河者。以築堤爲務。無異挑土填河。堤身日高。河岸亦隨之日高。現在堤比平地高三丈餘。比河底僅三數尺。永定下游至北辛莊。入北運河。尤淤墊之待疏濬者也。

物產 堤土性質鬆軟。近年亦知多種樹木。培植蘆葦。淤肥所積。或成腴田。五穀繁殖。民間任意做搶。致西堤之間。河流或無正身。可尋漁人捕魚。由河濱運以入市。而大宗則銷於天津。其飛蝗害稼者。即捕而爲糧。積之成囤。其味如蝦。

附近各地

分區事項 自治愈密分區愈密原有第八區範圍本狹惟生聚衆多過於他區不能不分自治成立維持地方治安不能強分亦不能強合也。

東蕭莊 艾蒲莊 陳嘴村 原係第八區所屬今改歸第九區雖有少數人反對亦無效。

泃沽港 亦武清大鎮之一生聚既盛。遇自治事宜遂以爲第八區遇事諉卸並不管理呈明獨立自治機關籌備進行一切事宜經費區域之劃分均與第八區無所妨碍且較隸屬八區多所便利。

交通

赴天津舊路 正東經三河頭韓家墅東至北倉南至天津。

赴京大路 多取道楊村上車。

赴天津新路 多取道楊柳青較近。

郵政 設立三等郵局。

第五百三十三章 金門關

金門關非尋常商業之鉅鎮。乃沿永定河之鉅鎮也。設管關委員。由永定河務局長委任。管理本關啓閉事宜。京畿河工處督辦坐辦。亦常派員視察測繪。河務局設一局長。三理事。十四縣佐。四武汛。并兩隊長兩稽查。三常防員。及工巡兵目巡兵等共一千二百名。工段綿長。近接郊畿。淤塞壅滯。險象環生。防護修守。比各河尤難。然此關爲永定減河水漲時。放水入白溝。合大清河。但大清一漲。白溝受頂托。不利下洩。漲溢爲災。因白溝亦年久淤墊。消水無力。爲災有餘。議者以爲害及兩河。不如堵塞爲愈也。

地勢 永定河兩岸。沿亘四百餘里。河身高於平地。二丈有奇。埽至二千二百餘段之多。備虞防險需人。前清河道。職尊權重。五廳。二十一文汛。兩武汛。並都守協三營。兩岸千把總。及額丁一千六百八十九名。可見向來注重。

物產 永定河身。自六工以下。兩岸相距十餘里至四十里不等。任水徧流。近日人民貪地。多築埽壩。禾麥叢生。並有偷將支流堵塞者。一家一村。稍獲農利。而大爲全河障礙。因河濱蘆葦之利。不如禾麥也。近年工程隊栽培堤柳甚多。

永定河務四分局

南岸上游 南岸下游 北岸上游 北岸下游

永定河務二十工

南北各十工。除四工有分局駐守。餘十六工。各設駐工辦事處。各工主任。以分發永定河縣佐。及舊有人員任之。受分局長監督。每屬春工防汛。及特別事件發生。得派臨時人員。每工又分若干號。以期周密。工程隊受主任命令辦理。修估。防搶。及栽植看守事宜。

交通

永定河電報局 設司事二員。由局長派充。管理電話設備事宜。
刷沙船 擬添置數隻。行駛河中。助水刷沙。槽深流暢。水患可止。
下游 永定本無下口。始則奪鳳河南入大清。繼則穿鳳河故隄併入北運。而北運大清仍會流於三岔口。藉海河歸海。近因大沽口門海潮頂托。虹橋上下。節淤墊。以致天津被災。今擬由永定入運之北辛莊屈家店。開一新河入海。

第一百五十四章 清華園

清華園距西直門十里。爲京綏鐵路北行第一車站。離塵絕俗。不愧清華。西郊多清室。貴冑之園林。惟此園今日最有名。清季美國退還庚子賠款。設清華學校於此。其課程與前清學部中小學堂章程微異。隸於外交部。爲留學美國之豫備科。招考比他校爲最嚴。民國以來。所授課程。亦與教育部法令規程微異。蓋美國無教育部。而隸於內務部。國家惟注重國民教育。有長至十年八年者。中學大學。則私立者各有精神。國家亦不限制其課程。吾國教育與美國大異。當從國民根本上整飭。何待外人監督乎。

地勢 當京師之西北。爲歐化發達之地。建築道路。漸似歐洲。別爲一新世界。中國地理家恒言。以西北控東南。今日清華學風。如童子軍之類。皆爲京師各校之先聲。則北京大學。亦往往從其後焉。

物產 園中移植美棉。號曰共和花。其團結之力極厚。其聯絡之系極密。其纖維之發展極長。無鬆散腐敗之弊。此嘉卉之可衣者也。美國玉蜀黍。其粒紅。其實大。其所含之粉。無異小麥麩粉。可製中國之細點。西洋之麩包。此嘉卉之可食者也。

清華學校 全國學生。視爲出洋捷徑。優秀青年所趨。如百川赴東。太平洋縮近矣。

清華學校職教員住所 此校教員皆專任。因不便兼差。而管教較爲專一。

清華孔教會 淺見者或疑學生偏重洋文。其實則篤信孔教者。能傳教於海外。

清華學報 按日出版。分售處遠至海外。夙多高文名論。饒 齡教授之功也。

清華園售品所 陳列應用之品。以售之學生。近日抵制倭貨。皆以國貨代之。夫吾

國排斥外貨。先抵制美貨。國民公意。爲外交後援。其風亦自美國傳來。公理戰勝

強權。世界之福也。美國尙發明。吾國罕聞焉。留美於美者。其舍空談而求實用乎。

義成木廠 在清華園內。凡世界進化之都會。必有最新之建築。清華園特設木廠。

足見包工事業之發達。且不但在本地包工。即京津之中外工程。亦無不包辦。夫

華工在美而見妒。足見華工之天才。優於白種。惜乎不好學問。未能自強也。

美豐汽車公司 西郊馬路交通。名山勝境。離宮別苑。農林新場。方外古剎。足以游

目騁懷。是以汽車往來。無異都市。膠皮人力車。亦可直達。

京綏鐵路 每日開行火車。往復各四次。共八次。皆於此上下。其客貨車在外。

第一百五十五章 高麗營

高麗營。距昌平縣治四十五里。前清有外委駐劄。與順義縣連界。東北有玉石井。北有東水泉。西水泉。沙河支流即溫榆河。上游自馬坊來。下游至賴馬莊。有岸無堤。年年受水害至鉅。東北有小河來會。明時高麗人居此。號曰小同江。因高麗故國之浪水。號大同江也。高麗兒童之詩歌曰。大同江上朝宗水。却似吾王事。大誠可見高麗自箕子至今。素以服從中華爲主義也。高麗民族。李閔金安。已散在內地。或不自知爲高麗人。惟朴氏讀若瓢。爲高麗特姓。今猶爲京兆之特姓。惟遷徙不復居於高麗營也。

地勢 當京師之東北。遼金元有事於中原。皆先收高麗。明永樂置高麗於京師東北。以見東北屏藩之重。清滅明亦先舉高麗。今倭寇據高麗而合邦。比遼金元清之患更烈。顧瞻東北。大有唇亡齒寒之憂。在位者尙酣嬉如李完用耶。

物產 高麗蝦仁。高麗脊髓。高麗蘋果。皆爲京兆烹調之珍味。其法則由高麗所傳。今日鄉鎮。惟婚喪新年宴客一用之。高麗人好珍味。其國久弱。所造高麗紙亦粗厚而乏光采。今鄉人造粗紙者。比舊法尤劣。馴致於自亡其法。

風俗 各村鎮多如此。附著於此章。以見人民宜自奮。無爲高麗之續也。

剪髮 民國成立。與世界大同。凡官署人員。學徒生徒。下及夫役。次第剪髮。惟鄉僻尙多戴髮拖辮。與朝鮮鄉僻土人。猶著古裝無異。進化力薄。現因入城市赴縣完糧訴訟者。均被剪除髮辮。始覺輕便。由巡警干涉村民。漸次剪除。

天足 順直省議會。議決各縣天足會簡章。及嚴禁纏足條例。凡十五歲以下。未纏者不得再纏。已纏者。應立即解放。蓋專制之時。束縛女子。加以刖足肉刑。本宵娘亡國之習。惟女子不出門。尙有匿而纏足者甚多。

教育

國民學校 經京兆視學考察。腐敗頑鈍。亦如朝鮮學校。特懸之以爲亡國鑑。學齡及歲不入學。七歲正好入學。乃遷延聽其荒嬉。或過十歲始入學。隨意退學。國民四年義務教育。不及歐美期限之半。乃一二年而中途退學。教習頑鈍。既不虛心。又不用心。墨守經書教科。不好學問。并京兆事亦罔知。教室不潔。棹橙不齊。泥塵厚積。雜物零亂。蓬首垢面。雖一室。亦不能治理矣。

第三十三篇 模範村

第一百五十六章 新官村

京兆地方最近設置之模範村。莫近於南苑。昔本無村落。開墾後。各就所領地內。建築房屋。自成一家。無守望之助。是以盜匪覬覦。偷竊強劫。案如山積。今大興縣既代清室徵收地租。於南苑設村。加以整理。擇原有戶數較多之處。及地方適中之處。承認爲村。其餘零星散居。不列入草圖者。則不認其爲村落。俾遷附鄰近之村。合羣而居。以新官及槐房合併。撥設第一模範村。或以大興縣移治。舊營則設第二模範村焉。庶幾以自治初基。彌成共和。整頓苑租。延欠三年。即行撤佃。拖欠租銀。由新佃戶補繳。

兩村合併一村者

殿廡百戶南場百戶以上二村合爲一村。

馬橋門十一戶蕭莊二十戶以上二村合爲一村。

舊有村鎮之大者

營市街四百零七戶 有電線、電話、小鐵路、交通極便利。

鹿園 二百餘戶

大有莊 百三十戶

團河 百餘戶

舊有村落之成村者

南大紅門 四十戶

北大紅門 三十餘戶

西紅門 二千戶

屈莊 十六戶

北小紅門 十五戶 鎮國寺十一戶

舊有村落未成村

迴城門 七戶 雙橋門 六戶 五姓村 七戶 西五號 四戶 賈莊 三戶 高米莊 五戶

玉順莊 一戶 得勝莊 郭家場 李莊 四合村 下十號 保善堂 福善莊

安佑廟 合義莊 陳莊 太平莊 以上皆一戶 益合堂 二戶

第一百五十七章 梅廠村

梅廠在武清縣東南距楊村車站二十里近接天津而蕭然塵外。紡紗織布工廠。溯於前清。光緒年間成績早著。近年得地方補助。所籌備進行事項。原擬自領款之日起。於一年以內辦齊。業經呈准。但武清水災甚巨。收稅寥寥無多。所有常年補助費。撥換現洋。遂不能如期發給。村長深慮進行事項。旋辦旋止。殊挫自治之精神。請變通原計畫。減少事項。並以開辦費餘存數目。維持已辦各事。庶免村事全體。概受牽掣。指令展限半年。俾資籌備。

地勢 距天津五十里。距京師二百里。交通便利。風氣易於開通。出品亦恃京津爲銷路。土壤未盡膏腴。而水災亦嘗波及。蓋近處五大河之下游。而海洋空氣。足以激發人民遠大之志也。

一物產 農產因連年荒歉。所收穫仍不敷民食。是以全村男女。皆自奮於工業。本村製造品。則有紡紗織布。出品商標。呈准咨行各省。嚴禁仿冒。並援案請減免稅厘。木工藤器。不用洋式。自出新裁。其堅實如嘉道舊器。足見民德之厚也。

梅廠村實行籌辦之事業

華新信用購買販賣組合 詳前組合章。事屬激舉。奉批准照簡章籌辦。信用組合 有儲蓄銀行、農工銀行、性質厚金融之力。以便對外。

購買販賣 合全區小買賣而爲大買賣。

工廠 定名織木工廠

醫院 就學校操場地址建新磚房二十八間、遊廊二十二間、平房四間、屋宇弘敞。

租用校西校會三間、新建磚房六間、光線透亮、裝飾頗見精良。以上兩項工程均極堅實。共用銀幣四千八百八十四元。

女工傳習所

花邊科月餘已有成績二十餘種。村長辦理得法。督率認真。花邊精緻合用。教育

女學附設蒙養園。首開風氣。高等小學國民學校。管教亦見精神。

第一百五十八章 北塢村

北塢村亦村之進於鉅鎮者。觀黃村楊村之自然發達。知村爲各城各鎮之原點。今三河全境六百餘村。而村之最大者。則爲北塢。人衆事繁。既非本村長佐所能勝任。亦非他村區董所能兼理。加之南有二里半。北有小屯莊。西有梁家務。李家務。東有潘各莊。六村毗連。儼如鉅鎮。回漢雜處。勢多隔膜。非合六村立一區。不能聯民情。而資治理。計七百餘戶。風氣强悍。良莠不齊。其形勢與馬坊鎮並重。盜賊之藪。持械戕人。既有區董設立警崗。助導學齡兒童入學。修其孝悌忠信。化其强悍梗頑。庶幾乎自治矣。

地勢 原係三河西九區。民國五年。始併入七區。今劃爲第十三區。地勢平坦廣沃。每當青紗帳起。地方行旅則有不安。嘯聚成羣。搶劫委員。打死警備隊。命案多未破獲。非加以特別防範。不足以靖地方而安良善。

物產 秋收之際。無業游民。名爲檢拾莊稼。實則擄掠田禾。雖有看青之人。亦不畏。惟區董衆望咸孚。於此等行爲。輕則儆戒。重則究辦。漸知畏法安分。然人多地少。收入不足食。三河婦女。多入京爲女僕。即此之由也。京東大路。養驛馬者亦多。

分區自治事項

添巡警四名 月餉由本莊擔任半數

地方稅 本村驟馬捐。劃歸本區藉供警餉。

選任區董 十室之一。必有忠信。選舉與能。必以鄉望爲標準。

防患未然 區董生長本村。孰暴孰良。不難調查。或明爲勸導。或暗爲隄防。恩威

並用。使宵小無從而出。則盜賊之根株絕。

興學計畫 六村七百餘戶。學齡兒童亦七百餘人。昔國民學校一。學生無多。分

區後延請良師。多設學校。計六村各有國民學校一處。即於北塢原有國民學

校。拓充校舍。漸升乙種農學。并設女學。注重工藝。果有恆產恆心。雖賞之不竊。

移殖閒民 凡無土地。恆產不足。自存於本村者。由地方公湊川資。趁春融移之

塞外。傍青以作工。自食其力。由親友監督。送上火車。

嚴查遊惰 巡警四名。更番嚴查。不准容留外來遊民。

禁止淫戲 有從固安牛駝鎮傳來登雲會淫戲。立時嚴禁。不准售臨時戲園裏。

第二十四篇 結論

第一百五九章 首善

大中華行政區域。以京兆稱首善。蓋京師所在元首所在也。觀國者先觀其都會。猶見人必先識其面也。京兆列縣在郊甸者。猶面之四旁也。京漢、京奉、京綏、京通、京門。及未成之京熱。皆輻輳於京兆。猶神經之彙於腦海。而發於四肢百骸也。國家之行政在京師。地方之行政在京兆。國家之新政。施之地方者。必自京兆爲始。京兆之人。近於中央。凡遇國家之義務。莫不毅然爲各省先。庶人在官者。亦惟京兆人有優先之權利。天時地利人和。皆足以爲首善。有固有之美德焉。

自然地之首善

全球以溫帶爲最善。溫帶南閩廣熱。溫帶北滿蒙寒。惟京兆居溫帶中。尤善。山居者僻野。居者曠。惟立於大山之下。平原之上。如振衣而挈領。足爲元首。膏沃之地。則俗靡。沙漠之地。則俗鄙。惟可耕可牧之地。動植咸宜。民非水火不能生活。沙河天然之沙瀝。西山蘊蓄之煤層。皆民生之至寶。

舊時之首善

涿縣上中下三城。選三者以自治。比於桃源。瑞士爲共和。先民。

齋堂儻居山陬。亦達設孔廟。至聖道像。與曲阜相同。十室之邑。必有忠信。

居庸古碑。有類羅馬文者。有類梵文者。有類漢字而變體者。足見元室大都。聲教。

十三陵詳於昌平山水記。足見明末遺老之忠。清室開國之厚。

世俗但知南人使船。不知運河之工。元時郭守敬所測量建築。比南人更巧。

世俗但秦始皇築長城。不知明徐達修邊牆。高於秦城。永樂北伐。亦遠於衛霍。

今日之首善

中國全國鐵路最密之處。必以京兆爲第一。京通京門京苑皆在郊甸。各省所無。各省自治。一經解散。毫無基礎。京兆分區。選任區董。視昔日爲密。類能籌備進行。各省教育。惟江浙尙能進行。京兆各縣勸學所。恢復以來。校數人數。已增至一倍。各鉅鎮如新集鎮。有紗廠。有鐵廠。有顏料廠。有中學校。他省新立之鎮。未易及也。模範村如梅廠。有醫院。有工廠。商業有組合。女學有蒙養園。各省村落未易及也。

第一百六十章 比較

京兆地方比較各省區爲最小。昔順天府舊屬。猶二十四。遵化、豐潤、玉田、亦曾隸於順天府。民國初元。以京兆地之完全獨立。乃以近於天津之寧河、文安、大城、保定、四縣。割入直隸。使直隸屬縣多者益增多。京兆屬縣少者益減少。殊失其平衡。如謂近於天津者宜歸直隸。則口北十縣。與天津懸隔。往返須經京綏京奉兩路。縱貫京兆境。何以不歸之京兆。涿易三縣鐵路直達。來京視赴津便。定興、新城。亦然。夫邊區十數縣。往往開拓爲數十縣。京兆地無可拓。惟有因自然地理政治地理。厚集其力。庶幾根本之策也。

廢省分州之舊議

民國初元。各省病都督。督撫威權。而加厲。於是。有廢省分州之議。徵全國意見。軍閥爲梗。不願各道觀察直隸中。央僅得京兆一標範耳。

併道分省之舊議

地學會主張分治。傳甲以爲古之州名。道名。皆由大而小。不足爲各省區之名。宜一律稱省。且用一字爲省名。務從平日之習慣。如京兆則爲京省。直隸東半爲津

省。西半爲保省。其他每省分爲二三省。以督軍省長。改爲省尹。庶幾政治可收敏活之效。原稿在地學雜誌中。

京兆比各省何如

江蘇省今日不過六十縣。在昔日分爲寧屬蘇屬。則各得其半而已。况清季有江淮分省之事。近年有徐州設省之議。蓋中國不自強則已。苟自強則分省之事。必不能不實行也。新疆寥闊。治理最疏。不足擬也。

京兆比世界何如

英倫之工業。英倫土瘠人多。全恃工業。是以空氣不能清潔。京兆地瘠人多。即有工廠。亦散在清河。長辛店。新集鎮。不集於首都。

巴黎風俗之衰頹。京兆風俗純厚。近日東南浮華婦女。心醉歐風。狂如飲鴆。衣飾名曰文明。實即奢侈。離婚墮胎。爲人道世蠹賊。未來隱憂也。

華盛頓愴然塵外。不與紐約爭繁華。蓋行政之元首。宜於高潔。猶京兆不與天津爭繁華也。斯則美之聯邦長治久安所由來也。

大中華京兆地理志後序

大中華京兆地理志之名。上年十月十日。江蘇志出版時。文賢聞杭縣章厥生。在北京高等師範學校編纂。今年又有房山呂士熊殷祖英。寶坻張景賢。武清傅維熙。霸縣王恩深。調查。時林子奎騰方編京師志。章厥生有事南歸。京兆志仍由林子總纂。遂屢至京兆第一中學。屬門人孫蔭昌學監。促諸生調查鄉土。並每人獎舊刊書籍一冊。時各校因青島事。提前放假。不及年考而歸。先生見京兆諸生。誨之曰。舍業以嬉。國之蠹也。名曰愛國。暑假時不遵部令調查鄉土。非吾徒也。亦有愧爲京兆人也。文賢世居京兆。長姊淑嫺。歸先生仲弟仲德先生。文賢於姊丈家。讀先生著述。見其學不厭教不倦。精神。因於暑假中。逐日調查郵呈。先生於採擇後。必逐日批答。座上郵函積高尺許。文賢之困。亦一寸許。先生謂調查之役。文賢爲諸生之冠。別有師範生。願義童殿佐。永清楊格所調查。由北京師範陸廣侯校長徵集。廣侯亦先生大學高材。今日之高材。則再傳弟子也。先生書成。姪輩家元家亨。漸能講讀。家真家華等。亦頭角崢嶸。光陰迅速。文賢重先生之情。秘陰。有志必成。願京兆同學。共勉進焉。京兆劉文賢序於第一中學校。

林奎騰未刊書目 舊稿未刊者。或存或佚。或散在各省師友學生之家。因京兆學生之間。附記其目。

福海歸程記 壬寅秋。始歸閩。昔生長長江流域。未解鄉談。漸多識沿海動植。

湖南釋程記 襄校湖南督學使幕。歷試各州郡。又深入苗疆。以實地考察。

代數難題補解 西湖精舍演算之稿。衡陽諸生傳鈔成帙。巴陵劉賢拔總校。

遼金元三史蒙拾 紹興俞戴祐先生閱定。先生沒。此書遂隨先生遺稿並佚。

滿蒙回藏地名譯義 新化鄒沅帆先生閱改。遊邵陽時。佚其稿。

塞北詩集 出張北。歷豐鎮。詩格一變。國是報刊本。

易水詩集 行吟易水。乃近年最不得意之時。涑水楊士燁抄本。較諸生最詳。

易水文集 梁節菴林琴南兩先生鑒閱。僅由易縣中學油印。

山東詩集 登泰山。謁孔林。遊坊子。張店。博山。青島。周村。濰縣。長女德音彙抄本。

西湖別集 樊紹述附祀白香山祠碑記。謁先賢端子木使越祠詩。乃遊浙之紀念。

應山小識 節母林下老人。居錫善堂十二年。教成三子。茲編兼記藏休息遊之事。

家庭教科書 歷代祖宗像贊。祖墓道里記。祖產契約。祖訓遺囑。專爲子孫抄讀本。

林奎騰舊刊各書目

中國文學史

京師大學講義

微積集證

湖南時務學堂講義

代微積淺釋

湖南算報館刊本

圖史通義

湖南督學使署刊本

籌筆軒課程

長沙刻本

教育行政講義

山東省立第一師範石印

龍江教育界

黑龍江教育司排印

龍江教育狀況

上海商務印書館排印

中國地理講義

京師大學油印

安慶五更天

安慶中學生排印

青島游記

刊在地學雜誌中

察哈爾鄉土志
刊在地學雜誌中

至聖紀元二千四百七十年十月十月初版
中華民國八年

大中華北京地理志 (定價貳元)

編纂者 閻侯林 傅甲

校讀者 姪家元 李家真 男家華

編輯所 中國地學會

印刷所 中華印刷局

發行所 武學書館

代售處 商務印書館

著作權所有

北京大學路兩西老胡同
電話東二九四八

編梅竹斜街路南
電話南一六七三

琉璃廠東門路南
電話南一七一八

琉璃廠東門路北

琉璃廠東門路北

琉璃廠東門路北

琉璃廠東門路北

武學書館批發林氏出版各書

本館承辦中國地理學會林先生各項圖書
比別家最全備批發從廉館設琉璃廠東
頭路南購京師出版新書以本館為便利

大中華京師地理志 二元

黑龍江教育日記

二元四角 籌筆軒讀書日記 八角

大中華江蘇省地理志 二元

黑龍江最新地圖

八角 孔教救國篇 二角

大中華浙江省地理志 二元

黑龍江鄉土志

三角 公文法程 五角

大中華安徽省地理志 二元

龍江奮聞錄

三角 商用文法 三角

大中華江西省地理志 二元

龍江進化錄

三角 實驗貨幣學 三角

大中華福建省地理志 二元

龍江唱歌集

五角 國文淺訓 二角

大中華湖北省地理志 二元

龍江史論

二角 易水文源 五角

大中華直隸省地理志在編校中

龍江詩集

二角 易學進階 四角

大中華山東省地理志在編校中

龍江詩選

一角

大中華山西省地理志在編校中

林下詩存 三角

大中華河南省地理志在編校中

女子歷史 五角

林氏之學原於母教林下老人遺著惟存
此二種餘散見婦女雜誌中華婦女界
女學生購各省地理志者此書作對拆